

KA SHANG
KHMIH-PYRTHEI

KA DIARI

IA KÀ RI KHASI

DA U SAHEP J. HERBERT ROBERTS

U LORD CLWYD, M.P. JONG KA RI WALES

K.T.B.

6 JUN 2001

KA SHANG KHHMIH-PYRTHEI

KA DIARI IA KA RI KHASI

State Central Library
Government of Meghalaya
Shillong

DA U SAHEP J. HERBERT ROBERTS, M.P.

(U LORD CLWYD JONG KA
RI WALES)

Naduh Ka Sngi U Blei, Nai Nohprah 14 Tarik, 1884

Haduh Ka Sngi Saitjaid, Nai Kyllalyngkot, 17 Tarik 1885.

(Shih Saw Sngi)

State Central Library
Shillong
K. do T. karve.

STATE CENTRE
Shillong
1964

Printed at the Shillong Printing Works, Shillong.

1964

KI KYNTHUP

	peij
Lynnong XIX. Ka Jingleit Lynti Artet Sha Shillong.	1
XX. Ka Presbiteri Shangpung.	18
XXI. Shangpung, Jowai Bad Shillong.	40
XXII. Mawphlang Bad Khatsawphra.	69
XXIII. Sohra Bad Shella.	89

LYNNONG XIX.

Ka jingleit lyntiartet sha Shillong—Ha ka lynti sha ri Khasi, halor ka Wahbah Brahmaputra; kaba leit lynti nalor ka wahbah; ka jingshongkali na Gauhati sha Shillong; ka jingiaseng banyngkong eh ha ri Khasi; ha ka ling Mishon.....peij 1-17

LYNNONG XX. ၂၀၆

Ka Presbiteri Shangpung—Ha ka lynti sha ka Presbiteri; ka Jowai; ka janmiet ha ka ling Mishon ha Jowai; ka jingiaseng banyngkong eh jong ka Presbiteri; ka Sngi u Blei jong ka Presbiteri; ki Khristan bad ki riewpyrthei; ka thung pastor ia ki trai-ri; ka jingwai jong ka Presbiteri.....peij 18-39

LYNNONG XXI.

Shangpung, Jowai, and Shillong—Ki jingiatynekhuh bad ki khla; kaba kumno ka ri Khasi ka la long mynshuwa bad mynta; ka iew Shangpung; u Dieng Pulpit; ngi iehnoh ia ka Shangpung; ka Sngi Khristmas ha Jowai; ka miet Khristmas; ka Skul Pynpaw ha Shillong; ka jingkylli shaphang ka Mishon Shilot; ki Khasi hapoh lingmane.....peij 40-68

LYNNONG XXII.

Mawphlang bad Khatsawphra—Ka jingleit lynti sha Mawphlang ; u Borsing Syiem ; ka balang Nongrmai ; ka jingīashongkurim ba ha iing-syiem ; u Syiem Kinesing ; ka aspata Mawphlang ; ka jingīathuhkhana u Rangbah Jura.....peij 69-88

LYNNONG XXIII.

Sohra bad Shella—U nongkñia Khasi ; ka jingleitpoi ha Sohra ; ka Skul Normal ha Sohra ; ka jaka thang syiem ; ngi iehnoh ia ka Sohra ; u nongīathuhkhana Khasi badonnám ; ka shnong beh ba-iphylla ; ki Wahdadar Shella ; ka jingīaseng ai khublei ia ngi ; ka Shatok ; ka khieshoh rmen ; ka jingleitpoi ha Calcutta.....peij 89-119

Ka 'Eienshuwa

Shikyntien ha kaba pynkylla Khasi ia kane ka jingthoh diari jong u Sir J. Herbert Roberts M. P., uba la long Lord Clwyd pat hadien jong ka ri Wales, u nongthoh u don bün kiei-kiei kiba shon jingmut ia u ia ka ban leh kumta na ka bynta ka ri bad ki khún ka ri ba lashai lashiengi.

Nyngkong eh, da kaba ai ia kane ha ka ri ha la ka ktien Khasi, u ngeit ba kan iarap ia kito kiba kwah ban buh jingthoh ia ka jingtrei kam ka Mishon Wales ha ki ri Lúm Khasi jong ngi kum kawei ka bynta ne lynngong ha kata ka histori.

Ka baar ka long ban pyni ha ki khún ka ri hadien habúd kum kaei ka jingsngew jong kiba wan peit na shabár ia ka ri jong ngi bad ia ngi hi.

Ka balai ka long ba bün na ki kyrteng briew ba la jia iakynduh bad u ha kane ka jingthoh diari jong u kin ai mynsiem ia ki pateng ki babúd ha khún ha ksiew pateng la pateng,

Ka basaw ka long ban ai jingmut ia ki khún riewstad ka ri hadien habud kumno ban nang thoh diari ne ban ai jinglathuh kiba pynsngewtynnat bad pynioh jingmyntoi ia ki nongpule pat shadien shabúd.

Ka basan ka long ban kyrsiew ban nang pynriewspah ia ka thoh ka tar ha ki ri Lúm jong ngi, kaba ym shym la don wat tang la ki jong ki dak shuwa ka jingwan ai ki mishoneri.

Ka bahynriew ka long ban nym shu hun hun mynsiem ne khmih lynti ba yn shu iai shah rah shah bah lynter, hynrei ban leng rangbah hi ha la ki kjat ban búd rukom, ym tang ban pynphriang ia ka jingtip bad jingshai ha la ka jong ka ri, hynrei ruh ban pynphriang sha kiwei pat ki ri ki bam pat ioh lem ia kijuh ki bok bad ki kabu kiba ngi la ioh ei.

Ka bahynñiew ka long ban iohi ba ka jingkyrkhu ka búd ia u briew ka briew, ka ting ka sem, ka muluk ka jaka, ka hima ka sima ne ka ri hi haba iaid ha ka lynti ka hok bad haba pyrkhat hok ia la ki para briew para jynghaw katba dang ia im ha kane ka ruh-shong-bynda bad ka pyrthei-shong-basa.

Shikyntien pat shaphang kine ki nongiaid khmih pyrthei ba la khot ne la tip kum ki "Lai Sahep", kiba la ialong M. P. pat hadien :—

Ka jingiaid khmih pyrthei hi ka kynthup 42 tylli ki lynnong bad na kita ki lynnong kiba dei ia ka ri Khasi ki long 5 tylli ki lynnong XIX-XXIII.

U Sahep H. R. Davies, ha ka jingleit lynti lang jong ki, u khlad noh la ka lad na ki ar ngut ki Sahep tang shu mih na Japan ha ka lynnong XIII, ha ka Sngi Balang 29 tarik u Risaw 1884, bad u ia kynduh biang ia ki ha Sohra ha ka lynnong XXIII, ha ka Lah Sngi u Blei 5 tarik u Kyllalyngkot 1885, kata, hadien kumba ar bnai tam.

Kham búnsien ia u Sahep J. Herbert Lewis la shu thoh lyngkot L—ha ka kot diari. Une u Sahep Lewis uba la ialong M. P., lang hadien, u la wan khmih biang ia ka Ri Khasi thik 40 snem hadien, ryngkat bad la ka mem bad u khún samla jong u, uba la shon dur sinema kylleng la kylleng ka ri Khasi ban leit pyni pat sha ri Wales. Kawei na ki khún utei u Sahep ka long mishoneri ha Lushai, bad da ka jingbha mynsiem jong ka la pynleit Bilat ia uwei nangto, sriem kumba leh ia u Rangbah

Larsing Khongwir. Hadien kumba laiphew snem ei-el pat nangta, ujuh utei u Sahep Samla uba la loh nám Doktor hadien, u la wan jngoh biang ia ka ri Khasi ryngkat bad ka khún samla jong u, kaba la ring rikord pat ia ka jing-farwai hapoh ki jingiaseng hangne ha sor Shillong nalor ki sur jingrwai Khasi ban leit pynsngap sha ri Bilat. Kumta na ka fíng u Sahep Herbert Lewis la lai pateng ki la wan jngoh ia ka ri Khasi.

Ka jingíathuh histori shaphang ki mishoneri kiba don ha kane ka por 1884-85, ba wan khmih u Sir J. Herbert Roberts, M. P. (ne Lord Clwyd) ia ka ri Khasi ka long kumne harum, kat kum ka snem ba ki wan poi ha ri Khasi bad ki jaka ba ki shong bad shimti.

1. U Sahep Jerman Jones (1870)—ha Shillong.
2. „ „ John Jones (1876)—ha Jowai.
3. „ „ Robert Evans (1879)—ha Shangpung.
4. „ „ Dr. Griffith Griffiths (1879)—ha Maw-phlang.
5. „ „ John Thomas (1884)—ha Nongrmai.
6. „ „ Griffith Hughes (1866)—ha Sohra.
7. „ „ Celens Leon Stephens (1881)—ha Shella.

U Sahep John Roberts D. D. (1871) u don ha ka shuti ha ri Wales ha ka por ba wan poi kine ki Lai Sahep sha ri Khasi.

Jaiaw, Shillong.
4-8-63.

F. M. P.

Ka jinglamphrang

Ynda haba nga la dep la ka jingpule jong nga ha Cambridge ha u Jyllew 1884, la iapynbeit ba ngan laid khmih pyrthei ia khatar bnai shuwa ban sdang la ka kam ka duk, bad nga la sngewdonbok ha kaba ioh, kum ki lok laiaid synrán bad nga, ia u Sahep H. R. DAVIES, ba na Treborth, Bangor, uwei na ki para baiapule lang ryngkat ha Trinity, bad ia u Sahep J. HERBERT LEWIS uba na Mostyn Quay, u ruh u lok barim. Shuwa ban iamih, la ai jingmut ba nga dei ban buh jingthoh kaba man ka sngi ia ki jingjia ha ki jingleit shang khmih pyrthei jong ngi ha ki kot thoh shithi ba ar synrap, bad ba ia ki lait-sla yn phah sha ling ba kin pule ha ka jaka ki shithi jrong ki ban ai jingbatai bniah. Ia kata ka jingai jingmut nga la pyrshang ban leh, bad kaei kaba páw ha ki sla shadien ka long ka diari ia kaba nga la phah sha kiba ha ling ha sem jong nga na kawei ka por sha kawei pat ha ki jaka baphér jong ka jingleit lynti. Ngan kren pyntam ruh hangne ba ia ka jingthoh leit lynti la shon na ki jingthoh ba da ka kti bad khyndiat khyensoit i jingpynkylla, lait noh ka jingpynbeit ia ki jingbakla ktien bad ka jingweng noh ia katto katne kiba iadei beit ia ngi shimet.

Mynta ba la pynsngewthuh ia ka rukom jingtrei, ki nongpule kin nym khmih na ka liang ka rukom thoh stad lane na ka jingpynshai ia ki subjek jingstad saians ; da shisha kein, kata kan long nongwei ia ka jait jingthoh ia ki jingjia ba man ka sngi bad kan long ka bam lah long ha ki por bad rukom jingjia ha kaba la thoh ia ka—ha ki khyllipmat kat haba lait, ha ki trein ha rel, hajrong jong ki kali, bad kaba búnsien eh ynda la miet mynmiet haba u nongthoh ula thait hadien ka

jinglaid lynti baján kaba baroh shisngi bad búnsien búnsien ba la shoh samthiah than ban bat ia u khulom.

La shibún ki lok, kiba la lasngewtynnat ha ki jinglaid lynti jong ngi, ki la loh ka kabu ban pule lyngkhot lyngkhot na ki jingthoh ba da ka kti, don shuh ki bam pat iohi na kano kano ka bynta jong ka, bad kiba la bha mynsiem shisha ban ban ia nga ia ka ban shon kawei ka jingshon ia ka diari laid pyrthei jong nga, bad ka long ban pynbiang ia kata ka jingkwah ba nga la lum ia ki jingthoh jingtar ba la saphret saphrong jong nga bad ban teh song lang ia ki ha kawei ka kitab. Nalor kata, nga la sngewkwah hi hir ban don ka kynja jingbuh jingkyrmaw ia kata ka shuti shisnem, bad nga la pyrkhath ba ka rukom jingtrei ba na kane ka jait, ba ka long ka jingbuh jingthoh baneh skhem jong ki jingshem jong nga, kan iabiang bha bad kata ka jingthmu.

Shuwa ba ngan wan poi sha ka jingiathuh beit ia ki jinglaid ba man ka sngi jong ngi kan bha ban ai ki jingai lyngkot ia ka jinglaid shang pyrthei jong ngi, ia kaba lah ban pynbynta bha ha ki saw bynta, kita ki long, ki jingshem jong ngi ha Amerika, ha Japan; ha India, bad khatduh iawai ha ki Jaka buhai shnong ka Australia.

Nyngkong eh, shaphang ka Amerika. Hadien ka jinglaid lynti ka bam da suk eh lyngba ka Atlantik, ngi la lapoi ha New York ha u Naitung 11 tarik, 1884, bad ynda la iapynlut katto katne sngi ha kata ka nongbah babúnkam, ngi la iaking artet ka Wah Hudson, ka Rhine jong ka Amerika, haduh Albany, nangta la laiaid da ka rel sha ka Alexandria Bay kaba ha St. Laurence, bad da kaba king lyngba ki jingiohi baitynnat jong ki Hajar dewlynnong rit bad da kaba siat ia ki Lachine Lat-lat ha ka rukom ba da leh bniah bha, ngi la lapoi ha Quebec bad ki babún ki jingiasnoh histori. Ngi la lasngewbha eh bad ka

Montreal, bad nangta ngi la ialeit lynti sha ki kshaid Niagara, bad nangta sha Chicago, ia kata ka Sorbah ba la tei, kumba shu ong nph, ha ka shisngi. Na Chicago ngi la ialeit lynti da ka rel bashatei jong ka Pasiphik sha kata ka ri jong ki jingphylla, ka Yellowstone Park, lane ka madan leh sngewbha ka jaitbynriew Amerika, bad ynda la iapeit lyngngoh ha ki umpohliew bakynshait um-thnam sha bneng bad ki dieng-kylla-maw, ngi la nang leit sha ka Pung Mluh Bakhrav bad ka sorbah Mormon jong ka Utah. Ka bynta bakhatduh jong ka jingleit lynti jong ngi lyngba ka Khyndew bah ka la long ha jrong ki Sierras, ki lum baiabteng ter-ter, sha San Francisco, ka shnongheh ba long nuksa ia ka phang Sepngi kumba ka New York de ia ka Amerika phang Mihngi, bad hadien kaba pynlut katto katne por ha kane ka sorbah ba i-sngewbha bad ba shlan leh kam thymmai, bad ynda haba la ialeit ioh khmih shynna ia ki burom bathiang jong ka Them Yosemite, ngi la iasyntuid lyngba ki "khyrdop suit-rong ksiar" sha ka Duriaw Bah Pasiphik baiar.

Ngi la iapoi pat ha Yokohama, Japan ha u Nailur 22 tarik, bad nangta ngi la ias dang ha ki katto katne ka bynta basngewmuja tam jong ka jingshang khmih pyrthei jong ngi. Ngi la iasah katto katne taiew ha ka liang mihngi jong ka Hondo, ka dewlynnong bamet-bah, ngi da iapyn-long jaka sah ha Yokohama bad ialeit khmih shang ia ki jingphylla ka Tokio, ka nongbah Japan. Ngi la ioh ki shithi pynithuh ithaw na ka Sorkar Bilat, bad kine ki la ai lad ia ngi ka jingiohrung sha ka kyrdan imlang sahleng babha tam jong ka ri, bad ka la pynlah ia ngi ban iohi ia ka jingim ki Japan ha ki pud bha-sngi kiba ikhyllah ia ngi. Ka jingleit jngoh ia ka Nikko, kaba la pawnam na ka bynta ki templ ba-itynnat jong ka, bad baroh ki jingiphyl-la jong ka jingleit lynti shapoh ryngkew ha ka rukom ki Japan, ka la long kaba da sngewmuja than, bad ngi la iaryngkang pat nangta na ka tduh phang mihngi jong ka phang Sepngi jong ka dewlynnong, ngi da ialeit lynti 300 mail ha ki riksho (jinrikisha), ki jait kali jong ka jait bynriew ba tang ma ka hi ha ka ri. Hadien ki katto katne

sngi basngewtynnat ha Kioto, ka sorbah bakynsai jong ka Japan phang sepngi, ngi la iakiew jhad ha ka jhad P. bad O. jong ka jaka riehleng ka Kobe, bad ngi la iaking noh nangta bad shibún ka jingher jingkybmaw hir-hir ia ka "Ri jong kaba mih ka Sngi."

Ngi la iapoi ha Hongkong[?] ha u Naiwieng 9 tarik, hynrei ngi la shu loh por ban king artet ka wah Paila (Pearl) bad shu loh lik-lak ia kata ka shnongheh ba long nuksa jong ka Shaina, ka Canton. Ngi la nang iaid shaphrang shisyndon da ka lieng dak P. bad O baroh shilynter ka rúd duriaw jong ka Shaina, ngi da iasangheh ha Singapore bad Penang, bad la iapoi ha Colombo, Ceylon ha u Naiwieng 20 tarik. Hangne ngi la iapynlut sngewtynnat eh ia ki katto katne ki sngi ba ka jingialang lok bad ki katto katne ki lok, ki bathung kophi, kiba la khot sngewbha ia ngi sha ri lúm bad ki la pyni la ka jingsbun jong ki shibún ia ngi. Ngi la iahiar kjat ha Calcutta ha u Nohprah 12 tarik, bad kumta kumta hi ngi la iami ban leit sha ki Lúm Ri Khasi ha ka jingleit jngoh ia ki jaka Mishon jong ngi hangto, bad ia kane ka bynta jong ka jingshang pyrthei jong ngi ba ha India yn iai kynmaw barobor da ka jingsngewbha bakyrpang. Ka jingleit lynti jong ngi ba na ryngkew na Calcutta sha Bombay ka la long kaba shlei da ka jingsngewtynnat, naba ngi la leit jngoh ia ka Benares, ka shnong bakytang jong ka Ganges ; ka Agra, ka nongbah jong ka Hima Bah Mogul, bad ki jingphylla jong ka ha ki marbl bad maw-yiap ; ka Cawnpore, Lucknow bad Delhi, ki jaka pyni jong ka Thma iakhiih pyrshah badonnám jong ka '57, bad ia ka nongheh ba long nuksa ia ka India, ka Jeypore. Ngi la iehnoh ia ka Bombay ka taiew banyngkong u Rymphang shuwa ba kan sdang ka jingshit lyiur, bad ngi la iaking sha Colombo biang ha ka lynti jong ngi sha Australia.

Ka jingpyni basaw jong ka jingshang khmih pyrthei jong ngi ka long ha ka Pyrthei Thymmai ; bad ka la long ka jingiakhongpong ba iaháp jingmut sha kaei

ia kaba ngi la iohmad ia ka jingim ba ha ka Pyrthei Rim. Hadien ka jingiaid duriaw basngewmuja ngi la leit iohi ia ka Australia phang Seprgi ha u Lber 8 tarik, bad ynda la iuhar ryngkew katto katne kynta ha Albany, ngi la iuaid shaphrang sha Adelaide, ka shnongheh ba long nomuna ia ka rukom buhai shnong. Ngi la iasngew shoh jingmut shibun eh bad ka jingwanpaw ka shnong Melbourne bad ka jingshlan leh kam phylla jong ki briew ka por ka Syiem Victoria, bad da kaba iehnoh ia ka New South Wales bad Queensland tad ynda kham hadien, ngi la iaryngkang um sha shiliang sha New Zealand na ka lynti na Tasmania. Ngi la ialeit lynti nyngkong eh ha ka Dewlynnong Bashathie, ngi da leit jngoh ia ki shnongheh bakynsai, ngi da iashang peit ia ka Lake District, bad la ia iohmad de ka jingim ba ha ka pharm ki langbrot ; nangta da kaba jam duriaw ia ka Cook's Strait sha ka Dewlynnong Bashatei, ngi la leit jngoh ia ka Wellington, ka nongbah jong ka Jaka buhai shnong, bad nangta ngi la ialeit lynti na ryngkew bun spah mail da ka kali sha Auckland, ngi da iapeit iit bniah ha ka lynti iaid jong ngi ia ki umpohlew baphylla ba mih umshit bad ki um kynshait umthnam sha bneng jong kata ka thain lum mihding. Ngi la iaphai pat sha Sidney ha ka taiew nyngkong jong u Jymmang, bad ynda la iohi katto katne ia ka sor syiem jong ka New South Wales, ngi la nang iaid shaphrang sha Queensland da ka jhad, ka jingiaid jhad kaba ar sngi. Ynda la iasah katto katne sngi ha Brisbane, ngi la nang iaiaid sha khmat kham shaneng jong ka rud duriaw, bad ngi la iaioh ka jingpeit thikna ia ka rukom shna shini bad ia ki jingtih par ksiar jong ka Jaka buhai shnong. Nangta ngi la iawan phai na ryngkew sha Sidney, bad ka jingjia bakhatduh eh jong ka jingshang peit pyrthei jong ngi ba ha Australia ka la long ka jingleit jngoh ia ki Blue Mountains bad ia ki Krem Fish River jong ka New South Wales. Da kaba iakiew jhad ha ka jhad Mihngi, *Austral*, ngi la iaiaid duriaw sha la iing na ka lynti lymba ka Suez Canal, bad da kaba iehnoh ia ka jhad ha Naples, nga la iaid lynti na ryngkew bad poi ha

London ba u Naitung 20 tarik, 1885, ynda la Iajah na Bilat shisnem palat khyndiat.

Ka shu sah tang ban ong ba ka jingshang peit pyrthei jong ngi ka la long ka tyllong jong ka jingsngewbha banylla sha nga ; bad ka jingkyrmen ba kine ki jingshon jingmut, ba la thoh hangta hangta hi ba kumta kumta hi, kin ai bad rah ei-ei ka jingsngewbang ia ki nongpule, bad kan pynmyntoi ban pynleit ia ka por haba lait por.

J. H. R.

Bryngwenallt

Abergele

Naitung, 1886.

LYNNONG XIX

KA JINGLEIT LYNTI ARTET SHA SHILLONG

SNGI U BLEI, *Nohprah 14*.—Ngi dang taleit jan sha kaei ba ha kawei ka jingsngew kaba la long ka bynta basah jingkybmaw tam shisha bad basngew muja tam ha ka jingshang khmih pyrthei jong ngi, kata ka long, ka jingleit jngoh jong ngi sha ki Lúm Rí Khasi. * Kan long ka bam lah ban batai balei kane ka la leit long kumta shuwa ba ngan rung sha ka jingai jinglathuh ia ka jingsah jong ngi ha ki Lúm, hynrei katto katne ki jingken pyni lamphrang ki lah ban larap ban batai ia ka rukom sngew jong ngi shaphang ka Lyngkha Mishon, bad ka jingsngewmuja basngewthiang ia ki jingshem jong ngi hangto. U Missioneri banyngkong tam eh jong ngi u la king lieng na Liverpool sha India sawphew san snem ba la lah, bad u ynda u la sah katto katne ha Calcutta, u la lap lynti ban leit sha ki Lúm Rí Khasi; ha kaba ki trai-shnong, ki riwólúm Khasi ba eh, ki pyniasoh ha ka jingngeit-ksuid ha ki jinglong kyrdan briew bahiar tam, bad ki la im ha ka jingduna jingtip badum tam. khlem ka ktien thoh ktien tar la ha kano-kano ka rukom, ki mraw jong ki jingngeit bieij ba khyllah tam, Ha kum kine ki rukom ka jingnangroi jong ka Mishon ka la long kaba suki da ki búb-búb snem; ia ka ktien ym dei tang ban nang ban kren hynrei ban thoh shuwa ban lah ia ka ban ring ia ka jingmut

*(Ki Lúm Rí Khasi Jaintia ki don ha ka iylla Assam; ha ka liang shaphang shathie ki teng lajan kum ki kynroh na ka them Surma, ki da kynjoh stet ka kynjang kaba 4,000 phut, bad ha ka liang shaphang shatei, na ka them Assam, ka jingkieu ka long ter-ter da ki tnúm lúm kyrdan la kyrdan. Ka jingheb jong ka Lyngkha Mission jong ngi ka long 6,157 mail sawdong, ka da kham duna khyndiat ha ka jingiar ia baroh ka ri Wales).

jingpyrkhat ki trai-ri. Suki la jai pa jai, la kumno-kumno, ka gospel ka la nang iaid shaphrang, bad ki jingmih soh jong ki arphew snem ha la dep ki la ai jingpynshlur ha man ka liang. Kaei kaba la pynlong ia ka jingleit sah jong ngi hangto katto katne tatew ha ki lúm ban sngewtynnat haduh katta-katta ha ngi ? Khyndiat eh na kiba na ri Wales ki bam pat shym iohsngew shaphang ka ri Khasi, bad bún-bún bah ki don ka jingsngewkitkhia bakhraw ha ka Mishon ; naduh ngi dang iakhynnah khúnlung ngi iohsngew shaphang ki mishoneri jong ngi. ha ka ri ba sha jngai, ba ki ialap ia ki khubor babha sha ki riewpyrthei bapli bad, baroh ngi don ka dur, ba la thaw shiteng shiliang na ki jingai jingbatai jong ki mishoneri hi, kiba kumno ki Khasi ki long bad ia ka rukom ha kaba ia ka Gospel la leit rah hapoh ka jingkot kynjoh jong ki. Hynrei uei ba lah ban batai ia ka jingsngewbha ba ngi la shem haba kane ka ri ba tang ha ki jingpyrkhat sngewtynnat ka la kylla long kata kaba ngi la da iohi shisha, haba ngi la iaiuhkijat hi ia ki Lúm Ri Khasi, ha kaba ki Khasi hi ki la ieng ha khmat jong ngi ha ka doh bad ki la iakhñiot kynjut kti ia ngi, bad ha kaba ngi la iohi da la ki khmat jong ngi hi ym tang ia ki jingmihsoh bathiang jong ki jingtrei shitom ki mishoneri jong ngi hynrei ia ka *rukom pynñaid* ha kaba la nang pynñaid ia ka kam mishon !

Ka la long kaba bha bok eh ia ngi ba ngi la dei ban mih leit noh sha ki Lúm ha kata ka por noh-phai-sngi, hynrei hadien kaba pynlong ia baroh ki jingkylli tohkit ngi la shem ba kata kan long tang kawei ka lad ia ka ban pynpoi ia ngi ha Shangpung ha ka por babiang na ka bynta ka Presbiteri. Ka la long ka Sngi u Blei kaba phylla ia ngi. Ka sngi ka la long kaba ithiang, hynrei kaba shit eh, bad ngi la iadon hapdeng jong ka jingim riewpyrthei jong ka Calcutta bad tang khyndiat eh ban pynkyninaw la iano-

Iano shaphang ka Sngi shongthait. Ngi la taleit jing-
 laseng step ha ka lingmane ki Baptist ba la rim ba
 la tei ha Calcutta - ha kaba ngi la iakynduh ia u
 lok jong ngi u Sahep Sykes. Kat ha ka por noh-
 phaisngi baroh ki jingpynkhreh pynkhrum la pynbiang
 thik, bad la ki jyngkup bad jyngsong thiah jong ngi—
 naba ngi la dei leit kit lut baroh ha kata ka lynti
 leit jingleit jong ngi—ba la song itynnat bha khop;
 lymne ngim shym klet ban thied ki shatri trai-ri, kiba
 kham leit-kam ban ia ka ban shu itynnat, ia kiba la
 kren skhem ha ngi ba ngin donkam ha kaba leit
 lynti ha ki Lúm. Ka trein jong ngi ka dei mih na
 Sealdah (kawei na ki steshon ba ha Calcutta) ha ka
 por 2.20. Ngi la lapoi hangta biang por bad ki la
 shim tiket sha ka jaka ba la khot Dhubri kaba ha
 ka Brahmanutra, ngi da laiaid sekhon klas, namar
 ym don eh ka jingiapher ha India hapdeng ka kali
 sekhon bad ka pharst klas. ka jingiapher ha ka jing-
 shisha ka long ki kamra sekhon bad thard, tang ki
 trai-ri kiba iabeh kaba shong ia kane kaba hadien.
 Ngi la pynleit baroh la ki jingkit jingbah jong ngi,
 ki da kynthup ia ki rog-thiah-miet bad ki syngkhlieh
 thiah, shapoh ka rel, bad ngi la lapynsuk ia lade
 lade, naba kane ka la long ka khyllipmat banyngkong
 eh jong ka jingsngewkynjah ba ngi la loh naduh ka
 por ba poi ha Calcutta, bad katno ba nga sngew-
 muja ia ka, nga da pule ia ka Riport basngewtynnat
 jong ka Mishon, ia kaba la phah sha nga na sha
 iing, bad ngam lah khlem da sngew ka jingsngew her
 mynsiem har jong ka jingsngewbha katba nga la nang
 sngewthub ba nga la don lypa ha ka lynti sha ri
 Khasi. Katno ba bún ki parari jong nga kin ai ban
 don ha ka jaka jong nga? Ka la long ka por noh-
 phaisngi ba-itynnat, basngewthanda; ka ri ba ngi la
 laid lyngba ka la long kaba shu madan bad bam don
 jingitynnat, hynrei ba la rep la riang bha, bad ha ki
 jaka-jaka ka jingiohi ka la long thik ri Bilat, ka da
 duna ki jyngthung jyngtep jong ki ri shit, bad ki
 lyngkha ki da pynkynmaw ia nga ia ka thaiñ Kentish.

Ki steshon ha ka lynti ki shlei da ki trai-ri baroh kiba iakawkaw stet katba lah. Kam shym long Sngi u Blei ia ki, lymne ha ka jingshisha, ba ka imat kumta ia kiba bún na kiba na Europe, naba ha ka steshon Sealdah ngi la kylli ia uwei uba na Bilat la u pyrkhat ba ka rel kan shlei, haba iohi ba ka dei ka Sngi u Blei, bad u la jubab rkhe, "Ngi kiba wan India ngim ju pyrkhat shaphang ka Sngi u Blei," bad ha ka jingshisha, ka la paw ba ka long ka sngi babit bha ia ka ban leit jingleit. Haduh katta ka iaid sngewtynnat ka por nohphaisngi ba nga la sngew-lyngngoh eh ban shem ba ka miet ka lah da wan. Ha ka por phra baje ngi la iapoi ha kata ka wahbah bakytang, ka Ganges, kaba la leh kam donnám ha ka histori jong ka ri India, bad hangne ka jhad bakylluid ka la dang ap ban pynpoi ia ngi sha shiliang, bad katba ia ka jingkit jingbah la wallam halor jhad hamar babang bha ka jingiaid jong ka sha shiliang ngi la iashong bámja miet ha ka kamra bám. Ha rudwah ba sha shiliang kawei pat ka trein ka ap ia ngi, bad ngi la iapynioh, da kaba donbok eh, kawei ka kamra ban thiah ia lade-lade. Ka jingiphylla jong ka jing-iaid lynti ka la long kaba pynpeit lyngngoh, naba ngam tip ei-ei shaphang ka rukom leit lynti, la ngin háp leit lynti da ka trein ne da ka jhad ia ka basah jong ka jingleit lynti jong ngi Hamar shuwa ban ialeit thiah noh ha kata ka miet la iathuh ia ngi ba ngi lah ban thiah slem katba ngi kwah, naba don u ban kyrsiew thiah ia ngi shisha keiñ ha Caunia, ka jaka sangeh kaba búd jong ngi, ia kaba ngin dei poi dang phajir ha ka step ka babúd. Da kaba ialaw ialoit la ki rog bad syngkhlieh jong ngi, ngi la iapynkylla ia ka kali sha ka kamra-thiah basngewsuk kynjai, bad shen-shen ngi la iaiohthiah noh la ka jingsuk da kaba ka mareh ka kali ka long ka bam ialong pyrshang bad ka kar Pullam ba ha Amerika.

LAH SNGI U BLEI, *Nai Nohprah 15.*—Kumba hynriew baje ei-ei uwei u trairi tymmen ba i-eh ka

khmat u la wan mihpaw, bad la pyrtá, "Caunia Sahep," kaba mut ba ngi la íapoi ha ka jaka ba ngi thew ía ka ban poi ha kata ka phang, ba ngi shem ba baroh ki nongshong rel ki lah da pynbeit la ki jingjám jong ki sha ka wahbah Teesta ban shim la ki jaka-jaka halor jhad, ngi la pashat kiei-kiei ha lade katba íoh bad, da kaba kynrup ía la ka syngkhlieh, ka shol bad ka rog-thiah-miet, bad katto katne kiwei pat. ngi la mih ban leit sha ka jhad. Ka la long ka step kaba ithiang, ka sngi ka dang shu mih; ka lyér ka sngewpynggad. Halor ka jhad rit ka jingbám step la dang ngir, lane kumba ki khot ha India ka Shota Hasri, ka shá bad u ruti syang, la pynkhreh hapoh ka jingpynbeit jong uwei u tymmen Bengali, uba la leh katba kot ka bor ban pynsngew-bha ía ngi. Shen-shen ngi la íadon sha shiliang ka Teesta. Ka wahbah, kumba long baroh ki wahbah ha kane ka bynta jong ka ri India, ka la long kaba jaituh bad jyndong, bad ía ka lynti rel la lah shna lypa lyngba marshiteng, bad yn sa pyndep shen. Ha ka rúdwah kaba sha shiliang ngi la íaksaid ban pyn-rung sha ki kali kit mar ba ar shalyntem, bad la íiat da ki trai-ri sha kawei pat ka trein. Kane ka rukom leit lynti ka don ha ka jingshisha ka jing-myntói ía ka jingsngewphylla thymmai. Hadien kaba íaid lynti ha kane ka trein kumba arphew mail antad, la íatyngkhuh biang ía ngi da ka wahbah, ka Delha, ía kaba ngi la íaryngkang sha shiliang ha iwei i lieng kynda ki trai-ri. Kawei pat ka jinglashongrel kumba san mail ka la wallam ía ngi sha ka Brahmaputra, kawei na ki wahbah bakhrawtam jong ka India. Ha ka jingleit lynti step, ngi la íadon kumba hynriew ngut ki nongshongrel ba na Europe bad 250 ngut ki trai-ri, bad ka la long kaba sngewtynnat eh ban ap khmih ía kine kiba hadien—ka rukom ba ki íashong kyllaiñ myngngor lang ha ka madan jong ka kamra rel, bad ba ki íasaidthma ktien khlem kut shuh; ka jingkit jingbah jong ki ka da phér khyllah sngi, ba ka da kynthup de ía khyndiat ki khiew ki siang. Ka

bai shongrel na ka bynta ki trai-ri ka poh ka dor
 —kumba shi bynta na ka khatsan bynta na ka dor
 shong rel jong u nongshongrel Phareng—bad kine ki
 da pynleikam bha ia ki trein. Ka la long khatwei
 baje haba ngi poi ha ka wahbah Brahmaputra kaba
 mih nadien ki Himalaya bad hadien ka jingiaid kaba
 18,000 mail ka theh ia lade hi sha ka Bay jong ka
 Bengal. Ka jingdonkam jong kane ka wahbah bakhraw
 ha ki khmat jong ki trai-ri ka paw ha ka kyrteng
 jong ka “Brahmaputra”—u khún jong u Blei. Ngì la
 iapeit kai halor kane ka wahbah da ka jingsngew-
 tynnat, naba ha ka ngi dei pynleit ia ki ar sngi ki
 babúd na ka lynti jong ngi sha Gauhati. Ka jhad
 ba ngi la lakiew ka la long ka lieng rit ba-itynnat
 bad ka lah ban sngew sarong ia ka jingdon mala
 kaba haneng, bad ka miej bad ka jingsop dá-sngi
 dá-lyér bad kawei ka jaka bām barit ha ka mala
 basharum ; ki para ba ialeit lynti lem bad ngi ki la
 long ar ngut ki mem ba na Bilat. Ha la ki rukom
 ka jingiaid lynti na wahbah ka long ka rukom basngew-
 tynnat eh ban kynriah na kawei ka jaka sha kawei
 pat ; sngew kumba ym shym khñh ei-ei, ka jaka ruh
 ka kylluid bha ban iaíd shane shatai, bad búnsien
 don ei-ei kaba itynnat ia ka ban peit ha ki rúdwah.
 Nga la sngewmuja shikatdei eh ia ka jingiaiaid lieng,
 bad haduh kane ka por ngi la don dáu ka bakhraw
 ban sngewkwah iaroh ia lade hi ha ka jingsngewtynnat
 jong ka jingleit lynti artet sha ki Lúm ri Khasi. Don
 kawei kaei-kaei kaba iadei lang ia ki wahbah India
 baroh, bad kata ka long ka jingkiew jong ka jaka
 tuid um hamar pdeng ka wah. Na ka jingiaitheh jong
 ka khyndew ne shyiap baroh shilynter ka jaka tuid
 um hadien jong ki lapbah lapsan jong ka por lyiur,
 ka jaka tuid um ha ka jingshisha ka kylla kham
 kiew ban ia ka khyndew ba sha ki rúd jong ka baroh
 ar liang jong ka. Haba ka um ka kylla rngat bad
 them ka thaw ia lade hi ar tylli ki lynti tuid um,
 ha baroh ar liang jong ka jaka tuid um barim, haba
 shu kren beít, ka phiah sha ki ar tylli ki wah, ba

la pynlakhlad da ki rúdwah pdeng ba kham them. Ha baroh ki wabbah ba ngi la laryngkang sha shiliang ngi la leit lap ia kane. Ka Brahmaputra ka long kajuh, teng-teng ka da phiah pait pnat sha ki lai ne saw tylli ki wah rit. Kane ka jingsapra jong ka um ka la pynlong ia ka jingiaid jhad na um kaba shitom eh ha ki jaka-jaka, bad la ka jhad jong ngi ka ngam um kumba lai phut ei-ei ngi la lajan háp laid ryngkew bún búnsien. Ka jingpyniaid ia ka jhad ka la long ha ki kti jong ki saw ngut ki rangbah. U kapten bad ki paid shong jhad ki la long ki trai-ri bad ki briew kiba sngewtynnát bha, hynrei ka jingphong jaiñt jong ki kam i satia kum ki nongkinglieng, bad ka la long kaba sngewbiria ban iohsngew ia ki ba ki pyrtá "half speed" (pynstet shiteng), bad ter-ter kumta, tang kita ki ktien Phareng ba ki tip. Ym da don ei-ei eh ia ka ban iohi lait noh tang ia ki ar liang rúdwah jong ngi khlem kano kano ka jait jingim ha ki, lait noh de teng-teng ba ngi jia laid lait ia ka lieng tong-dohkha ba laid marwei, ba la pynbat ha ka rúdwah, bad tang katia. Ha ka por saw baje ka jingput wisil ka la pynsawa ban pyntip ba ngi lajan ia ka Dhubri, ka steshon ba khraw jingkhái, ha kaba ka lieng-dak ka dang ap ia ngi ban leit sha Gauhati. Kane ka jingiaid jhad ba khot ki jhad-laid-dak (naba ki rah dak artet) la dang shu lah sdang dang khyndiat bnai eh, bad ka la pynlyngkot shibún eh ia ka por leit lynti kaba sha ki Lúm. Man la kawei pa kawei imat kumba ka leh leit kyrpang ia ngi, naba mar kumta hi ngi la lakiew ha ka jhad kyrteng ka Garo (khyndai phew ton ka jingkhia), bad kumta-kumta de ngi la lapynkiew tдем um ban iehnoh ia ka Dhubri. Kane ka lieng kam don kamra bám bakyrpang, hynrei ka ar mala bad ka miej ba heh bha bad ki shuki, bad haba la poi ka por bám jingbám, la pynhiar ia ki jaiñt jingkah pyrdah baroh sawdong bad iwei i kamra-bám ba ikyntiak la pynlong; ka kamra thiah ka la long kaba heh bad basngewsuk kynjai, hynrei 'khlem syngkhlich bad jaiñthiah. Hynrei kane

kam phér. U Kapten jong ngi u la long u Bengali uba itynnat khmat la u shñiuh uba jrong bad ki khmat kiba itynnat, bad u la long uba don akor sat la ngi baroh. Ngì la donkam ban nang laid shaphrang da kaba leh sumar eh, da kaba pynlong lynti shisien na kawei ka liang sa shisien na kawei pat ka liang jong ka wahbah, kaba pyni ba ki briew kiba ha ka shalyntem ki la don ka jingtip baphylla la ki lynti laid um jong ka wahbah. Kane ka la long ka jingsep ka sngi India baitynnat nyngkong eh jong nga bad kaba la ithiang sat, naba ka jinghem saw ka la long kaba shohrong itynnat eh, bad kiwei pat ki jingpynshohrong baphér-baphér ba ha ka suiñbneng, baroh ki da la-bsiap bad syrtap kawei ha kawei pat, ki la pynlong ka dur kaba la shoh-khmat ngai-lyng-ngai. Ki um jong ka Brahmaputra ki long kiba jajai ikynjai bha bad ki jingshat syrngiew jong ka suiñbneng ba la airong ithiang sat ka la nang shoh rong pynitynnat ha kaba jngoh hapoh jong ka ; suki-suki ki jingpynshohrong ki laid jah noh, bad ka dur ka la kylla—baroh sawdong jong ngi bad haneng khlieh jong ngi piar ka shanduwa baphyrnai iphuh iphieng, hapoh pat, kum ha ka lit, la don kawei pat ka jingshat dur bamarkylliang thik jong ki khlúr ba shat phyrnai bad la ki mawsiang bneng rong jngum ba-ikhia-thew. Jram hiar ki pyrda ne i jingkah pyrda, la ka jaiñ miej-bám la siang, la ki sharak la wallam, pynmeh bad pynieng hangta ; ki nongaibám trai-ri ki lakbih búnkam shane shatai bad ki lapynlaid kam ban buh ha khmat jong ngi la ka jingbám miet babang bha, hynrei la kaba ngi la lapynsngewmuja, ha kajuh ka por ngi da lakren kai paralok bad ki paralok mem jong ngi. Hadien ka jingbám miet la iehnoh la ngi ha ka jingdum, bad ym don ei-ei la ka ban leh lait sa tang ban pynbeit la ki jynghthiah jong ngi bad ban aiti la lade hi ha ka jingsumar jong ki.

SNGI HAT MAJAI, Nohprah 16.—La lathuh la rgi ha Calcutta ba ngi dei poi ha Gauhati ha ka janmiet

Sngi hatmajai, lada ym pynlat por la ngi da ki lyoh khyndew kiba búnsien ki kiew na ka wahbah ban pynlong ka bam lah la ka jhad ban laid shaphrang. Ka janmiet kaba mynhynnin ka la long kaba phngaiñ bha kdar ha suiñbneng, khlem don dak lyoh khyndew ei-ei, hynrei shuwa ka step ngi la donkam ban pynháp angkhor kumba ar kynta ei-ei na ka daw jong u lyoh khyndew barben uba la kiew kynsan kynsan ; ka wisil ba pyntip shaphang u lyoh khyndew ka la long kumba shiphut na khlich jong nga naba nga thiah ha ka kamra-thiah, bad ka la pynkyndit kynsan shuit tynggeh tynggeh la nga. Kat ka por ba mih ka sngi u lyoh khyndew da kaba suk jai u la laid jah noh, bad baroh ka jingma ban nym lah poi ha Gauhati ha kata ka miet ruh ka la laid jah noh ; ka jingiohi ka la long kumjuh hi kum ha ka sngi bamynshuwa, hynrei jngai jngai la wan mih paw, ka jingpruid-dak bangut-nget jong ki lúm Assam bad hangne hangtai ki lyoh tдем ki kiew jaituh artet. Kine ki la long ki ding khlaw, naba ki trai-ri ki donkam man ka alom ban pynkhuid la ka khyndew la ka ban rep da kaba thang ding la ki bniap barben jong ki khlaw. Ngi la laid lait la ka lieng-kit-dak kaba wan phai kylla bad ngi la lakhublei kylliang. Ka Brahmaputra ka shlei da ki kurat-tia bad mrad, bad baheh bad barit. Ngi la iohi shibún bah ki kurat-tia hamar ki ar sngi jong ngi halor ka wahbah, bad ka la long kaba i-muja eh ban peit ap la ki ba ki pynsngewtynnat la lade hi ha ki rudwah, ki da pynkhih leh sngewtynnat la ki tdong bakhia jong ki bad ki da ang pyni la ki bniat tyngam ba i-shyrkhei ki jong ki. Uwei u samla trai-ri nalar jhad, uba leit jia ban don kawei ka suloi raiphyl, u la pynsngewmuja la lade hi da kaba siat ha ki jynghaw baradbah, bad u la lah ban pyndei la uwei shisien, u da pynlong la u mrad ba un kyrthat da ka jingpang bad ban sympat ishyrkhei la ka um da u tdong u jong u. la ka jinghikai kohnguh hukum bapaka la bat bha halor ka jhad *Garó* ; ha kaba rung la ki um jyndong la ka wisil dei ban put, bad kumne kumne uwei u khynnah shynrang un sdang ban rwai ka jingrwai jylliew um,

u da ieng ha ka ryntieh lieng bad u ksai ; kawei pat ka jingput wisil ka la long ka dak ia uta u khynnah ban sangeh ka rwai. Ka sngi ka la iaid sngewtynn timer. Kat ha ka por phra baje ia ki jingshai sharak jong ka Gauhati la lah ban iohi, hynrei katba lah ia ka ban iohi ym don jaka kiew ryngkew ha kano kano ka rukom dur, tang ka rúd mawria basharing. Ym don tang uwei ruh u Phareng halor jhad uba lah ban bthah ia ngi sha ka bangla ki nongiaid lynti, lymne don mano mano harúd um kiba lah ban sngewthuh ia ngi. Uwei u Babu lane u rangbah Bengali uba nang Phareng malu mala, u la pynioh kuli na ka bynta ki jingkit jingbah jong ngi, bad u la iathuh ia ngi shano ban leit, hynrei kine ki trai-ri ki paw shai kum kiba dang shu shah pynkyndit-thiah bad kim imat salia ban jam shijam; ngi la katta ruh, ngi la pynkit pynbah ha ki ia ki jingkit jong ngi, bad la iaiaid búd nadien nadien jong ki. Ka jingsngewsynei lade ka la pár halor jong ngi haba ngi la lap ba ym man don iwei sang eh i brier sawdong kata ka jaka ba lah ban iasngewthuh iakren bad ngi, nga la sdang ban pyrkhat ba ki mishoneri ki la long ki riewshlur shisha shisha eh ban ia im hapteng kine ki brier, marwei lngang. Ngi la iaiaid jngai khyndiat lyngba kawei ka nongrit, man uwei pa uwei, ka paw, ba ki iohthiah, lait sa tang katto katne ngut ki khynn timer rit kiba iarwai sngewtynn timer eh ha katto katne na ki iing. Ha kaba khatduh la wan uwei u brier sha ngi bad la ka sharak, bad u la ai ia ngi ka slip kotsada, ha kaba la thoh, "Sngewbha búd ia une u brier bad ngan pynsuk ia phi," la soi da u nongpyniaid jong ki kali Shillong. U Sahep Jerman Jones u la lah thoh sha une u nongpyniaid u da iathuh ia u ban iashem bad ngi bad ban pynsuk ia ngi shimiet. Ngi la iabúd ia u nongrah sharak sha ophis ; u nongpyniaid um don, hynrei ngi la iohi ia u Babu jong ka seng pyniaid kam, uba la kren Phareng bad ai jingbthah ia ka ban pynbeit shimiet na ka bynta jong ngi ha ka bangla. Kane ka la long ka jingtei kaba heh bad shibún ki kamra-thiah ba ioh lyér bha, hynrei u brier ba dei shimti u lah thiah, bad ym don jingshai

ban iohi ne jingsawa ban iohsngew. Khatduh khatwai ia u piada la kyrsiew na ba thiah bad la pynlong ia u ban wallam jingshai sharak ia ngi. Ka kamra-thiah India ka laphér na ka jong u Phareng ; ka don jingbuh jingsat khyndiat eh, bad ki jaka thiah kim don ei-ei ha ki lait noh ki tusok lymbiang, bad kim ijuh ibiang satia. Da shibún ki jingiaardak bad kdew kti ngi la lah ban pynlong ia u piada ban wanrah kat kaba ngi donkam bad kwah, bad ynda la ianguh ia u bad ia kiba búd barap jong u ba kin mih noh, shen shen ngi la iadon ha jynghthiah bad kaba iashahshkor sha kiba par halor tnúm.

SNGI BALANG, *Nohprah* 17.—Ka jingjingai na Gauhati sha Shillong ka long hynriewphew mail, kumta ngi la donkam ban pynlong ka jingmih la dang step ha ka tonga, ka kali ba shait pyndonkam ha kine ki thaiñ. Ka tonga ka long ka kali kit jingkit ba ar shalyntem, ba la shna da u siej bad la tap shiteng shiliang ; ka kit lai ngut ki nongshongkali bad u draibar, bad la ring da ki shihár ki kulai rit-met, uwei hapoh ki dieng-bom bad uwei pat ba la pynbat ha krung. Hadien ka jingbám jingbám step riwhyndai ha ka bangla ngi la iaid sha ki sem kulai ban pynbeit ia ka tonga ; bluit la wan mib ka hár kaba nyngkong jong ki kulai rit, uwei na kita um don ka jinglong ngeit-seng bapaka, naba u la kynran dadien bad la kynjat bad khatduh khatwai u la thiah kram ha u pumpum khyndew, hapoh ki dieng-bom—ka paw ba u la iaid lynti mynshuwa, bad u sngewthuh kaei kaba dang ap ia u. Sa uwei u kulai raikhoh la wallam shabar, bad ia ka jingkit jingbah ynda la pynskhem bha da u tyllai, ngi la iashim la ki jaka shong jaka shong bad la pynmastieh noh ha ka rukom ba itynnai bhe. Hadien kaba iaid ha ka surok madan lyngba ka jaka madan ia katto katne mail. ngi la ias dang ban kiew ia ki lúm rit, ia kiba la tap da ki jynghthung jynghtep rishit ba seisoh bha tyrshaid, bad kaei kaba la pynlyngngoh ia ngi ha kaba nyngkong ka la long ba u nongüiah kali jong ngi, u Bengali, u

la pynsuh ki kulai ringkali jong u ha kajuha ka jingstet-mastieh ar kijat artet ki lúm basharing eh kumjuh kum ha ki madan balinlin. Un nym da la lah ban leh kumne lymda u don shibún bah ki kulai stet ha ka jingleit lynti; ka jingpynpli kulai man la ka khep ka la long san mail ryntih ei-ei, kumta ba ngi la don shidorjon ki jingpynpli kulai thymmai ha ka jingleit kali kaba shisngi lynti. Haba ngi poi ha ka jaka pli kulai, ki mrad ba la thait hob-hob jong ngi kin shah law shah loit bad ailad ban laid sakma shapoh khlaw, bad sa ar tylli ki kulai kali bathymmai la teh ha ka kali tonga, hynrei kane ka la long búnsien eh, kaba thait ka kam, namar ki kulai thymmai ki falehpyrshah tynggeh tynggeh la ka ban mastieh lamwir ar kijat artet u lúm lem bad ka jingkit bakhia hadien jong ki, bad kin nym treh ban shur shajan ki dieng-bom; habadei badei kim treh mih lane kin lakynriah kynran dadien ban pynduhlad, ha kaba kum kita ki khep jong kata ka jingleit lynti ki nongshongkali ki donkam ban niat la ka niat lamwir na shadien lane kynriah nob harud loh lait thaw ka shah kynjat ha kine ki mrad kynsha. Hynrei kine ki jingjia ki shu pynsngewbiria la ngi, bad ngi da lasngewmuja than la ka jingshongkali jong ngi kaba baroh shisngi artet ki lúm bah, ka jingsngewtynnat jong ka jingleit lynti ka la nang kham jur da kata ka jingpyrkhat ba man la ka shimail ka la nang wallam la ngi kham shajan shi shajan la ka Shillong bad ka lyngkha mishon: hynrei ngam man lah ithuh ithaw la ka jinglohi ki lúm ki wah lyngba kaba ngi laidei laid lyngba—ki sharing lúm ki shah tap da ki diengtiai, ki siej bad ki jynghung jynghung ri shit bad ka jingai jingbatai shaphang ki Lúm ri Khasi ba la ai ha ngi da ki mishoneri jong ngi, kata, ki thain ba da ki kyntoit lúm ba laathem, ba lyngkhuit bad balyngki, bad ki da jlán ha baroh ki dong jingai katba ka khmat ka lah ban kot. Ha ka por janmiet, la kumno kumno, ka jinglohi ka la sdang ban lawan bad ka jingaidur jong nga, bad ngi tip ba ngi la nang nang jan la ka Shillong. Ngil dang lakynduh la ki trai-shnong ha lynti bad ngi dang

Iasngewphylla la ki dei ma ki Khasi : ha ki khyndiat minit ngin sa ia lohi ia ki, bad kiba kum kiei kein ki long ? Kyndit kyndit lyngba ka jingkahdum bangut-ngut kita ki jingkyndud jingrwai la pynhér ha ka lyér shaduh ki shkor jong ngi, bad ha ka shikhyllipmat ar khyllipmat nga la loh kem ia ka sur bapawnám, "Joanna," kaba barobor ka lai snoh ha ka jingmut jingpyrkhat jong nga ba bad kita ki ktien,

"O ! gariad, O ! gariad anfeidrol ei faint."

"A ! jingieit, A ! jingieit bamjukut bashlei."

Ka jingsawa jingrwai ka pynhér mynsiem hir ia ngi, bad da kaba iapeit ban khmih baroh sawdong shano, ngi la lohi, kiba ieng harúd wah, u paidbah ki khynnah rit kiba ha ki rta baroh, bad hapdeng jong ki kum u kpa, la don u Sahep Jerman Jones ha la ka tupia-dá-sngi balieh jong u. U la tursha khmat—bad u la kynjut-kti bad ngi, ha kajah ka por u da ai ka jingpdiang pynsyaid mynsiem Welsh ia ngi sha ki Lúm ri Khasi ; ha ka shikhyllipmat ngi la sngew la kumba ngi lah ialonglok baroh shi jingim. Ka jingrwai ka la sangeh bad u Rangbah Barnabas, uwei na ki tymmen basan jong ka Balang Shillong, u la wan sha khmat ban pdiang sngewbha ia ngi sha ka ri ba kha ba long jong u. Khatduh khatwai ngi la iadon ha ri Khasi, bad katba nga nang khmih ha u Sahep Jerman Jones bad lohi ia ki khynnah skul Khasi ba ki iapeit shain ha ngi, nga la eh kheng ban tip aŭu ban leh ne ong. Ka la sa ban kem dum mynta, ka da pynbor ia ngi ban phet kyrkieh sha ka Iing Mishon ; u Sahep Jerman Jones u la kiew ha u kulai-rit-met baksah bha mlan jong u bad ngi la ialaid shaphrang, ki khynnah ki da tawiar sawdong sawdong ka kali tonga bad ki da kylli ia ngi shibún ki jingkylli katba ki la nang iamareh artat artat. Ki la long baroh ka jingpeit khmat jong ka jingikoit-i-khiah krat bha bad ka jingitynnat khmat, ki da inep bad isuk shibún. Katba ngi la nang jan nang jan ia ka

shnong, ka ringmane, ka jingtei maw ba-iskhem ka la wan mihpaw ngong; la pynmeh sharak ia ka na ka bynta "ka jingiaseng balang," bad ki khynnah ki la pynpeit ia nga sha ka da ka jingpeit leh sarong de katto katne. Khatduh khatwai ngi poi ha ling Mishon, ka jingtei thymmai ba shimala, bad ka baranda bafar ha khmat kum ka jingiadá na ka jingshit ka sngi bad ki slap lyur. Hapoh pat, baroh ka la long kaba thabá bad bapynsngewtynnat, ki ding kiba heh ki da meh ha ki dpei; bad ka Mem Jerman Jones de ka dang teng ap ha tyngkong ling ban ai ka jingpdian rhem mynsiem ia ngi. Shuwa ban rung, la kumno kumno, ki khynnah ki la iasop sawdong jong ngi bad ki la iasei la ki kti ban bsuh ha ki mem-kti jong ngi ki da ong, "Khublei" (ka ktien Khasi ia ka jingkreng pdian sngewbha), bad ki da bniah kaba kylli ia ka koit ka khiah jong ngi. Mano bam sngewktah mynsiem da kane? Ngí la shu loh por thik kat ban phong pynsyaid ia lade hi hadien ka jingshong kali kaba baroh shisngi, ha kaba ka baje iingmane ka la riew na ka bynta "ka jingiaseng balang." Ki Khasi kim ju don baje iathuh por la heh ne rit, kumta ka jing tied baje ka da donkam eh ban pyntip ia ka por leit jingiaseng. Ka baje-tied ka long ka baje tama bapyllun, bad la sdien habár ka jyngkhang iingmane, bad haba u mishoneri u ai dak, ia ka baje la tied, bad ki briew shisyndon ki iatuid sha iingmane. Mutdur ia ki jingsngew mynsiem jong ngi, katba ngi ngi la nang iakiew artet sha ka pdeng jong ka iingmane, sha ka "Set Fawr," (ka jaka shong tymmen basan) ha kaba la buh ki shuki shong na ka bynta jong ngi! ka iingmane ka la shlei shuwa ba ngin rung, bad haba la ai kawei ka jingrwai, ka jingiaseng ka la iateng buk ban iarwai. Nga la sngewlyngngoh bad sngewtynnat tynggeh bad ka jingiarwai; kaba la sngewkhluit mynsiem kum kaba nga la ju iohsngew ia ka ha la ka jong ka ri, bad iwei pa iwei, naduh kiba dang rit tam haduh kiba la tymmen tam, ki la iarwai da la ka bor mynsiem baroh; baroh ki iadon la ki kot jingrwai, hynrei imat kumba ki la tip bha ia ki jingrwai. Uwei u Khasi

hadien nangta u la pule bad dwai, bad hangne don kawei na ki jinglong bapher jong u Khristan Khasi—ba u long barobor uba la pynkhreh bad la kloï ban shim bynta ha kano kano ka jingiaseng, haba khot ia u; ngam pat ju iohi uno uno u ban leh artatien wat tang shikhyllipmat ruh. Ka jingrwai kaba ar ka la long “Gwaed y groes (“Snám ka Diengphna”). Ki ktien ki long da ka Khasi, hynrei ka jingsngew mynsiem da kaba la rwai ia ki ka long Welsh, bad ngan nym lah klet lano lano kumno ba la iarwai ia kata ka jingrwai Welsh bakhraw, ka da pynlong ia ka iingmane ban sawa da ki ktien bathiang bad baktah mynsiem. Hadien ba la iai ban iai ban bún bún kylla ia kane, ka jingiaseng ka la sdang ban iaid shaphrang. Kaba nyngkong eh, ki khynnah, kiba la shong ha ki ben shong ba ha khmat eh, ki la spel ia ki dkhoh jong ki, bad la kren biang ia ki lyngkhot lyngkhai jong ka jingiathuhkhana ka Sngi u Blei ba la dep—thik kumba ki leh hi ha ka ri jong ngi—nangta ar ngut ban pdiang riewdkhot ki la tur sha khmat. Ki la ialong ki riewdkhot mynshuwa, bad kane ka la long ka jingiathuh ia ka jingim jong ki. Uwei na ki, u brier uba i-nep ka khmat, u la leit shongkurim ia ka tnga kaba sniew jinglong, bad ka, ba ka long ka riewpyrthei, ka la don ki jingujor bajur ia u tnga jong ka ban leit jingiaseng, bad ka la pyrshang ban bidong ia u ia kaba leh kumta da kaba kam treh shet treh tiew jinghám jingdih ia u bad da kaba pynsngew-satia ia u ha ki bún bún kiwei pat ki rukom leh. Kiba ha iing ha sem jong ka, la kumno kumno, ki la long ki nongkynshoit bashisha ia kane ka jingpyn-shitom, bad ki, ba k1 long mynta sha bam lah iapoi shuh ba ki la don ha ka shnong ba sha jngai bak, ka la shah pynngeit bad pyniaid ym tang ban ailad ia la u tnga ban leit iingmane, hynrei ruh ban iabúd lem ia u ha kaba leit da lade hi. Uwei pat uba kwah long riewdkhot u la kylla dait-thah suki suki noh, bad u la sangeh ka leit la sha kano kano na ki jingiaseng. Baroh ar ngut ki imat kumba ki long

kiba kwah sngur mynsiem biang ban pynfasoh bad ka balang, bad baroh ar ngut ki pyni ka jingtip babniah ia ka Baibl, haba la kylli jingkylli ia ki da u Sahep Jerman Jones; bad kumba imat ym don jingpynwit el-ei ha kaba pdiang ia ki, ka balang ka la pdiang sngewbha ia ki da kawei ka jingmut. Ia ka jingiaseng balang la pynwai da ki jingdwai. Ka la long ia ngi ka jingiashem kaba sngewbang sngewthiang eh hi keiñ, naba ka la long thik-thak kumba laleh ha ka jingiaseng balang ba ha la ka jong ka ri ha Wales; ka jingiaseng ka iapher ha ka rong bad rukom riam—bad tang katta. Hadien ka jingialang la pynithuh ia ngi sha ki tym ren basan, ki ebanjelis, bad ki riewkhmat jong ka balang, bún na ki ki kren Phareng kumba tuid ka um bad ki la long kiba nep jingmut tynggeh tynggeh. La pyni ruh ia ngi ka jingthoh pynbeit lypa riang kaba ai jingsngewtynnat ia ngi ha kaba la thoh ia ki kyrteng jong kito kiba la phah ban leit sha ki nongrit nongkyndong ba kér tawiar sawdong ban ialap ha kawei ka Sngi u Blei ka ban mih, bad ia ki jaka de ba la pynhab bynta sha iwei pa iwei. Ia kane la pynbeit da kaba da lasngewthuh jingmut lang, bad ym ju la pynmih jingeh ha kano kano ka rukom da kito ia kiba la phah ban leit, baroh ki ebanjelis ki da laleit mih noh mon sngewbha bad sngewphuhmut phuhmat man la ka step Sngi u Blei sha la ki jong ki jong ki nongrit, bad ki da lawan phai kylla pat por janmiet ynda la ialap bad hikai baroh shisngi. Ia ka kot Balang jong ka Shillong ruh la wallam ha ngi ia ka ban khmih bishar; ha ka la don ki kyrteng jong ki dkhoh ka balang, ki jingai jingkyنشew jong ki, bad kiwei kiwei de ki jinglum jingkyنشew, ha ka jingshisha, baroh ba lah ban shem ha ka kot balang ba ha la ka ri; ka la long, nalar kata. ka nuksa jong ka jingleh itynnat. Ngi la dang lashong tawiar ia ka ding ngi da takren kai bad u Sahep Jerman Jones, ha kaba la lam pynsngewkyndit ia ngi da kawei na ki jynghanglit jong ka kamra shongkai ba la tied jam. U Sahep Jerman Jones u la leng

joit mian mian, u da ong ba don mano re mano ba kwah dawai, bad hadien ka jinglakylli pyrthew ba ha jyngkhang, u la rung shapoh ka kamra-dawai—baroh ki ling Mishon jong ngi ha ki Lúm ki don ia kine—bad u la ai ia u nongtied jyngkhangit ia u bilor, uba bad uta u la iaíd leit noh da kaba sngewhún eh. Ngi la kat ban shong baroh shimiet bad la u nongkhot lingbasa basbun jong ngi ban shahshkor ha ki khanatang bapynhér mynsiem jong ka jingim mishoneri hapdeng ki Khasi. Ia ka jingtrei shitom jong u la kyrkhu kyrhai bha eh ha ka rukom ba pynsngewphylla, bad ka jing-shitrhem jong u ka long ka bam lah ba yn pynlip.



LYNNONG XX

KA PRESBITERI SHANGPUNG

SNGI PALEI, *Nai Nohprah* 18 —U Sahep Jerman Jones u la kysiew thiah la dang step ngir ia ngi, bad ngi la iamih kai shabar shuwa ka bāmja step, ngi da laleit iakhmih bishar ia ki kamra skul bad iakren kai biria bad katto katne na ki Khristan trai-ri. Hadien jong ki jingpynjutor bajur jong ka kholera khyndiat snem mynshuwa, bún-bún ki khyannah rit ha Shillong ki la shah iehnoh khúnswet, bad u Sahep Jerman Jones u la shim katto katne na kine ki barit hapoh ling jong u, ha kaba la hikai ia ki mynta da ka Mem Jerman Jones. Ha ki jingdwai mynstep ki khúnswet ki la wan rung shapoh bad la shong kyllaiñ kjat ha madan; ngi baroh ngi la iapule mar-mar shidkhot ter-ter na ka Testament Khasi, nangta ngi la iarwal kawei ka jingrwai, hadien kaba u Sahep Jerman Jones u la dwai ainguh. Dep kane, ki khyannah Khasi ki la pán ban shah ia ki ban iakynjut-kti bad ngi bad ban ong, “khublei” ia ngi, ka jingleh ieit kyrpang ia kaba ngi la da iakloi eh hi kein ia ka ban ai. Ka jingleit lynti na Shillong sha Shangpung ka la shim por ar sngi shiteng, bad ka la long lia ngi kaba pynsngewphylla bad pynsngewtynnatt; ka da pynbor ban pynkynmaw ia ngi ia ka rukom ba ki kpa tymmen jong ngi ki laleit iawan sha ki Jingiaseng bah mynshuwa ki sngi jong ki jingiaid rel, halor ingdoug kulai bad da ka kjat bún-bún mail, ba ki da iakren katba ki la nang laiaid kyrwain ia ki lúm ki them shaphang kiei-kiei kiba khraw ba ki la dang laleit ban iohsngew bad sngapthub, bad ba ki da iawanphai

kylla sha la ling la ling da ka jingkmén. Kan' long kaba eh la uno-uno u bam pat ju don ha ri India ban mutdur kaba kumno ka laid lynti ha kata ka ri ka long, bad ki jingpynkhreh pynkhrum atu dei ban pynlong shuwa la ka ban mih. Niar eh ba donkam ban da ong ba ym ju don hotel ei-ei ha ri Khasi, ym don kali ne surok kali ei-ei ha ka jingshisha, da ym don keiñ la kito ki jingpynsngewbit sngewbiang la kiba la kheiñ kiba donkam eh ha kaba laid lynti ha la ka ri. Ki mishoneri bad la ki mem jong ki ki shong halor ki kulai rit-met lane halor ki khoh-kit-briew. Ka khoh-kit-briew ka long ka kynja jingshong ba la shna ithamula eh kum ka shang heh, la kaba la kyntiew halor ka ingdong u nongkitkhoh (búnsien la khot u kuli ha ka Thaiñ Mihngi), u jyingteh, uba pynskhem la ka shang-khoh ha ka ingdong u rangbah briew, u da pár hamar ka shyllangmat jong u. Ia baroh ka jingkit jingbah la pynkit ha kane ka rukom, bad ka kynthup lang ruh la ka jaiñ-thiah bad ki báam ki dih ba hár rukom. Ngan lai kynmaw barobor la ka jinglohi kaba ha khmat ling jong ka ling Mishon ba ha Shillong jong kata ka step—u paidbah bakhraw uba laieng tawiar sawdong ka jyingkhang, ki nongkit kiba wan na ka bynta la ki jingkit babún jong ki, ki Khristan pat kiba kwah ban lakren khublei la ngi, bad la u Sahep Jerman Jones, u nongpynlaid rangbah, ba u ieng nalar baranda bad ba u da talat kam la baroh ki jinglaid beit laid ryntih. Khatduh khatwai la ki nongkit nongbah la phah noh bad la ki jingkit jingbah jong ki; ka Mem Jerman Jones ka la kiew halor i kulai jong ka, bad ngi la iabud la ka nuksa jong ka ha kaba shong halor la ki kulai rit ba la ai kyliang sbun mynsiem la ngi da ki Khristan Shillong, nangta ka kynhún shong-kulai ka la sdang la ka lynti jong ka sha ka Presbiteri, u Sahep Jerman Jones u da niah sha khmat la ka tduh ha la i kulai ehriang jong u. Ryngkat bad u la iawan ka kynhún Khristan, kaba thew leit sha Shangpung da ka kjat, kumta ba bad ki shakri shakor

bad ki nangbúd nongrap ka kynhún leit lynti jong
 ngi ka la long kaba ishongkhia ishongkun. Ka step
 ka la long kaba ithiang sat, khlem lyoh, ka lyér
 bapynggad bad ba beh hir-hir, katba ngi la nang
 iehnoh shadien la ka Shillong, kaba la kah phyrngop
 itynnat bha hapdeng ki jingmih khah ki dieng, bad
 ngi la larung la ka lynti laid kulai jong u lúm bah,
 kaba da kiba bún ki jingkyllaiñ bad jingkyrwaiñ ka
 la lam lynti sha Jowai. Baroh sawdong jong ngi la
 piar ki Lúm Khasi, mynta kiba i-lyngkhuit, lajan khlem
 uwei u phlang, hynrei la kiba yn sa tap da u phlang
 jyrngam thymmai ha ka por pyrem. Ym don nong-
 kdew lynti sha ki Lúm ba lah ban shem u ban kham
 palat ban la u Sahep Jerman Jones, bad ha ka kynhún
 leit lynti jong u ka jingleit lynti jong ngi ka la kylla
 long kaba la pynsgewmuja ar ban. Ngi la iashah-
 shkor sha bún ki khanatang jong ka jingim mishoneri
 jong u, bad ngi la nang ruh bún na ki rukom bad
 dustur jong ki Khasi katba ngi la nang lapynkodom
 kulai baroh shilynter narúd-narúd jong u. Un kdew
 la ngi la ki nongrit ba ha kliar jong u lúm bamarjan,
 ha kaba la don lai ne saw ngut ki Khristan kiba
 laksaid shaphrang, la hapdeng ka jinglong riewpyrthei :
 hangtai, ha uwei u lúm kyntoit ba leng marwei, jngai
 na ki jaka laid jaka leng ki briew, la don ki jingjot
 jong ka ling ba la shimti da u mishoneri ri Khasi
 banyngkong tam jong ngi, u Sahep Thomas Jones, la
 kaba u sngewbit ban iehnoh noh la ka kam babha.
 Ha ki ar liang krung jong ka lynti laid jong ngi bad
 ha man ki dong la leng kynhún-kynhún ki maw ba
 long dur shalytoin, ba la pynleng ha kawei ka tduh.
 Kine ki la long ki jingbuh jingkynmaw la ki Khasi
 ba la lap, bad la thung halor ki shyieng jong ki, la
 kiba la thep hadien ba la thang la ki. Hangne ki
 lyngdoh nongkña ki lympat pylleng, ki ai jingdwai
 na ka bynta ki mynsiem ba la khlad noh, bad ki
 laid lyngba bún-bún ki jinglehniam lebrukom ban lap
 la ka jinglong ki mynsiem, la ki suk ki saiñ ne la
 ki shah pynjynjar da ki ksuid. Kine ki maw sah

jingkyrmaw ki long kawei na ki khyndiat ki sakhi
 bapaw shabár la ka jingsynshár ka jinglong riewpyrthei
 hapdeng ki Khasi. Ngi shongkulai da kaba laid lait
 la kawei ka pung, kaba shat phyrnai ha ka jingthaba
 ka sngi bad ba la kér tawiar da ki dieng. la kane
 la pynkylla blei da ki traishnong, bad la tharai ba
 ka dei ka Syiem Thalaskieñ (*Kalistine*.) la kaba la
 pynlipoikha bad u riat lúm bajrong ha Khatsawphra,
 ba la khot "U Lúm Kyllang," bad haba ka ér-kyllang
 ka beh khyrwia la ngeit ba u blei lúm u wan jngoh
 la la ka inga, u da shongkulai ha ki thapniang jong
 ka ér-langthari. Hangne hangtai la ka ranab lúm la
 tap da ka lawphyrngop barben sla dieng bad bafamih
 khah, ka jaka shong jong ki khla bad ki labasa,
 Bún-bún ka kynhún Khasi ngi iakynduh ha ka lynti
 jong ki sha ka lew Shillong, ki da kit la ki jingdie
 ha la ki ingdong jong ki, te bad kine u Sahep Jerman
 Jones búnsien u lakhublei kylliang, bad búnsien la don
 ki jingiarkhie lang shaid ba la pynlong da ki jing-
 kren biria danda jong uto u mishoneri ba la lamlien
 bha. Teng-teng ka lynti laid kulai ka la long kaba
 riat eh bad ba khohruh khohram, bad ngi la donkam
 ban iahiar-iahia iakiew-iakiew bad shu laid kiat noh,
 ngi da iehnoh la ki kulai sha ka jingsumar jong ki
 katto katne ngut na ki trai-ri. Kumba shiteng sngi
 ngi la lasangeh ban labám jasngi, bad ngi la lasngew-
 muja shibún bad ki kpu-doh bad um lemonet, ngi
 da iashong harúd surok bah ba la tawiar baroh
 sawdong da u paid nongbúd. Katba ka por prem
 miet ka la wan ka la nang kem khriat, bad ki
 thylliej ding ba la bá khalek hangne hangtai ha ki
 kliar lúm * ki la nang pynitynnat shikatdei la ka
 jingiohi ki khmat. Ka la kem dum ha ka por ba ngi
 lapoi ha Dak Bangla, lane "ka ling shongthait jong ka
 Sorkar," hajan ka nongrit Mawryngkneng (*Mawlyncyn-*
nen), bad ngi la lap la ka jingtei maw kaba don ar

*Ki Khasi ki chang phlang ha kane ka afrom jong ka snem, bad
 shen shen ngi la kylla mlien la ki jingpluh ding ba ha ki lúm bah ba
 ha ri Khasi.

kamra ; ka jingpýnbiang jyngbuh jyngsat ka la long kaba ñiar kráng-kráng—kawei ka miej, kawei ne ar tylli ki shuki, bad ar tylli ki jyngthiah—hynrei ka jingkrhuh ding bathabá ha dpei ka la long kaba pynsgewjuh eh. Ki shakri shen-shen ki lawanpoi, bad shisyndon ki la ñasdang leh búkam ban pynkhreh ka jingbám jamiet ; ki ebanjelis samla bad ki tymmen basan na Shillong ruh ki la lawan rung, bad ki la ñasylla syllep bad u Sahep Jerman Jones shaphang ka lynti ñaid babha tam ña ka sngi ka babúd. Da ka'oa sngewsuk eh ngi la ñashongkai kata ka janmiet tawiar ña ka ding, ngi da shahshkor sha ki jingiathuh ba la kumba pyni dur ña ka jingtrei kam mishoneri ; hynrei ba la ñasngew lam byrthait hadien ka jingleit lynti ba baroh shi sngi jong ngi ngi la ñaleit thiah noh baroh dang shai. Ki Khasi ki don kawei ka jinglah ban leh kaba isuk kyrpang phér ña ki hi shimet—ki lah ban thiah hapoh ñing ne habár ñing hapdeng madan, la hangno-hangno ha kaba ki lah ban siang la ki jaiñthiah jong ki. Kaba shai, ba ym biang jaka ha dak bangla ña baroh ka kynhún jong ngi, kumta ba ña ka ding la sliew harúd, bad tawiar ña kata ki Khristan trai-ri ki la ña'ohthiah. Nga la dang shu sdang ñohthiah haba nga la ñohsgew ña ka jingkyndú jingrwai, bad biang nga ñoh kem ña ka sur Welsh, nangta ka jingdwai ba ktah dohnúd ka la kiew na ka kynhún ki Khristan kiba ñalum tawiar ña ka ding. Ym ju don kawei ka step ne ka janmiet ka ban ñaid lait—kam phér la hangno hangno ne lada kumno kumno—khlem ka jingaiti u Khristan Khasi ha ka jingdwai.

SNGI THOHDIEG, Nohprah 19.—Ngam shym la ñoh satia ka jingiohthiah suk mynmiet, namar ka la long ka nusip jong nga ban leit thiah ha ka jyngthiah kaba la kñih padoi kum ban kyllon da ki snem bad kaba ha kata ka miet ka la pyni ki dak kiba shai ña kaba kan kñeñ noh artat. Nga la donkam ban thiah ha kawei na ki tduh jong ka jaiñsophthiah bad ban nym kñih mym ksar shithrot ruh. La nang

ban shuh-shuh nador kane ba kane ka dak bangla ka la long kaba pawnám na ka bynta ki kynhún khnai jong ka, kata ka jingshisha ía kaba la pynngam ha ki jingmut jingpyrkhat jong ngi ha ka rukom íathuh ba shai bha kdiar-kdiar jong ki jinglap hí jong u Sahep Jerman Jones ha ka rukom ba kita ki mrad rit ki íamareh mastieh sawdong ka jynghthiah jong u ha kata hí ka kamra, kumta ba ía ki jingsngew jong nga lah ban shu pyrkhat mutdur hí. Nga la phohsniew shaphang ki khnai ryngkat bad baroh ki jingsngewngiew baíabynrap bad kata ka jingjia, nga la sngewbha eh ban íohi ía ka jingshat jingshai sngi bad ban íohsngew ía ka sur sawa ba kren pynshngaiñ jong u Sahep Jerman Jones kaba khot ía ngi ban khie noh. Ka step ka la long kaba la ithiang sat, bad ka jinglong ka lyér kaba pynsngewshait bor, bad hadien ka jingiábám-jingbám step bapynhun mynsiem ngi la íapynlong ka jingiámih leit jingleit kaba khatphra mail sha Jowai. Sa shipor ka kynhún ki Khristan, bad u Rangbah Dorkha, u Rangbah Barnabas, u Rangbah Madsing, bad kiwei pat ki ebanjelis, ki la íeh ía ka kynhún jong ngi ban leit beit-beit ía ka lynti ba lam sha Shangpung, ba katba ki nang ong khublei, u Sahep Jerman Jones u la buh la ki kti jong u halor ki khlieh jong ki bad la kren ía ki, ki ktien pynshlur pynshngaiñ. Kumta ngi la nang leit kiew artet u thieb bad arsut ka jur sha ki them, hapdeng ki jingleit íohi kiba itynnat, ngi da íakren sha ki Khristan trai-ri kiba nang kren Phareng, bad ngi da íashahshkor sha ki jingshem phylla u Sahep Jerman Jones ha ka lyngkha mishon. Kumba shiteng sngi ngi la íajám lyngba ía u púd hima uba dei hapdeng ka ri Khasi bad Jaiñtia, bad la ym shym don kano-kano ka jingkylla bakynsan ha ka jingíohi ía ki lúm ki wah, ngi la íapoi íohi ba ki briew jong ka Jaiñtia ki la don ka met ka phad ba kham bha, ba ki kham jrong rynieng bad kham ikhlaiñ iksah ban ía ki Khasi. Ngí la nang íaíaid lyngba ía kawei ka them ba la rep la riang bha ha ka por nohphaisngi ha kaba shisyndon kawei kaei kaei balieh

baheh ka ieng ha kliar u lúm marpyrshah ía ngi, bad ka
 jingsawa kren basngewtynnat ka pynbna ba kata ka dei
 ka iingmane Jowai bad ba ngi la nang jan sha ka
 bakut jong ka jingleit lynti jong ngi. Ka Jowai ka
 long kawei na kiba itynnat tam ki jaka sangeh mishon
 ba la seng ha ri Khasi, namar kam ngat ha ka
 jingsbit jingkhriat ba sha bapalat, kumba long katto
 katne na kiwei pat ki jaka sangeh, bad ka shong rieh
 khop hapoh ka lyngbung sla barben, don na ki kiba
 long sabñiup bad kyrphum ha ka jingsan; ía
 ki iing la tei kumto khlem kano-kano ka plan, bad
 ki jlán la shano-shano. Hynrei hajrong joit ía baroh
 bad kaba da ieng ha khlieh jong ka jingkiew jingjám
 ba-itynnat, don ka iingmane thymmai bad katba ngi
 ía nang shongkulai da artet shaduh sha ka, ngam
 banse ban sngew ba suk long kata ka shnongheh,
 kaba ka jingtei babha tam bad ba ibakhraw tam ka
 long ka iing u Blei. Ngi la íaid ha ka lynti jong
 ngi lyngba ka Kompon Mishon ha kaba baroh ki
 Khristan Jowai ki don la ki iing ki jong ki. Khlem
 artatien, ha ki sngi bamynshuwa jong ka jaka shong
 mishon lada ía kiba kylla niam la iehnoh hapdeng
 jong ki jinglalong lok long jor barim jong ki bad ki
 ngat ha ka jingpynjynjar barunar sat jong kiba ha
 iing ha sem jong ki bad kiba ía ithuh ithaw bad
 ki, ki jingim jong ki kin long shisha kiba eh bad
 jynjar; kumta ban kiar na kane bad khnang ba ki
 Khristan kin lah ban íalong iwei ía iwei pat ka bor
 jingkhlañ bad jingiasngewshngaiñ, ka Mishon ka pyn-
 biang ka Kompon na ka bynta ki iing Khristan. Ha
 ka kyrdan kaba kumba ka long mynta jong ka jing-
 long Khristan ha ki Lúm ka long kaba da donkam
 eh ba kaba kum kata ka jingpynbeit dei ban pynlong,
 hynrei ngi peit kmang sha kata ka por ha kaba ki
 Khristan kin lah ban peit pyrshah ía ki jingtynuh
 bad jingpynshoi kiba íasnoh bad ka jingim ba hapdeng
 ka jinglong riwpyrthei; bad ba da ka nuksa bad akor
 briew ka jong ki kin pynphriang jarjar ía u symbai
 babha, bad ba ha kane ka rukom ban long ki lad

ia ka ban ring kham bún shuh-shuh sha ka jingshisha
 ban ia kaba ki lah da kaba im kyrpang ha ka pyrthei
 riewpyrthei kaba baroh sawdong jong ki. Kawei ka
 dur-briew ha la riam la beit ha ka sut stang bad
 baphong ka tupia dá-sngi ka wan ban iashem bad ngi,
 bad ngi ithuh ba dei u Sahep John Jones, u mishoneri
 ba shimti ia ka Jowai, uba ai ka jingpdiang basyaid
 mynsiem ia ngi bad u íalam ia ngi artet sha ka íing
 Mishon, ha kaba ka Mem Jones ka íeng ap ban
 pdiang ia ngi. Sawdong tawiar, la íalehkai ki khún
 rit jong ka kiba isuk ngai-ngai kumba slem ka sngi
 bad kiba da íakren kynkliak sngewtynnat ha ka ktien
 Khasi. Ka long kaba i-lyngngoh ki nongiarap
 aiu kine ki barit ki long ha ka kam mishon
 bad ka jingpynsngewshngaiñ bad jingpynsngewtngen
 aiu ki wallam haba ki jingpyrkhat shaphang la ka
 iing ka sem bad ki lok ki jór ba don sha jngai-
 jngai bah teng-teng ki pynmih ka jingsngewdiaw
 mynsiem bashikhlip ka khmat sha ki nongtrei ba
 ha ki Lúm. Ka iing ka la long kaba dang thymmai;
 ha ka jingshisha la dang shu pynlong kaba bit shong
 bit sah khyndiat sngi shuwa ba ngin poi. Ha ka
 kamra shongkai la don shisha ka jingbuh jingkynmaw
 ia la ka iing ka sem, ka da kynthup ia kawei ka baje
 heh íathuh por ba itynnat eh bad shi set ki jingpyndeng
 ba la ai sngewbha ia u Sahep Jones da ki lok Holywell
 jong u. Hadien katto katne ka jingíadih shá bapyn-
 sngewpyngngad ngi la íaleit bad u Sahep Jones ban
 leit khmih ia ka iingmane, ka iingmane-bah jong ka
 ri Khasi, bad ka pynshisha ba ka itynnat shapoh
 kumba ka iphuh iphieng shabar, ka da don ki jaka
 shong basngewsuk bad ba la pynbeit ryntih bha bad
 kaba ngiam sanspah ngut briew. Nangta ngi la íaleit
 jngoh ia ka iingmane rim, ba la pyndonkam mynta
 kum ka skul sngi ka mishon, bad ka la long katta
 dang shong hangne katto katne snem mynshuwa ba
 ka Mem Jerman Jones ba la khlad noh ka la sngewphylla
 la ka sngi kan poi mo lano lano ha kaba ia kata
 ka jingtei yn pyndap da ki Khristan. Ka sngi ka

la poi, ym tang ba kata ka iingmane hynrei kaba kham heh shuh shuh ka shlei da ki nongmane. Kaba kum kata la long ka jingiaid shaphrang jong ka jinglong Khristan ha Jowai. Ha kata ka janmiet la long ka miet Jingiaseng Dwai, bad ka iingmane baheh (ym ka kamra-skul kumba ju long búnsien eh ha la ka ri) la pynshlei : ka jingiaseng ka la long kaba shoh mynsiem, u Sahep Jerman Jones bad ar ngut ki trai-ri ki da iashim bynta. Ngi la ialum ha ling Mishon hadien kane, ha kaba la tied jyangkhang, bad shidorjon ei ei ki rang-samla, ki Khristan bapawkhmat na Jowai, ki iarung shapoh. Lada don kaei kaei ba u Khasi u sngewmuja, dei ka "iakren kai", kumba u Sahep Jerman Jones búnsien u iathuh ia ngi ; ki long ki briew kiba na ka jinglong tynrai hi kiba iapariah-rai, bad ki pynlut ia ki janmiet baroh kawei da kaba iakren biria lang tawiar ka ding shaphang kane katai bad sha kiwei pat. Shuh shuh, haba u lok u wan shongkai yn kheĩn ka jingpynkheĩn bajur ia ka akor Khasi lada jia ba leit thiah noh shuwa ba u nongshongkai un ai jingmut ba un leh noh kumta—mar khongpong ki jingiapyrkhat jong ngi ha kane ka bynta. Hapdeng ki nongwan shongkai jong ngi kata ka janmiet, la don u Rangbah Joel u samla riewblei nadong shadong bad banep jingmut tam, u rangbah Katwar bad u rangbah Sympot Sing, ia kiba yn sa pdiang pynskhem kum ki Ebanjelis ha ka Presbiteri ka ban wan. Ngi la iaioh ka jingiakren iakhana basngewtynnat shibún eh bad ki ia shipor bad kan jin da la neh lehse baroh shimiet, ban nym dei ba u Sahep Jones u pashat jingmut ba la dei ka por ia ka ban iakren leit noh.

SNGI SAITJAIN, *Nai Nohprah* 20.—Ngam tharai ba ngi lah ban iohi ia ka kam mishon ha ki ri Lúm Khasi ha ki púd jinglong ki ban kham bha kyrpang. Bún bún ki jingpynjia kiba bhabok ba la pynlang lang ha kane, bad kaba donkam tam na kine ka la long ka Presbiteri Shangpung. Da kaba iadon ha kane ngi lah ban kheĩn antad ia ka jinglong jong ka balang ha ri Khasi

baroh kawei ; bad ngi la iaioh peit shapoh ia ka rukom ha kaba la pynlaid ia ka kam ha ki babún ki distrik, kaba kum kata ba ngin nym da la lah ia ka ban ioh da kaba leit jngoh ia kawei pa kawei ka jaka shong mishon kyrpang kyrpang. Nalor kata ka pynlang lang ia baroh ka jingmih soh jong ka jingtrei ki mishoneri jong ngi ha ki Lúm, bad ki la ai ia ngi ka dur kaba shai bha kdar shaphang ka balang jong ki Khristan Khasi, ba la pynsan pynrangbah ha ka nuksa ba kuin kata ba ngi don jingiasnoh ha la ka ri. Ka jingialang banyngkong eh jong kata ka Jingiaseng ka la dei ban sdang ha ka por shiphew baje mynstep, bad namar ngi la dei shongkulai khatsaw mail sha khmat jong ngi, bad namar ba u Sahep John Jones u la long u sekreteri jong kane ka Jingiaseng, ka long kaba ym banse shuh ban pynlong ka jingiamih ba dang step ngir na Jowai. Ngí la iaioh biang ka step basngewthiang ha ka jinglashongkulai jong ngi lyngba ki lúm kyntoit ba sha Shangpung, bad la iabúd synrap da ka kynhún paid bakhraw jong ki Khristan bad kiba ngi la iakren biria kai sngewbha katba ngi la nang iaiaid artat lynti. Ynda la iaiaid lynti katto katne kynta ngi la iaiohi ia ka Iing Mishon Shangpung ba ka ieng shlur joit halor kliar uwei u lúm, ia ka shnong rit hi la buhrieh da ki phyrngop kpér-lynnong bajyrngam jong ki diengt-lai bad ki skhen ki skong kiba la pyni ia ka rúd ka kiar ka jingi jong ka jaka seisoh hapdeng ka rishyap jong ki lúm kyntoit basynlen bad balyngki. Ngí la iakyrda ka kiew artet u lúm basharing; bad khatduh khatwai ngi la iapoi ha ka Iing Mishon, ha kaba la ialum ka jingialang bakhraw : u Sahep Robert Evans u la mareh ban iashem bad ngi da ki ktien jong ka jingpdiang sngewbha bashitrhem mynsiem, bad shen-shen la pynithuh ia ngi sha ka Mem Evans, u Sahep bad ka Mem Stephens, u Sahep bad ka Mem John Thomas, bad sha u Sahep Griffith Hughes. Ka la long ka jingiasngewbha bam lah batai ban lohi ia kine ki lok, bad ki shisyndon ki la sdang ban kylli ia ngi ki spah ki jingkylli shaphang ka iing ka sem, ban jubab ia kata

ka la long ka kam kaba pynsngewtynnat. Ka jingialang banyngkong jong ka Presbiteri ka lah da long ha shuwa ba ngin poi ma ngi, bad kane ka la long kawei ba la leit tang da ki Khasi, kiba la iashem ban iatainia ia kawei ka jingiakren ba la ai ia ki da ki mishoneri. Ka jingiasuhsat jong uwei u dkhoh na ka balang Shella ha ka mukotduma bam tyngka bad ka jingshahbeh jong u hadien ba la rah sha ka jingpynsngewkhia ia ka kam bam tyngka ha ka jingiadei jong ka bad ka kynhun Khristan, bad dei kata ka jingiakren jong kata ka jingialang para trai-ri. Ka baje shen-shen ka la khot ia ngi sha ka jingialang paidbah banyngkong eh jong ka Presbiteri, bad ngi la iaiaid lang sha iingmane, kaba dang thymmai bha, bakhuid itynnat bad ba la tei skhem bha, kaba ngiam ban shong kumba sawspah sanphew ngut briew. Hadien ka jingiaseng lamphrang balyngkot u Sahep Evans, kum u sherman ne nongpyniaid jong ka Jingiaseng, u la shimti ia ka jingialang, bad ka jingiatrei-kam ka la sdang shitrhem. Ia ka iingmane la pynshlei mam da ki deliked na kiba bun ki balang, bad na sdang ka kut ka jingsngewmuja jong ngi ha ki jingpyniaid kam, kam man duna. Nyngkong eh, la don ki riport na baroh ki balang ha ri Khasi bad Jaintia. Ka balang Mawphlang ka la pan bor na ka Presbiteri ban tei ka iingmane thymmai, ia kaba la ai; ki Khristan ha Nongrmai (ka shnong rit ba ha Khadsawphra) ka la sdang ban tei ka iingmane thymmai ha ka jingheh kaba la palat than ia ka kynhun leit jingiaseng kaba mynta, bad ka la kwah ka jingiarap na ka jingkynshew paidbah (ia kaba la ju pynlong ha kiba kum kine ki kam) ia ka ban pyndep ha kaba tei ia ka. Ia ka komiti la jer kyrteng ban leit tohkit bniah ia ka jingioh jingkot paisa tyngka jong ka balang ha Nongrmai bad ban riport la ka long kaba dei ban ai buit kaba pynrit ia ka jingheh jong ka iingmane. Hadien kata bud sa ka jingpdian ia ngi. Uwei u trai-ri u la tyrwa ka jingrai ba yn pdiang sngewbha ia ngi, bad u la kren shibun bah ki ktien sbun shaphang jong ngi, u da ong hapdeng

kiwei kiwei de, ba ki (ki Khasi) ki la sngewshobbieij ngaiñ ha ka jingwanpoi jong ngi ban wan khmih ia ki na ka jingjingai kaba khraw katta katta ba kim lah ban shemphang ia kata, lymne ban ai khublei ia ngi kat ka jingsngewkwah jong ki—hynrei ba kin nym lah klet lano lano ia ngi, bad ba kin dwai na ka bynta jong ngi man ka sngi, kumba ki la ju leh naduh ka por ba ki la iohsngew ba ngi la mih na la ka ri. Kiwei pat ki Khasi ki la kren pynbúd ha kajuh ka sur, bad ngi la khublei sngewbha ia ki katba ngi lah ei, naba ki dohnúd jong ngi ki la dap shoiñ ia ka ban ong shibún Ki mishoneri nangta ki la pdiang sngewbha paidbah ia ngi hapdeng jong ki, bad ngi la iasngewnguh eh ia ki na ka bynta ka jingpyni basbun jong ki. Kawei pat ka kam kaba búd ka la long ka jingkhlad bam banse jong u Sahep John Thomas. U Khasi na Khadsawphra, ka distrik ha kaba u Sahep Thomas u iadon kti, u la buh ka jingtyrwa jingkren sngewlem bad jingsngewdiaw ba la pynbor ia u ban iehnoh noh shen-shen katta katta ia ki, bad u la kren shaphang ka jingsngewkheĩñkor ba ki ha Khadsawphra ki la don shaphang jong u kum u mishoneri bad ia ka jingsngewieit ba ki la sngew na ka bynta jong u, la u la iadon bad ki dang tang khyndiat taiew. U Sahep Thomas u la jubab kaba la tadoit ka jingjrang ha ka ktien Khasi, ba lah ban sngewthuh shai lut da baroh. Kane ka jingnang stet ia ka ktien Khasi ka la pyni ba um shym la shu shong alhia, la ia kaba kham bún ka bynta na ka jingsah jong u ha ri Khasi la pynlut kum uba khrew bam lah pynkoit shuh. Hadien kaba katto katne ki jingiatrei-kam bafadei beit ia kita la lah iatainia, ka jingialang ka la wai. Ngí la ialang biang hapoh iingmane ha ka por hynriew baje ban iatainia *ia ka Jinglong ki Balang* kiba ha ka distrik Shangpung (“Sefyllfa yr Fglwysi”), bad nangne ngi la ioh jingsngewthuh kumno ba ka kam ka iaid shabár ki jaka shong mishoneri bakynsai Ngí la iatoh shibún ka jingpyni shaphang i kynhún Khristan barit, búnsien ym palat ia ka shidorjon ngut briew, iba iaksaid lap

jngai jngai shapoh lawbah, ha kaba la kér tawiar ia ki da ki lyngbung khah bam lah sam lyngba kiba mih bad san haduh shiphew phut ka rynteng ne kham palat pynban, bad ha kaba ñiar eh ban nym don ka khieshoh-rih. U nongmihkhmat na kine ki balang bashong pajih lynnong un ieng, la ka jaiñkup ba la tawah sawdong ka met jong u, bad un ai la ka riport jong u, haba u la buh ryntih bha la ki jingñathuh bashisha jong u. Ka rukom ba une u tymmen basan Khasi ba na shapoh lawbah lawsan u pynshai ia lade hi ka la long kaba la pynpyrkhat. Hadien ki jingoren kyllum katto katne shaphang ka jingnangroi ne ka jingnangran ka kam bad ki daw jong kane, ka ñathuh katno ba la pdiang balang thymmai, katno kum ki riewdkhot, katno ka jingwan ryntih ha ki jingñaseng Sngi u B'ei bad Skul Pynpaw, bad ha ka skul sngi jong ka Mishon. Don na ki deliked kiba kyrpad ban ñoh nonghikai bad nongñalap shuh; don kiba kren phuhmat, don pat kiba kren diaw mynsiem shaphang la ka kam jong ki ha ki hynriew bnai ba la dep. Ki mishoneri ki la aibuit ai sylla bad pynshlur pynshngaiñ ia ki deliked, ki da mahám ia ki ban husiar bha ñoh kin pynmihdaw da ki jingwanja ba shabar, kum ka jingwan kyrthep jong ka jingpang khieshoh-rih, kum ki daw jong ka jingbamlah haba ka jingsniew bashisha ka long ka jingpang kaba hapoh ki dohnúd jong ki hi. Ha kaba kut jong ka jingñaseng ia ki kyrteng jong kito kiba la jop ia ka eksamin ebanjelis la pule jam, bad ka paw ba lai na ki san ngut kiba la ñaleh ki la wan jop thiaw. Kaba kum kata la long ka jingshem banyngkong eh jong ngi ia ka Presbiteri.

SGI U BLEI, *Nai Nohprah* 21.—Kane ka la long ka sngi sah jingkyrmaw. Ha ka 7 baje mynstep, ngi baroh ngi la ñalang lang hapoh ñingmane na ka bynta ka jingñaseng dwai mynstep, bad, kumba ju long, la don ka jingñalang kaba heh. Ha ri Khasi, kumba long ha la ka ri, ia ka Presbiteri la sngew ka jing-ñohburom, bad ia kata ka kabu la pynleit kam da

ka jinghot iing-basa bad da kaba ai bām ai dih kumba long ka dustur sha kito kiba wan poi na ki jaka kiba jngai. Baroh ki nongwan jingiaseng—bad la don bún bah kum kita la pynrung sha ki iing ki jong ki Khristan Shangpung, bad ka jaka-bām ba-kyrpang la pynkhreh na ka bynta jong ki, bad ia ka iingshet jingshet la pynieng ban khreh jing-bām. Ki Khasi ki don tang arsien bām shisngi, “ka ja-step” phra baje, bad “ka ja-miet” kumba san baje, ka ja bad jyntah ki long ki jingbām baiabām barobor. Katba ngi la nang wanphai na ka jingiaseng dwai ki bashah khot bām jong ka Kynhún jingiaseng ki la dang iashong bām “Ja-step”. Ia ka jaka la kér kut, bad ka jingker phrah kaba jrong kat ban dá ia kito kiba hapoh kut na ka jingpeit shain jong kiba nabár, bad ki nongwan jingiaseng ki la dang iashong bām man uwei pa uwei mar la ka pliang jyntah ba mih tдем ha khmat jong u bad ka boll um harúd jong u, bad la nang ieng ap ia ki da katto katne ngut na ki Khristan Shangpung. Ia kawei pa kawei la leh ryntih bha bad ha ka rukom pyniaid kam ba war war, bad ki nongshongbām hadien kata ki la iakren jam paidbah ba ka jingai bām ia ki ka la long kaba dei ioh iaroh. Ka jingiaseng step ka la sdang ha ka por shiphew baje. Ka iingmane shen-shen ka la shlei phok shaduh bár, bad kito ki bam ioh rung shapoh ki la ia ieng sngap na shabár harúd ki jyngkhangit baplie rynghang ki da iasngap dngiang ban iohsngew ia kat kaba la kren ynda la ai jingrwai banyngkong eh, u Sahep Evans u la kiew halor jaka shong bad u lam shirhem ia ka jingrwai, bad shibún ka jingkaweh bad jingkalaiñ kti, ba lah ban iohsngew shai kdiar bha ia ka sur syiang ryndang jong u najrong jong kiwei lut baroh. Uwei u Khasi u la pule dwai, hadien kata u rangbuh Khnong, na Sohra, u la kiew ha ka pulpit, bad u la ialap na u MATHAIOS II: 1, 2, ka jingiathukhana kaba iadei bha eh. Na ka jingwan jong ki riewstad ban wan khmih ia u Jisu u la ring lai tylli ki jinghikai, ba ngi dei barobor ban leit sha ki jingiaseng niam ban

mane, bad ngi dei ban wan bad kata ka jingthmu ban shur shajan u Nongpynim jong ngi, bad khatduh khatwai, ba dei barobor ban íalam ía ngi da u Mynsiem Bakhuid, kumba ía ki riewstad ía íalam da u khlúr ba phyrnai. Kaba lyngngoh ban íohi ía une u Khasi halor pulpít, ha ía ka ríam ka beít trai-ri jong u, bad ía ki kjat bad pung-kjat balyomboít jong u, ba ía bit shyiap; hynrei ka jingíathuhkhana kam shym long kaba pynsgewlyngngoh, kajúh hí ka jingíathuhkhana ba ía rím rím, ba ía íathuh na ka rukom ba pynsgewtynnat ha ía ka jong. Katba ngi ía nang peít shaiñ ha ka íingmane bashlei briw bad ba shahshkor ha u nongíathuhkhana Khasi ha kata ka step ba phyrnai ba u da pynbna ía ki khubor basngewbha jong ka gospel, bad ki jingsawa bathiang jong ka jingíaroh bakiew ba naduh ka dohnúd, bad haba ngi ía nang pyrkhát ba sanphew snem ba ía lah ía ka kyrteng u Jísu ym pat ju ía íohsngew mynno-mynno ha ki Lúm rí Khasi, lymne ba ki jingdwai ki ía kiew sha jrong ha khmat ka khet jong u Ba Hakhlieh Tam Eh, kan long shisha kaba eh ban nym shadkmen ha kaei ba ngi ía leit íohi bad íohsngew. U Sahep Jerman Jones nangta u ía íalap shítrhem mynsiem eh; ma u bad ha ka jingshisha baroh ki mishoneri ki nang bha kumjúh ía ka ktien Khasi kum ía ka ktien Welsh, bad ki don kajúh ka kynúd sur "hwyl" ha ka ktien Khasi kum ha ía ka ktien rím. Ka jingíarwai ka ía long kaba sngewshit mynsiem bad bakyrsoi naduh poh dohnúd, kito kiba shabár ki da íakem jingrwai lem bad u paid jingíaseng uba don hapoh íingmane. Hadien ka jingpynlait por ba tang shíphang ka jingíaseng kaba ar ka ía sdang bad kumba katjúh u paid wan jingíaseng ba don mynstep. U rangbah Ksan, na Shella, u ebanjélis uba nangto, u ía long u nongíathuhkhana uba nyngkong, bad da kaba kren donbor bha u ía sneng ía ía ki nongsngap jong u ban shaniah tylli lut ha u Khrist; u Sahep Griffith Hughes u ía pynbúd da ka jingíathuhkhana kaba donbor, kaba páw ba ka pynkhih jur ía u paidbah. Ka jingíaseng jan-

miet, naba kumta la khot ia ka, ka la sdang ha ka por saw baje u Rangbah Surup, u ebanjelis ba na Shillong, u la ialap ka jingiathuhkhana kaba sngew-tynn timer shisha, ka subjek jong u ka da long u Khrist kum u ksiang ba tang marwei hapteng u Blei bad u briew, bad ka rukom ha kaba u la pynshai madan ia ka jingkhia da ki blang ki sniang ka rukom Khasi ha kaba la pyrkhath ba ki ksuid ki khie bitar kaba pyni ia ka jingi-biej bam lah long ba yn ngeit ia kum kita kiei-kiei ba kin lah pynsuk pynjem mynsiem ia ka jingbitar ki blei, ka la long kaba shoh jingmut jur. Hadien kane u Sahep John Thomas u la ialap la ka jingiathuhkhana banyngkong tam bad bakhatduh eh jong u ha ka ktien Khasi, bad u Sahep Stephens u la pynbud da ka jinghren kaba ngam bad shon jur. Khyndiat eh ba nga leit pyrkhath ba haba nga la leit iohsngew khatduh ia ki lai ngut ki nongialap uwei hadien uwei ter-ter ha ka Madan Phlang Bala ba marbud-marbud ha kawei ka por ngan leit iohi ia kita ki lai ngut ba kin kiew ia ka pulpith ha kawei ka Jingsheng Bah ba ha Shangpung. Ka lah ban paw phylla sngi sha ki katto katne ba ki jingsheng ki iabud kawei hadien kawei bad ka jingpyllait por ba tang khuk-khak hapteng jong ki, hynrei ki dustur jingmlen bamja jong ki Khasi kin batai pynshai ia kata. Naduh kumba phra baje mynstep haduh san ne hynriew baje janmiet, man ka Sngi u Blei, u Khristan Khasi u pynleit jingmut lut sha ki jingsheng ba ha lingmane. Hapteng ki por leit jingsheng ka kynhun ialang ka iashong saidthma lang shabar lingmane, bad kiha iaid lait narud jong ki ter shi ter la long ki kynhun ki Khasi riwpyrthai bad la ki jingkit jingbah jong ki ha la ki ingdong, ha ka lynti jong ki sha iew, bad hangne shisyndon ngi lap kem ia ki jingiapher bak ly-bak hapteng ki Khristan bad ki parari riwpyrthai jong ki. Hangne hangtai ngi leit jia iohi ia ki Khristan ba ki iakren shithem bad kine ki nongpynkheih Sngi u Blei, imat kumba ki da iakyntu ia ki ban rung shapoh lingmane ban iohsngew ei-ei

shaphang u Blei bakhraw ba ki lamane. Ha ki distrik kiba hapoh ka jingsynshar trai-ri ia ki nongrit la pynkhamti ha ki nongsynshar jong kata hi ka jaka, bad ia kine la khot ki Doloi, ki rangbah nongpyniaid sorkar kiba bat kynti ki bor bakhraw. Shibún na kine ki Doloi ki dang iaeng kai shabar iingmane, bad ka la long kaba ktah mynsiem ban iohi ia ki Khristan ba ki pyrshang pynkohnguh ia ki ban leit jinglaseng, bad hadien kaba pynngeit ia ki, ki la iapynrung ia ki shapoh bad ai ki jaka kiba bha ia ki. Ha ka por hynriew baje ka Jingiaseng kren subjek ("Seiat Fawr") ka la sdang, Ka subjek jong ka Jingialang ka la long "To phin mut brai ia kita kiei kiei ruh kiba haneng, ym ia kiei-kiei ruh kiba ha ka khyndew." U Dr. Griffith u la plie ia ka subjek, bad la kren pynbúd da ki lok mishoneri jong u bad bún de ki Khasi, ia kiba la khot kren ter-ter. Kane ka jingialang ka la nang kham pynshai bha kdar ban ia kaba mynno-mynno ia ka jingstet khreh bad jinglong la klooi ha kaba ki Khasi ki lah ban pynwan jingpyrkhat bad ban ieng kren khlem jingkhreh lypa. Ia ki jingkren kynthoh jong uwei pa uwei la nang pynkylla ktien sha nga, bad nga sngew thikna ba kin nym paw i-bakla lada shon, haduh katta ba la pynbeit ryntih bha ia ki jingainia jong ki; ka jingkren u Rangbah Dorkha ka la long ka nuksa ia ka jingkren sbiak lyngkot bad ka jingiaid nia bha, bad ki baroh ki pyni ba ki ioh kem bha ia ka jingmut jong ka dkhot. Kumta la kut ki jingiaseng jong ka Sngi u Blei ba bún kam, kawei pa kawei na kita ka shlei da ka jingsngewsyaid mynsiem bad jingshithem. Ngi la iapynlut ia ka janmiet basuk ha ka iing Mishon ngi da iarwai jingrwai lang ha ka ktien Khasi bad Welsh, bad katba ngi nang iaaid ban leit sha la ki jaka sahmiat jong nei ba ha ka kamra-skul, ki jingkyndúd jingdwai bad jingrwai iaroh ki kiew na ki iing jong ki Khristan ba hapoh shnong; ha jngai la iohsngew ia ka jingkyrhuh u khla, bad ha ki kliar lúm ka jingthabá ki ding bameh, ki da pyniohi ka jingiohi

ba-ikynsha. Ryngkat bad shibún ka jingpyrkhat sha-phang ki jingjia jong kata ka sngi ka jingshobsamthiah ka la pynwai ia kane ka Sngi u Blei jong ka Pres-biteri ha Shangpung.

LAH SNGI U BLEI. *Nai Nohprah* 22. – Ka jingjia-lang bakhatduh jong ka Presbiteri ka la wan jia ha kata ka step, bad ka la long ha ki katto katne ki bynta ka jingjashem lang badonkam tam na baroh. Ia ki lai ngut ki nongtiah ia kiba la pynrung kum ki ebanjeli la kylli jingkylli da u Sahep Stephens. Ki la ialong u rangbah Amir, na Sohra, u rangbah Sympot Sing bad u rangbah Katwar na Jowai, bad baroh ki la iapynpaw ha ki jubab jong ki ia ka jingtipbriew jong ki ia ka jingkhraw burom jong ka kam sha kaba kin sa dei shimti. Ki la ong ba ki dohnúd jong ki ki la kád haba ki iohi ia la ki parari jong ki bakér tawiar ia ki ba ki im ha ka jingdum, bad ki la iakwah, da ka jingkyrkhu u Blei, ban long ki lad ia ka ban ialam ia ki sha ki jingshai. U Sahep Jerman Jones nangta u la pynkhamti ia ki ia kata ka kam. U la shon jur ha ki ia ka jingdonkam ban long ki nuksa ia la ki parabangeit ha ka ktien bad ka kam, ban long ki nongialam ha baroh kiba bha, bad haba la khot ia ki ia ka ban bishar ba kin bishar stad kat kum ka aiñ jong ka hok. U la kyntu ia ki ban kynmaw ia ka jingsneng u Paul sha u Timothy, “To men minot ha kaba pule, ha kaba kyntu, ha kaba hikai;” bad ba ki dei, ha kaba ialap, ban ialap ia ka Ktien, te ym ia ki jingai jingmut la ki jong hi; bad ba kin kynmaw barobor na kaba kum kaei ka jingdum ba ki la ioh lait, kumta ba kin lah ban iasngewlem bad la ki para bangeit jong ki ki bam pat iohi ia ka jingshai. Ki dei ban shah shitom, lada ki kwah ban shakri ia la u Kynrad jong ki; u Paul um ju la ai lad ia ka jingsbah shitom ka met ban pynwit ia u na kaba ialap ia ka gospel, lymne kim dei ban sngew artatien ban leit sha ki thaiñ bam koit bam khiah ban ialap ia ka Ktien.

Ka jingkren jong u ka la long kaba sngew shongkhia jur. Hadian kane la wan ka jingkylli shaphang ba Jingthung pastor ia ki nonglathuhkhana trai-ri. Ka jingiatania ka la long kawei na ka jingpynsngewkhia bakhraw tam, namar ki mishoneri ki la iarai ban iakynpham ba u mawkyrdon dei ban buh ha kane ka phang. Ia ka jingtyrwa yn sa pyntip mynta sha ki babun, bad ka la shu long tang kumne. Ki mishoneri ki la tyrwa ba katto katne na ki ebanjelis, ba la ai kyrteng da ki, ki dei ban leit shimti da ki ia ki thain ba shabar ki jaka sangeh mishoneri bakongsan, bad kin dei ban trei hangto shipor ar por kumba la buh, ong noh shi snem ar snem. Lada ha kaba kut jong kata ka por ka balang lane ki balang jong kine ki thain ki khein ba la bit ban khot ia ki ban long ki pastor jong ki, dei ban thung pastor ia ki ha la kita ki jaka ba ki shimti. Nalor nangta, ba kito ki balang, kiba khot na ki pastor trai-ri, kin dei ban ianoh jingkyshew, ha kaba nyngkong eh, ka bynta kaba rit na ka bynta ki jingpynlut pynsep ba dei hap sha ki jaka khmih pastor jong ki, bad ba kane ka bynta kan nang roi katba ki balang ki nang khlain. Ki mishoneri ki la don jingsngew la slem ba ka por ka la poi ban jam shaphrang ia ka ban pynlong ia ki balang Khasi kiba lah ban kyrshan hi, hynrei haduh mynta ki jingeh bad ki jingmysaw kiba lah ban wan mih na kaba kum kata ka jingpynkhih kum ka jingthung pastor ia ki nonglathuhkhana trai-ri ka imat kumba ka noh tarajur sha ka liang ki jingmih jingmyntoi ki ban wan mih nangta. Te, la kumno-kumno, la iakut ba kata ka por ka la poi, bad ha kane, ka jingialang bakhatduh eh jong ka Presbiteri, ia ka rai jong ki mishoneri la pynbna bad la iatania. Ka jingsngewshongkhia jong kane ka jingrai kaba iadei sha ka kam mishon jong ngi ha ri Khasi kan paw shai sha baroh. Kumba la ong mynshuwa, ka la long u mawkyrdon uba nyngkong nyngshab eh ba la buh ha kane ka phang ban hikai ia ki balang Khasi ban lah iaid hi, namar ka mynsiem jong ka jingsngewlaitluid kan shu bsuh la

ka bsuh hi haba katto katne na ki balang la ai lad ban jied ki ebanjelis babit ban long ki pastor jong ki. Kine ki ministar trai-ri kin shim ia ki jaka ha ki balang ba la pynkhamti baroh shikatta ha ki mishoneri, bad ki balang hi kin Ianoh jingkyshew ban kit ia ki jingpynlut pynsep ba la kit la bah lut mynshuwa da ka mishon. Ka balang kam lah ban long kaba khlaiñ lynter kaba dang wad jingkyrshan na ki lad ba na shabár, bad ka rai ba la mynjur kata ka step ka la thaw dur ban pynbiang ia kata ka jingduna. Ngi baroh ngi la iapeit shaphrang sha kata ka por ha kaba ia ki mishoneri jong ngi lah ban tyngkai na ka bynta ki lyngkha trei kiba dang thymmai, ki ban rah ia ka jingshai jong ka gospel sha kiwei pat ki jaka jong ka jingdum, ynda haba ka ri Khasi kan nym long shuh ka ri jong ka jingngent bieij bakynja pyrthei, hynrei ba ki Khasi hi kin long ki para mishoneri lang jong ngi, kiba iapynphriang lem bad ngi ia ki khubor babha sha kylleng sawdong. Ka jingthung pastor ia ki pastor trai-ri kan don kata ka jingmih jingmyntoi ban kdew lynti ia ki Khasi sha kane ka jingpyrkhat ba ha khlieh, bad ban thaw hapoh jong ki ia ka jingtip-briew ba ka long ka kamram jong ki kum ki Khristan ban ap khmih lynti ia kata. Ka jingrai kam shym long tang kaba sngewkhia na lade hi hynrei ruh kaba la pynrap bad ka jingtyrwa ban seng ka Kolej Thioloji ha Shillong ia ka ban ai jinghikai bani bniah ia ki nongiathuhkhana trai-ri. Ka la long kaba jem ban iohi ba ka jingialang ka la pdiang ia kane ka jingpynbna da ka jingsngewbha, bad kito ia kiba la ai kyrteng ban leit shimti ia ki thaiñ ba la pynháp ha ki da ka jingap khmih lynti ba yn khot ia ki kum ki pastor—la baroh ki la ia ong katno kaba khraw ka jingsngewkitkhlieh ki la iasngew shaphang la ka kyrdan jong ki—ki la iakular ban leh katba kot ka bor la shano-shano kat sha ba phah ia ki. Ia kane ka Presbiteri ha Shangpung yn iai pyniasnoh barobor bad kane ka jingrai badonkam lut, bad ngin iai ñiew barobor ia ka ka kabu

bakyrpang eh ban leit jia don ha kane ka kynti. Ka
 jingpynlong ia ki Presbiteri arsiem shisnem ka aibor
 mynsiem sha ka jingim niam ba ha ki Lúm ri Khasi.
 Ka jingap khmih lynti ban iashem lang ban iatai ia
 ka jingnangroi ne jingnangran, ia ki jingjop ne jingrem
 ha ka kam, ka pynshlur bad pynshgaiñ ia ki jing-
 iaksaid jong kawei pa kawei ka balang ha la marwei-
 marwei. Ka jingiohi bakhatduh eh jong ka Presbiteri
 ka la long u paid Khristan uba la iawan sha ka ling
 Mishon ban kren khublei shuwa ban iamih noh ha
 la ka lynti jong ki sha la iing la iing. Baroh ki kren
 ba ka Presbiteri ka la long kaba la ai jingmyntoi
 kaba khraw shikatdei, bad yn iai kynmaw, ym tang
 ba ka long kawei ha kaba ki babún ki rai bad badon-
 kam tam la ai, hynrei ruh kum kawei ha kaba ki
 jingiaseng ki dap da ka jingsngewshitrhem mynsiem
 bad kiba ki jingialang baroh na kut sha kut ym shym
 la pynwit da kano-kano ka sur bam iaid sur bha.
 Ia kaba sah jong kata ka sngi ngi la iapynlut jar-jar
 eh bad la ki lok jong ngi kiba ha ka ling Mishon,
 ngi da iaiaid ryngkat bad ki mem ha ka por noh-
 phaisngi lyngba ki lawkyntang ha kaba kan long kaba
 sang kyntang ban pynmong ia ki sla ne la ha kano-
 kano ka rukom. Hadien jong kawei pa kawei ka
 Presbiteri ki mishoneri ki iakynduh ban iatainia lang
 ia kaei kaba la jia, bad ban thaw rai ha kino-kino
 ki jingthawrai kiba ki kheiñ ba ki long kiba donkam
 ban buh ha khmat ka Komiti ba ha la ka ri. Ng
 la iashong ha kane ka jingiakren lang haduh lajan
 shiteng synñia, nangta ba ngi iohi ba ym i don dak
 ba yn dang leh pat hadien, ngi la iaphet kyrkieh sha
 la ki jaka sahmiat jong ngi, kiba la long ha kamra-
 skul ba ha ka shnong. Ha ka lynti jong ngi na ka
 ling Mishon la lam lynti ia ngi da uwei u trai-ri
 uba la rah ar tylli ki dongmusa ba bá ding khlek
 khlek ha ka kti jong u, bad u la kaweh lynter ia
 ki khnang ban pynsheptieng ia ki khla nè labasa kiba
 lah ban iaid ruma kylleng sharúd shakiar. Kam ju
 long kaba lait jingmynsaw ha kine ki thaiñ ban shlur

ban mih shabár jyngkhang ki iing ynda la kem
 iongreiñ khlem ka jingtbeh ding. Kumta ka kut ka
 Presbiteri.



LYNNONG XXI

SHANGPUNG, JOWAI, BAD SHILLONG

SNGI HAT MAJAI, *Nai Nohprah* 23.—Ki mishoneri ki iabún kam lajan baroh shisngi, ki da ia ai mar la ki riport ia ka jingnangroi ka kam ha ki babún ki distrik bad ki da iathawrai ha bún kiwei pat ki kam ha ka jingiadei bad ka mishon, kumta ba ki mem da kaba leh sbún eh ia ngi ki la iashimti kaba pyni ia ngi khyndiat khyensoit ia ka jingim Khasi ba ha ka nongrit ba hapoh Shangpung, bad ryngkat bad ki ngi la iamih shen-shen hadien ka jingiábám step jong ngi. Ngì la pynlut katto katne por hapoh Mishon Kompoun, ha kaba la don kumba sanphew ki iing Khristan, bad bún ka jingiákren sngewbha ngi la iadon bad ki tymmen Khasi babha, don napdeng jong ki kiba lah ban ai ka jingai batai ia ka jingim ba ha ki Lúm shuwa ka jingseng ia ka mishon. Mutdur ha lade hi ia ka iing lyntang batbian, ba ka tnúm iing kaba kdup ia ki krung jong ka bad kaba pynnoh najrong ka jingrung. Ka ieng hapoh ka kpér ba la siang maw ba la kér baroh sawdong da ka jingkér baskhem, kaba itynnat bad ikhuid, bad ka kynthei Khristan kaba wiat puh samrkhié ka ha ka jyngkhang kaba kloi ban pdiang sngewbha ia ngi, bad kaba sarong ba ngin leit peit ia ka iing ka sem jong ka. Hapoh iing ngi lap ar tylli ki kamra, kiba kah dum tadkoit malu mala, naba ym don jyngkhangliit hangno hangno ; ka ding ka meh sngewtynnat ha kawei na ki kamra, bad ka tдем ding ka ialeh ban mih shabár lyngba ka jyngkhang bad ki jingang kat na kaba ka lah ban lait, naba ym don atoskhana ; ha ka jingbuhkot riwhyndai la don kawei ka Testament Thymmai Khasi

ba la paw dak ktah shynriahti bha, ka Nongialam ("Hyfforddwr,") Ka Kot Tikir ("Rhodd Mam,") bad ka Jingiaid u Pilgrim ("Pilgrim's Progress,") ka jingdon lut jong ka thoh ka tar Khasi. Ka rukom im kunai ba hapoh iing poh sem jong ka iing ka sem Khasi kam long kaba pynsuhsat. Ha kyndong iing u thiar baheh ba la pyndap da u kba, uba biang ban ngiam kat ban pyndap pynbiang ia ki jingdonkam ka iing ka sem baroh shisnem; shabar ha kyrpong iing u sniang u don la ka sem, bad kumta, bad u khaw bad teng-teng katto katne ka dohsniang, kiba ha iing ha sem kim kwah tam. Ki Khristan Khasi, kumba long ki iing ki sem jong ki, ki long barobor kiba itynnat bad khuid ha ka jingpaw shabár, bad ki khmat kiba phyrnai bad i-suk, hynrei ki riewpyrthei ki long markhongpong ia kane, bad kumjuh ruh ki iing ki sem jong ki. La ong ba ka jingkhuid ka búd ryngkhi ia ka jingriewblei; ka long shisha kaba shisha ha ri Khasi ba ka jingkhuid ka búd ia ka jingriewblei. Ia ka Shangpung la tawiar sawdong ter ter da ki khlaw kiba dap da ki khla, bad ñiar eh ba kawei ka tatew kan iaid lait khlem da shah prong kawei ne ar na ki sem masi, bad ban shah rong de kawei napoh sem da kine ki jynghaw ba-ishyrkhei. Te ka jingduh ia kane ka masi kam long kaba kai shuh ia u nongkyndong Khasi, naba búnsien ka mut ka jingbuh kynshew ba la kynshew shitom bún bún bnai. U Sahep Evans u la pynpaw ia lade u nongshún bah jong kine ki khla kiba núd ban wan jan sha ka shnong Shangpung, bad, da lade hi, u la pyniap bih byllai na ki. Ia u la ju wan kyrpad búnsien búnsien khlem kut shuh da kito kiba la shah jynjar na ki jingwan pynjutor jong ki ban buh bih ha ki jaka iaid jaka ieng ba la bna nám bha jong ki. Nga dei ban phla ba u mishoneri bashlur mynsiem ym imat ba u tip ka mut aüu ka jingsheptieng, bad u iaid lyngba ki jingpynsnegwysier mynsiem bajur ha ki jingleit hiarthma jong u ban ai bih. Ym slem shuwa ba ngin poi ma ngi, u la faleit bad ka kynhún traishnong babún ban buh bih hajan ka met-fap ia kaba la lah rong nöh

khyndiat miet mynshuwa, u da tip ba uta u khla lano re lano un sa wanphai sha la ka mrad ba la shah pynlap jong u. Ka kynhún ka la mih noh ban leit riang riang iwei iwei, u Sahep Evans uba la kieng atiar da uwei u dieng tangon babit bha na khmat na khmat jong ki. Ki la dang shu poi ha kata ka jaka, ha kaba la ieng ialeh pyrshah da uwei u la-bah, bad ki khmat kiba phyrnai, bad u da pár sor kum uba la khreh ban rypsied, ki tyngam jong u kiba la ang phnieng lypa, bad ka khlaw ka da sawa da ka jingkyrhuh jong u. Buh ia lade hi ha ka jaka u Sahep Evans tang shikhlip ka khmat, tang kumba katto katne kot ka jingjingai na une u mrad bakynsha ba la pyning bitar. U la ieng pyneh triang ia lade da kaba peit dom ha u, bad kaba sngewphylla ban iathuh, uta u mrad khlaw u la phai noh wak bad la phet buhrieh shapoh ka jingsañium barben sla sha kaba hangta hajan. Ym shym la jia jingmynsaw ei ei, la ka lah ban jia ka jingmynsaw bakhraw. Ha ka Sngi u Blei hadien jong kane ka jinglait-im ba iada najrong, ka kynhún leit jingiaseng ha ka jingiaseng step ka la sngewkyndit ban shem, ynda mih napoh iingmane, ia uwei u la-bah uba la iap, uba jrong hynriew pruh ar inshi na ka khlieh ha ka tdong, ba u thiah lyter ha khmat ka jaka rung ba sha khmat, ha kaba la iehnoh ia u da ki trai-shnong kum ka jingioh kynti badeihok ka jong u mishoneri bam tip tieng. Ym shym don jingeh ei ei ban ithuh ia uta u mrad uba la pynkyndit katta katta ia ka kynhún leit ai-bih khyndiat sngi mynshuwa. Ngí la sngewtynnát eh ha kane ka jingiathuh shaphang kane ka jinglait-im ba da ka sáid, bad u Sahep Evans u la tyrwa mon sngewbha ban leit ialam ia ngi shapoh pdeng-khlaw, bad ban pyni ia ngi ia kata hi ka jaka ha kaba ka jingiakynduh ka la urlong. Imat kam ju poi jingmut ha u nongialam bamjutieng jong ngi ba sa uwei pat. u. khla u lah ban shim ia ka jaka jong u rang-laryngkat-bor ba la iap jong u, bad ba sa kawei pat ka jingiohi kaba sriem kumjuh ka lah ban ap ia ngi. ha kata ka por notphaisngi. Da ki jingjam kiat

ba leh sumar bha ngi la faleit jngoh ia kata ka jaka, man kat kaba ngi leh kumta ngi da faeit khling-khlang-khling-khlang ki khmat shane shatai sha ki sha-dieng ba riew saw-saw ne sha ka bniap ba khih; hynrei ngim shym iohi dak ne iohsngew jingsawa na ka jingpvnsngewphieng jong ka khlaw India. Ngì la pynlut ka janmiet bnsngewtynnai sat ha ka ling Mishon, ngi da fakren shaphang la ka ling ka sem bad da lapynkynmaw de iwei ia iwei ia ki por barim.

SNGI BALANG, *Nai Nohprah* 24.—Ym don mano mano ba lah ban sah slem ha ki Ri Lúm khlem da iohi ia ka jingdonkam jong ka jingpyniaid ba kum ka ling Mishon sha ka kynhún Khristan, wat lada khein ia kata na ka liang ka im lang sah lang. Ka nongrit kaba lah ban kob sarong ba ka don kum kata ka jingpyniaid ka kiew jngai jngai hajrong kiwei pat ki para shnong nongkyndong; ki jingjia kiba jia long hapoh ki kynroh jong ka ling Mishon, ka jingiaijia ba man ka sngi jong ka, ki long ki jingjia barit kiba khraw tam ha ka jingdonkam ha ka jingim jong ka pyrthei nongkyndong. Don barobor ki trai-ri kiba shu ieng ap hajan jong ka, ka lah ban long ba ki kwah ban ioh khmih ia u mishoneri lane kiba hun tang ban shu peit kai jarjar ia ka ling ka sem, ki da fai ap la ka lah ban long wat tang ia ki syrngiew briew ba khih jong kito kiba don hapoh. Hapdeng jong kito ki nongkhmihkai don bún bún ki khynnah rit Khristan. Hangne paw kawei na ki jinglong phér ba ha u Sahep Evans, ka jingieit ka jong u ia ki khynnah, bad kaba khraw long ka bor ring jong u halor kine ki barit jong ki Khasi, kiba ieit ia u mishoneri jong ki naduh la ki dohnúd jong ki, bad kim ju suk satia lada um falehkai bad ki, ia kaba búnsien u ju leh. Ki long barobor kiba kloí bad bathrang mynsiem ban leh ei ei na ka bynta jong u, bad ki faiaid lang ryngkat ryngkat bad u na krung na krung baba u leit iaíid kylleng kylleng ka shnong. Ba ngi iohi ka kynhún jong kine ki barit habar ka ling Mishon,

ngi fakyrpad ia u Sahep Evans ban shah ia ngi ban iohsngew ia ki ba ki rwai : naba u la dang lah hikai ia ki ia ka rukom rwai Tonik Solpha. Bluit u mih bad la ka kot map rwai kaba heh bad ki kot jingkyndud, bad, ynda haba u la pynieng beit riang ia ki nongrwai samla ha ki lain, u la pyniaid ia ki lyngba ki jingpyrshang kiba eh ba eh, ia kiba ki la pyndep khlem bakla, Nangta la pynbúd sa katto katne ki jingrwai shisur ki bajem, ia kiba la iarwai sngewtynnat eh, ki da iarwai ar sur, teng-teng lai sur, ia kawei ka jingrwai. Ki Khasi ki long kiba bang palat ia ka jingkyndud jingrwai, bad baroh kaba donkam ka long ban pynmih ia ka kot jingkyndud Tonik Solpha, had ngam sngew jingdon artatien ban kren lypa ba ka por kan poi kloï ha kaba ka jingrwai ki jingiáseng ha ri Lúm Khasi kin long kiba janai ha kaba pynbiang por, ha ka jingkyndud sur bad ka jingshoh pyniabang ki sur kumba mynta ka long kaba sngewshoh mynsiem bad babang. Hadien ka jingpynrwai ia ki khynnah, u Sahep Evans u la tyrwa ba ka kynhún baroh kawei kan iasynrán lang ia u shapoh shnong ha kaba ka dang iaid bha ka iew ka hat. Ie ki nongkit bad ia ki khoh la khot shajan, had halor kine ia ki mem la kyntiew bad bak de ngi la ialeit, ryngkat bad u Sahep Evans bad u Dr. Griffith kum ki nonglam lynti jong ngi. Harud ka shnong la don ki khlaw khah sla, ba la pynkyntang sha ki blei, ha kaba tang ki lyngdoh ki bit iaid, ha kawei pat jong ka liang jong ka surok, ruh, la don ka jaka madan barynghan ha kaba la thang ia ki shyieng jong ki baiap; bad hangto la kynton ka kynhún lyngbung ba-ingiew, ka da shah thad pyntyrykhong ha ka sngi. Ka Shangpung ka la ju long kawei na ki shnong rit basngewtynnat thma ha kito ki sngi ha kaba ka mynsiem pynmih snám ka iaid kum ka rakot ha ka ri, bad ka lynti ba tang kawei na kaba lah ban poi ha kane ka kut pawnám bakhlain ka la long lyngba ka lynti khim ba la krang jylliew kaba kut ha ka dong jong ka shnong ha ka lynti rung bashapoh krem, kaba dum bad ba-isynña. Hangne ha ki por ialethma la

ieng skhem ki riewialehthma bam tip tieng jong ka
 shnong Shangpung, ba la kieng atiar da u súm bad
 u sdie, ban da la ka iing ka sem. Ha kito ki por,
 haba ka shnong ka ialehthma bad ka shnong, ym don
 jingim briew ba lait jingmynsaw shabar la ka shnong
 ka thaw la jong; ki nongleit lynti ki donkam ban leit
 tawiar sawdong ba la synrán da ki nongsynrán kiba
 khlain bor, bad wat ryngkat bad kine ki jingphikir
 lypa, ki jingiatynrah ba-ishyrkhei bad ki jingiapyntap
 ba-imrad ha bashit bashai ka sngi ki jytlei than eh.
 Kane ka la long ka rukom jinglong jong ki Ri Lúm
 haduh kumba sanpnew snem ba la lah, bad ka jingkylla ha
 kane ka por ka long kaba shoh jingmut. Ngi la iafaid
 baroh shilynter ka lynti khim bad napoh ka lynti rung
 bakynjah, mvnta ba la sop bad san da ki sohpaillen
 bad ki tyrkhang ba-itynnat. Hangno ki riewialehthma?
 Hangno ki jingsawa jong ka thma bad ki jingiohi ia
 ka jingpynmih snám? Ka shnong kam ialehthma
 shuh bad kawei ka shnong ha ki jingiapom-khlieh
 ba pynlyngkien snám, hynrei baroh ki iakynduh ha
 ka por Presbiteri ban iamane lang bad ban sngap ia
 ka gospel ba ialap; mynta ka jingriew patied jong
 ki sdie ialehthma bad ki jingialynñiar thma ba pynpait
 dohnud ki long ki bam lah iohsngew shuh; ha ka
 jaka kita, ki jingkynud dwai basngewkhia mynsiem
 bad ka jingkv nud rwai basngewthiang jong ki jing-
 rwai Welsh bakynsai jong ngi. Ia ka Lúm Ri Khasi
 lah ban iaid na shiliang sha shiliang ha ka jingbam-
 leilei bapaka eh marwei hi, kat sha ba phi leit, phin
 lap bad iatyngkhuh ym bad u riewialehthma ne u
 nonglute ri-lúm shuh, hynrei bad u mishoneri bad ki
 Khristan trai-ri, ka iingmane bad ka iing mishon.
 Hangne don ka nuksa bashai tyngkrein ia ka bor
 jong ka Jinglong Khristan ym tang ha kaba pyllait-
 im ia ki mynsiem, hynrei ha kaba pynkhuid naduh
 haduh ia ka rukom im lang sah lang ba bam sap
 bad ba khlem aifi. Hynrei mynta ngi la iadon hapdeng
 jong ka iew, ka jingpyntaid kaba ym banse ban don
 ha ki Khasi kumba ka long ruh sha ki briew jong

ngi ha la ka ri. Ka jaka iew ka long ka jaka madan
 bapahar halor ka kynjang khyndew hapteng jong ka
 shnong, bad hangne don bún ki duwan jingknia ba
 da u maw ha kaba ki lyngdoh ki pynlap sniang bad
 blang ban pynjem pynsuk ia ka lei-iew, ki da dwai
 ba kan nym sngew bitar bad kiba iathied iadie ha
 ki kam die kam thied jong ki ba ha kata ka sngi.
 Ki maw ki la dang saw da ka snám jong ki shah-
 pynlap. Ki iingbasa die jingdie, kiba kynthup lut baroh
 ia ki jait jingdie, u khaw, u soh, ki mawkordor,
 bad jainphong, ba la pynbeit riang ha la ki jaka-
 jaka, bad baroh shilynter jong ki lynti-iaid, hapteng
 de, la tuid u nongiaid thied jingthied khlem sangeh.
 La khein antad ba la don kumba phra hajar kiba
 jawan, bad ka jingkhynwin ka la long kaba la pyn-
 sngewkyllut ia ki shkor. Katno kaba sngewtynnai ka
 la long ban iohi ia ki mishoneri hapteng ki Khasi ?
 Ki la iaiaid shane shatai hapteng u paidbah, kat haba iaiaid
 la khublei da ki khmat puh samrkhie bad ka jingia-
 kynjut-kti ba pynsyaid mynsiem, bad hateng hateng ka
 jaka-iew kan risa shaw da ka jingiarkhie sngewbha
 haba don ei-ei kaba la kren ka ban ktik ia ka jing-
 sngewdanda jong ki. Ym don ka jinglong Khristan
 ba peit jew mynsiem ha ki Ri Lúm, bad da shisha
 kan long ka bam lah ban iohkem ia ka jingsngew-
 shaniah tylli bad ka jingsngewburom jong u Khasi
 khlem da pule minot ia kane ka rukom jait jinglong
 bathikna ha ka longbriew manbriew jong u—ka jing-
 long pashait shar bad ka jingbang ia ka danda
 phanda la ka long jong kano-kano ka rukom, lada
 nga lah ban buh ia ka kumta. U Khasi un rkhe
 pashait ha i jingkren ktik iba rit ria eh, bad ym don
 ba sngewmuja palat ia ka biria-rai ban ia u. Ngi la
 iaiaid kai tawiar sawdong na kawei ka basa sha
 kawei ka basa, bad la iathied katto katne ki tiar ba
 khein Khasi paka bha, bad katba ngi la nang laleit
 baroh shilynter ka lynti ngi la iakynduh bad bún bún ki
 lok Khristan ha la ki kynhún. Ki laleit kum ki
 nongthied jingthied bad nongdie jingdie, lait sa tang

haba ia ka iew la pynlong ha ki Sngi u Blei; u Khristan Khasi u shania tylli ha ki iew ki hat na ka bynta katto katne ki jingdonkam, bad ka long bunsien ka jingtynjuh bajur ia u ban nym lah ban leit sha kito kiba leit jia long ha ki Sngi u Blei. Ka long kaba pynshlur, la kumno-kumno, ban iohsngew ba ha ki katto katne ki jaka ka jingbamdon ki Khristan ha ki iew ka la pyni ka jingduh ia ki iew Sngi u Blei, bad ba hadien-hadien la pynbeit noh ha ki sngi poh-ia. Baroh kam imat ba kan don ka jingsngewshaniah ba ha ki jingkuia pynjem pynsuk dohnud jong ki lyngdoh, naba ha kawei ka jaka ngi la iashem kawei ka kynhun ba ka iabin kam ha ka lympat pylleng bad ha kaba pyniap syiar khnang ban lap da lade hi la kin lah ban jop ha ki jingladie iathied kata ka sngi. Kiba iashong harud wah, tanx para ma ki hi, la long ka kynhun ki nongdih, bad la ki bitor kiad ha khmat jong ki. "Wat leit sha ki ne shang shajan jong ki," la ong u Sahep Evans, namar ki lah lamwir lypa da ki jingsma bih bad kim kit khlieh shuh na ka bynta ki jingleh jong ki. Ha ka janmiet kin ieng kum ki mrad khlaw, bad kin iaiaid shen-shen sha la ki iing ki sem jong ki, lehse bad ka jingialeh bunkam ha ka jingiapakhop ba-ima ha lynti. Ngam lah ban pyllait jynsur eh la ki jingsngew saitmet jong nga, naba nga leit kum pyrkhat ia ki jingiohi batasriem dur ha ka ri Wiles Khristan. Lada ki para-ri ba la shai bad kiba la ioh ka kabu bha jong ngi da ki hajar ki shah teh-mraw ha ki iing-kiad, hato ka long kaba phylla ba kine ki riewkhlaw kin iatawiar sawdong ki bitor kiad hapdeng jong kane ka jaka-iew riew-pyrthei? Kawei ka jingjia ba lam sngew thamula ka la ring ia ka jingmut jingpyrkhat jong ngi sha kawei ka jingshisha bapynsngew-tynnat. U paralok jong nga, katba u dang iaid lynger hapdeng ki basa-iew, u leit jia shim uwei u bitor kiad ban peit thuh, bad na ka jingsngewkwah tip phylla u la dang sma ia kaba don hapoh bitor ha kaba uwei u tymmen Khristan na kham pajih u la pyrta

jam, "Haba daleilei wat leit ktah ia uto u bitor, lane phin shah beh-balang" bad kumta ruh un jin da la shah, naba ym don uno-uno u dkhot jong ka Balang Khasi ba yn shah ktah shisien jaw ka kiad ba na kano kano ka jait. Kane ka rul ka long ka ba vm lah pynkhein, bad ka jingmih nangta ka long kaei ba lah tang ban shu mutdur. Lada ka long tang ha kane hi ka bynta ha u Khristan u pher na ki para-ri riewpyrthei jong u kin kiew kyrdin shikatdei joit hajrong jong ki. Kaba dih ha ri Khasi, kumba ka long lajan ha baroh ki ri jong ka pyrthei, ka jingtim ia ka jaitbynriew ki Khasi, kumba ialong lem ki buaid ka pyrthei kylleng sawdong, ki pynsyrrwa ia ki spah ki phew jong ki baroh ha ka, ki pynrew la ki met ki phad jong ki bad ki wallam jingjynjar bad ka iap-thngan ha ki iing ki sem ki jong ki. Pyrkhath tang shikhyllipmat ia ka jingmih jong ka kynhun Khristan baroh kawei ba kan lait na kane ka jingtim, bad yn tang katta, hynrei ba la hikai ban niew ia kaba dih kum ka pop ha khmat u Blei. Ka kren bha ia ka jingim adkar ka ri Wales bad kham tam eh ia ka jaka jong ka ha ka jingpyniaid niam jong ngi, ba ki mishoneri jong ngi kin thaw rul bad pyniaidkam khlem kylla ia kaba kum kata ka rul haba iadei kam ha kaba pynsan pynrangbah ia ka balang ha ka khyndew riewpyrthei. Ngi la ia iehnoh ia ka iew bad la ka jingkhynwin bad jingia-shang bun kam jong ka, bad la iangam shapoh pdeng jong ka shnong ka jaka kaba la khyllah sha ba palat liam, bam lah ithuh ithaw la don surok ne em, tang ka jingkyrwain ki lynti-rung bakhongwiang, baroh shilynter jong kita ka la long bunsien eh ka kam kaba jwat ban shem lynti. La ialam ia ngi sha ke ling-skul kaba long mynsngi, ba la hikai da kawei ka kynthei Khristan ba dang samla. Ka jadu lyngwiar sngi kam man pat iaidei lait satia na ki Nong Europe bad ki seng jinghikai jong ki. Ban iadei kam dei kti bad ki, bad khamtam bad ki Khristan, la dang niew hi da bun ki riewpyrthei kum kaba da ka jingmyn-

saw, bad kaba lah de ban bynshet halor jong ki ia ka jingkhie bitar jong ki ksuid, bad na ka bynta kine ki daw bún ki kmie ki kpa ki don ka jingsngewayier ba shongnia ban phah la ki khún rit jong ki sha ki skul mishon. Kaba kum kata ka la long ka jinglong ha Shangpung, bad haba iakren shaphang ka skul rit ba ngi la dang shu ialeit khmih, ki khynnah rit ki wan tuh sha skul, bad kin nym shah ba yn thoh kyrteng ia ki ha ka rejistor. Ha kawei ka tduh jong ka shnong rit la don ka them kharai bajylliew lyngba jong kata la tuid ka wah baheh, bad hangne ngi la ia iohi u paid ki trai ri ba ki iasum iasleh ha ka shiteng sngi, bad ki da iasum iasait ia lade bad ia ki jam phong jong ki ha kajuha por. Arsut hapoh them la ieng ka dukán kamir, ha kaba ki phylliah ding ki siedartet bad u tyrnem u tied pynsawa halor u rniang bajlih. Ki Khasi ki pyni ka jingtbit shikatei ha kaba trei ia ki kam nar. Ym jngai nangta, ha iwei i kynton lúm na kaba lah ban iohi lut ia ka lew, la ieng uwei u dieng ba-ikhia bad bapiar iar ki tnat, bad dei hangne ba ha ka sngi iew u Sahep Evans bad ki lok jong u ki iapynsangeh ia lade hi ban rwai; u "Sahep" u don ka ryndang tenor basyang bha, bad u pynleit lut la ka mynsiem jong u baroh ha ki jingkyndud rwai jong u ha kaba pynsawa ki jingrwai niam basngewthiang jong ngi. Ha ka shikhyllipmat ka wan ka jingsngap jar ha ka kynhún iew : ki iasngap bad ki shah ring la ka shah ring shajan ka kynhún rwai, ki iohkem ia ka jingmut jong ki ktien bad ki sngewkwah ban shahshkor kham thikna bha. Khyndiat ki ktien basngew shongkhia la kren bad ka jingdwai lyngkot ba ktah mynsiem la ainguh. Ka jingleh sngew phylla jongno re jongno hapdeng u paidbah ka la shah kvsiew, lehse ei ei shuh shuh. Ki jingsawa kylla jong ki jingrwai niam ki patied ha ki tyndong shkor jong u bad u leit sha lingmane. bad u iai leit biang : bad khatduh khatwai ka jingshai ka wan bthei hapoh ka dohnud ba la pyndum, bad u aiti ia lade sha u Jisu. Hangne ka

long ka histori jong ka lynti kaba 'bún' ki 'Khasi ki la ju long, ki lai long, bad kin lai shah laiam na ka jingiap sha ka Jingim, na kaba shakri la ki ksuid ba shu mutdur sha ka ban tip la u Blei uba tang ma U hi uba im bad uba shisha. Uba katno u pulpit badonburom long uta u dieng iaw ba iphuh iphieng, bad kaba katno de ka jingiaseng, ka lyngbung ba thnam jong ki nongiadie iathied riewpyrthei harum! Ka la ju long ka jaka iaid ksuid jong u ksuid hashyrkhei, bad uba la pynsdien da ki kpieng ba pvnjem pynsuk; katno ka j-ngiapher mynta! naba napoh ki tnat dieng ba noh wan mih ka jingkyndud jingrwai kaba iathuh shaphang u Jisu bad ia ka Jingieit jong U, lyngba ki sla bariew saw-saw bún ki jingdwai ki her pynstet sha bneng, bad na u mih ki ktien kiba pynkhih mynsiem ia kito kiba iadon tawiar jong u. Ngi la ialeit jingiaseng Balang ha ka por janmiet, bad ngi la loh ka jingsngewbha ban iohi ba la pdiang dkhoh thymmai, bad hadien kata ngi la iapynlut suk mynsiem ha ling Mishon ka janmiet khatduh iawai jong ngi ha Shangpung. Ka kam ha kane ka distrik ka la nang roi phylla eh naduh ka jingpoi u Sahap Evans, uba shlei da ka jingkhlain bor bad ka jingaiti ha ka kam. Ka jingsah jong ngi ha Shangpung ka la long kaba sngewmuja eh, bad ngi la sdang ha kane ka por ban sngewthuh ia ka bor ka gospel ha ka jaka riewpyrthei, bad ia ki jingkylla badonbor ha la trei da ka Kam long kaba jem ban khein antad a ki jingmih jingmyntoi kiba ka Jinglong Khristan ka la ai ha ki Khasi, ka iar katta-katta ka bor pynbha ia ka jingjlan jong ka, ha kaba ka pynkhuid, ka pynthymmai, bad ka kyntiew ia ka longbriew manbriew jong u baroh kawei. Ngi la lap katno ka jingktah jong ka jingialam u Khrist ha ki sanphew snen ha la dep ha ka kynhún lang pyllun—kumno ka slim pli ha ka jaka ka jingiasngewpyrshah hima ba da ka thma da ka rukom im lang sah lang kaba long mynta—bad ka bor pynbha jong ka Jinglong Khristan ha u Khasi marwei-marwei kam shym duna

ka jingleh phylla ha ki soh jingmih jong ka. Bad ka jinglailuid ka mynsiem na ka jingtehmsaw ka pop, ia ka jingkah la khyndied na ka jingmut jingpyrkhat : bad ka jingtip ba kynja Blei ia u Nongpynlm bad ia ki jingthrang mynsiem ia ka jingim ba kham bha bad kham donburom, ka pyrtbei thymmai, kata ka jong ka jabiang khlieh, ka wan mihpaw sha ki khamat basngewbha jong u Khasi ; u nang ban pule, ban pyrkhat, bad ban pynpaw la ki jingpyrkhat jong u ha ka kot sada. Don, kumba kren jyndat, kawei ka jingiathuhkhana pateng basngewthamula hapdeng ki Khasi, kaba ong ban pynshisha ia ka daw balei ba ki long khlem ka kot ka sla la ha ka jingthoh beit sar-ly sar ne ha ki jingthoh pynbynta dkhot. Ki ong hana ba, slem-slem bah naduh mynbarim bajah, u Bengali (u trai ri Nong-India ba nang kot nang sla kum ka nuksa) bad u Khasi shisien ki iaklan um lang lyngba kawei ka wahbah, uwei pa uwei na ki u da iarah la ka kot jingstad ha la ka kti, bad hapdeng jong kata ka wahbah ka jingtakajia ka la mih shaphang kaei re kaei, ha kaba la adang ka jingia-shoh iadat. U Khasi shit khlieh ha ka jingshitrhem jong u u la pvnhap ia ka kot jong u, bad ka la ngam junom, katba u Bengali buit u la dait ia ka da la ki bniat, katba u nang loh ban pyndonkam mon sngewbha la ki jingkura jong u ban pynshitom ia u nongialeh pyrshah. Khatduh khatwai ki poi harud kata ka wah bah ; u Bengali u leit ha la ka lynti jong u da ka jingkmen, bad la ka kot jingstad ha la ka kti jong u, u da iehnoh ia u Khasi bapli uba diaw mynsiem harud kata ka wah. Naduh kata ka sngi haduh ka jingwanpoi ki mishoreri sawphew snem ba la lah, u Khasi um ju rohi kot shuh, bad kumta u la long bad "ka jingstad ba la khang khyrdep noh na kawei ka jingrung." Khlem artatien kane ka jingiathuhkhana pateng ka long tang ka ngai jingia-thuhkai ia ki jingira ba jia mynkulong kumah, ka jingmih na ka jingpyrkhat ngai ban ai daw na ka

bynta ka jingbam ithuh jong ki ia ka dur ki dak thoh, hynrei lah ban kdew sha kata ka jingshisha ba ki Khasi ki la long shisien kiba la shai ban ia kaba ki long ha ka por ba ngi wan iatyngkhuh nyngkong eh bad ki ha ka jingwanseng ia ka Mishon ; ka pyni ruh ba ki sngewthuh tip-briew pang mynsiem ia la ka jingbamtip kot tip sla. Mutdur te ba une u Khasi u bam ju iohi ia ka kot kaba da kano-kano ka jait, kynsan-kynsan ba un ioh bat ia kata ka bor ban pule bad ba yn pynkhamti ha u ia ka Testament Bathymmai. Da kaba katno ka jingsngew niewkor niewhurom ba u niew ia ka, katno ba u pule minot ia ka, u da thrang ban wad ia ki ktien jong ka jingim bamjukut! U barobor u rah ia ka hapoh ka pla sopti uba kloi ban plied ia ka da lade hi, man haba u ioh lad ioh por ban ioh ka khyllipmat ban leh kumta, bad ban pule ia ka jingiathuhkhana basngewtynnat jong ka sha la ki para-ri la jong kat kiba u iakynduh. Ka long ka Kot-Rul jong ka jingim jong u, ka iing jingkyshew bam lah pynlut shuh jong ki jingshisha, bad bunsien nga la ju sngap shahshkor sha ka hynhün ki Khristan kiba iashong tawiar ka ding prem-miet jong ki, ba ki iapule jam kawei ka lynnong hadien kawei pat da ka jingleh sngewbha kaba paw shai shynna, bad ki kynud sur ("hwyl") bha de ha kaba pule ia ka. Seng ia ka jingainia jong phi da kaba sei dkhoh na ka Testament Bathymmai, bad u Khasi un nym ia ainia shuh, hynrei u shu ngeit bad pdiang. Kam long kaba phylla te ba ka Jinglong Khristan ka don ka bor ring jadu ia ki. Ki tip ia ka jingjia ha ka jingim u Khrist ha ka rukom ba ki tip ban ia uno-uno uwei pat, namar kane ka long tang ma ka ka jingim ba ki la ju ioh pule : ka Palestain ka long tang ma ka ka ri ba ki la iohi ba la batai ia ka ha ka kot sada, bad ba kumta ki don ka jingiohi dur kaba shai khrek ha ki jingmut jingpyrkhat shaphang ka Ri Bakhuid, ha kaba ki don ka jingsngewtynnat kaba jur ia ka. Naduh

ka rukom kren jong ki ka sawa ia ka sur ktien jong ka Testament Bathymmai, ba ki long kiba la bām bha ha kaba sei dkhoh. Ngin long kiba khatduh eh ban kwah ba ka thoh ka tar Khasi kan kut noh tang ha ka Baibl—katba nang bún ki kot kiba don ka jingthmu babha katta kan nang kham bha—hynrei ngim lah ban sngewnguh palat than ba la dei ka Testament Bathymmai kaba la kem nyngkong ia ka jingpynpeit sngewtynnai jong u Khasi, haba ka jingmut jingpyrkhat jong u ka kyndit bynriew na ka jingshoh samthiah baslem jong ka ha ka jyngetp badum jong ka jingbamnang kot nang sla, bad u la kylla tip briew bad ki jingshoh mynsiem bathymmai ha ka pyrthei ka jabieng, kaba kum kata ba um pat ju la phchsiew mynno-mynno ha ki jingher bashalyndet bak jong ki jingpyrkhat rngai. Don shuh-shuh sa kiwei-kiwei pat ki bor kyntiew babha jong ka Jinglong Khristan ba ki bún than eh ia ka ban ñiewtang hangne. Ka jingtrei kam jong ka jingim adkar la kren kynthoh haneng bad ym da donkam kren kynthoh tam shuh ba ka aiñ jong ka rukom im tip-Blei tip-briew ba la pynwan ha ka jingiathuhkhana kaba halor u Lúm ka long kaba ha khlieh duh bam lah thew shun ia ki jingsniewthuh u Khasi ia ka rukom im tip-Blei tip-briew—kaba palat tang khyndit eh ban ia ka jingait-lait-lán ba khlem bat lakam ba la shu khúm shu teh tang da ka jingsheptieng ia ka jingpynshitom ha ki kti jong ki ksuid—namar ba kate, haneng ka long hajrong joit ia baroh ki rukom iaid rukom ieng ia kaba ka pyrthei hi kam put ju la iohi mynno-mynno.

SNGI PALEI, *Nai Nohprah* 25—Da kaba eh nga lah ban poi jingmut ba la dei ka Sngi Khristmas ; ym shym la don ior, ne lyer thah, ne jingpynriam pynbeit ba ju long rukom, ym man don satia, ha ka jingshisha, na kito ki dak kiba pyni ia kata ka sngi kumba ha la ka ri. Hadien ka jingbām step ngi la lakren khublei ia ka Mem Evans, kaba la leh sbun katta

Ia ngi, bad ngi la iashongkulai noh, u Sahep Evans
 u da iasynrún lang bad ngi da ka kjat kumba shimail
 ei-ei sha ka wahbah. Hangne ngi la iakhlad, bad
 katba ngi la nang iakám lyngba ia ka wah u lok jong
 ngi u la sdang ia ka ban rwai, "Ngin iashem ban
 nym khlad shuh," bad katba ngi la nang iaid kyrwain
 suki jai artet ia u lúm ngi la lah ban iohsngew ia
 ki jingkynud sur jong u ba ki nang jah nang jah
 khatduh iawai ki da jah jar. Ka la long ka step kaba
 sngewthiang, ha ka jingshisha baroh ki step ha ki
 Ri Lúm Khasi ki la long kumta, ka lyer kaba pyng-
 ngad bad kaba khuid; ka jingjngai sha Jowai ka la
 long khatsaw mail, bad da kaba shongkulai kham
 tynggeh ngi la iapyndep la ka jingleit lynti jong ngi
 ha ki ar kynta, ki kulai rit jong ngi ki da iamastieh
 bha man ba ka long kaba lah ban leh kumta. Kumba
 shiphew baje ka iingmane Jowai ka la wan mihpaw,
 bad shen-shen ngi la iapoi ha shnong, ha kaba la
 pdiang sngewbha ia ngi da u Sahep John Jones.
 Hadien ka jinglashongthait khyndiat u Sahep John Jones
 u la ialam ia ngi kylleng ka shnong, bad u nonglam
 lynti ba kham bha bad ba kham sngewtynnat ngin
 nym lah ioh ban ia une u mishoneri ba trei shitom
 dem aiti lut. Ka Jowai ka pynsngew ba ka long ka
 baioh bakot badon baem; ia ki mahajon la iohi ba
 ki ia phet kyrkieh baroh shilynter ka surok, bad don
 bún ki dukán ba-itynnat (ha ka rukom Khasi), ia
 kawei na kita, ka jong u dorji, ngi la ialeit khmih.
 Ngí la iasngewlyngngoh ban lap ia kiba trei ha kata ka
 seng trei jingtrei ba ki iashong kyllain kjat halor shylliah
 shabar ka jyngtung ba sha ka dukán, ki da iatrei
 shitom ha kaba suh sopti, ba la khap ha ka rukom
 riam Khasi ba la mynjur bha eh. Hapdeng jong ka
 kynhún la don ka tangduma baheb, ba la iai pynmeh
 da u rnga ding barhem, ha kaba uwei pa uwei ha
 ka kynhún iatreikam u ia tán jlán kylliang-kylliang.
 La baroh ki Khristan ki shong hapoh Kompound,
 la katta ruh don na ki skul sngi ka mishon, ba la
 hikai da ki nong-hikai Khristan, ba la seng ha ki

dong kylleng-kylleng jong ka tháin riewpyrthei, u
 mawjám ha ka lynti kaba dei. Ngi la dang iashong
 ha kawei na kine, ha kaba uwei u riewtymmen Khasi
 ba i-ñiewburom, bad la ka jyngspong ba iphuh iphieng
 bad la u diengduh thri uba don bad u jyngbat rupa,
 u la wan mihpaw. Ka paw ba u dei u kynja nong-
 bishar ba don kyrdan aïu re, uba bat kyn-ti la ka
 bor iktiar halor bún-bún ki shnong rit shnong ria ; u la
 wan iaseng ha bún ki jingiaseng jong ngi, bad lajan pyn-
 kohnguh ia u ban long u Khristan. Ngi la iakron iakhana
 bad une u riewtymmen shiphang, bad u la pynpaw ka
 jingkyrmen ba un nym pynslem shuh hynrei ban pashat
 la ka nusip jong u lem bad ki briew u Blei. U la
 ainguh ia ngi, bad u la pynsngewthuh ia ngi ba u
 dang leh artatien na kaba u sheptieng ia ka jingpyn-
 shitom jingmut jong kiba ha ling jong u. Ha ri
 Khasi ka ung ka sem ka dang long hi shibynta jong
 ka rukom ia im lang sah lang, bad haba la dkhat
 ia u Khasi na la kiba ha ting ha sem jong u, u
 kylla long u tait-jait ha khmat jong ka pyrthei ki
 riewpyrthei, bad ym tang ba la isaitmet ia u hynrei
 búnsien la ju pynshitom runar sat ia u da kiba ha
 ting ha sem jong u bad da ki lok ki jor barim jong
 u. Kane ka shait jia haba u rangbah u kylla long
 Khristan, bad ngim sngewphylla ba ka donkam ka
 jingshlur kaba khraw ban pashat sharud ia kito ki
 jingteh jingkhúm jong ka ling ka sem kaba la tawiar
 sawdong ia u naduh ka jinglong khynnah khúnlung
 jong u, bad ban pynbna ia lade ha ki briew ba u
 long u khún ba sngewrit jong u Blei. Pynban kane
 ka long ia kaba ki hajar na ki Khasi ki la lai leh,
 bad mynta ki ai burom ha kaba long ki dkhot jong
 ka ling ka sem u Khrist ha kane ka pyrthei, ki da
 tip, kumba don kiba la iathuh ia ngi, ba ha kawei
 ka sngi Un sa pdiang pat ia ki hi sha lade ha kito
 ki lingpulis Shongneh ba ha Bneng ia kiba la pyn-
 kareh na ka bynta jong ki hanong. Ter shi ter ngi

la nang faleit la ka lynti jong ngi lyngba ki 'law-
 kyntang, ba la iehnoh kynjah mynta, bad, da kaba
 iaid kum u ksai na kawei ka surok sha kawei pat,
 khatduh khatwai ngi la iapoi ha ka ling Mishon. Ym
 don dak ka ban dang duna shuh ba ka la dei ka
 Sngi Khristmas. Ia ka jingrung sha ka iingmane la
 pynitynnat da ki diengsohñiamtra, kaba pynlong ia ka
 jaka ban i ba don ka khawai ka dawai; ha kliar
 jong ka jingiaid kjat kaba lam artet shaduh khmat
 jong ka iingmane la pynieng ka khilon baheh ba da
 ki jyangthung rong jyrngam, bad ki ktien "Hosanna
 ia u khún u Dabid," ba la airong itynnat bha halor
 hangta; markhap ia kawei ka kamra bah ban iakhawai
 dawai la pynieng da ki tin sop-ting, bad ka sad kaba
 da ki tnat sohñiamtra, ha kiba la pynsdien bún bah
 ki soh—ka jingiohi kaba la ithiang sat. Ha khmat
 jong ka iingmane la don ka jaka madan kaba suda
 ha kaba baroh ki Khristan ki la dang iabyrngia ha
 ki jingialehkai kiba har rukom, ka phutbol ka da
 long kaba ki iamuja eh. Ki khynnah shynrang bad
 ki kynthei ki la iariam iabeit itynnat palat, ki kynthei
 ki da iadeng kpieng bad jyangdeng rupa shibún bah:
 ki tymmen ki la nang iakhmihkai, bad imat kumba
 ki iasngewmuja shibún eh bad ka jingpynikai. Ka
 baje ka riew; shisyndon ia ki jingialehkai la pyn-
 sangeh, bad baroh ki iatuid sha iingmane, kaba shen
 shen ka la shlei phok. Bad ka jingiohi kaba iphuh
 iphieng ka la long, kane ka iingmane heh ba-itynnat
 bad la ka jingiaseng ba la riam bha bad ikmen ka
 khmat. Haden ka jinglamphrang balyngkot ia ka
 jingiaseng, u Sahep Jerman Jones u la ai ka jingkren
 kaba shirhem mynsiem bad kaba iadei bha, bad la
 kren pynbud da ki ar ngut ki trai-ri, kiba la kren
 bha eh sha ba palat. Nangta la wan sa ka jing-
 pdiang ia ngi. U Rangbah Joel u la wan sha khmat,
 bad u la pule ha ka Khasi bad ha ka Phareng ia
 ka jingkren pdiang sngewbha jong ka balang Jowai,
 ba la kren ha ki ktien ba ktah mynsiem, bad ngi la

lakren sngewnguh ia ki katba ngi ialah synei, na ka bynta ka jingkren bad na ka bynta shibún ki jingsngew mynsiem basbun ba la pynmih da kito kiba iadon. Ki ryndang ba deng kpieng bad ki ryndang kti jong ki khynnah rit ki la lam ia uwei na ngi ban kren kynthoh ba ki, ruh, kin sa long ki maw-kordor ha ka pansngiat u Khrist lada ki long ki babha bad ki búd ia U, bad nangta ki baroh ki la ialeng joit bad la iarwai sngewtynnat eh ia ki jing-rwai ba na ka Sankey, "Un lum ia ki paila" "Ka la long ka jingiaseng kaba sngewtynnat sat, bad la pyndap ia ngi da ka jingsngewnguh haba ngi la rapynpyrshang pynnujor ia kata ka sngi bad ia ka jingtip da kaba kito kiba don ha khmat jong ngi ki loh mynta shaphang ka jingkitnám jong kata ka sngi bad ka por, ha kaba ym pat shym slem mynta, ba ym shym la don mano-mano na ki kiba la ju loh-sngew shaphang ka Jingkha ba ha Bethlehem,—ba ha ki ha kata ka sngi la kha, ha ka shnong u Dabid ia u Nongpynim uba u Khrist uba u Trai. Shen-shen hadien ka jingiaseng lang baroh ki la iabuhteng noh da kaba leit sha ka kamra bah jingkhawai ia ka ban bám ban dih sngewbha Khristmas. Ka jyntah doh sniang (ha ki bún rukom jingshet) bad ka ja la pynkhreh bún kyrhai; ki kynthei bad ki khynnah rit ki la iashong tawiar ia ki krung jong ka jingtei; bad la ai bám da ki rangbah; iwei pa iwei i da iadon shipliang bah ba da ka jyntah bad u luta bakhuid itynnat ba da ka um dih. Ki Khasi barobor ki bám da ki shynriahti jong ki, hynrei ki long kiba phikir tam eh ha kaba sumar khuid bha ia ki, bad barobor ki don ka um harud jong ki ban sait ban thet ynda la dep bám. Ym don kaei-kaei ka ban i-saitmet ha kane ka rukom bám. Ha kawei ka tduh jong ka jingtei la don ka miej bad ki shuki ba la buh na ka bynta ki nongwei bapawnám (lehse), bad hangta ngi la iashong shlur ban kylli tohkit shaphang ki bún jait ki rukom jyntah, ia kiba la buh stet ha

khmat jong ngi. Ngi la labám ha ka rukom thik kum ki Khasi da la ki kti jong ngi, sha ka jing-pynsngewbha bam kut trai shuh jong ka kynhún ialang, hynrei ngi lah ban kren thikna ba ka jingbám Khristmas Khasi ka long kaba bang sha ba palat. Nangta ngi la faleit phai sha ka ling Mishon ban labám ladih ba ka rukom bám la jong hi; lymne ngi duna ki dak ba ju long jong kata ka sngi. ki puding plom bamihdem bad ki jingpynriam soh syntiew tiew Khristmas. Sa shisien pat ngi la faleit phai sha ka kamra bah baiakhawai na ka bynta ka Jingialehkai. Sngewbha ("Cyfarfod Llenydetol") Khasi. Ha kane ka por u bnai u la hajrong joit, bad u da phyrnai shapoh lyngba ka sad jong ki sla rben ba noh, hynrei ki sohñiamtra ki la jah ha ka por bám ba ha ka khawai dawai. Baroh ki la lasngewmuja ia ki jingbám miet, bad ki iadon ha ka jingileh sngewbha bakhrav tam, ki da iakloi ban rkhié tang shu kren ktik tang malu mala eh. Ki jingialang ki la sdang da ka jingjied ia ki jingrwai niam, ba la rwai da ki khynnah rit; nangta la bud sa ka jingpynsngewmuja basngewbiria than. Ka lyer iingkhmih lynti bathrang mynsiem ha ka liang ki nongkhmihkai ka pyni ba don kaei re kaei kaba kham pher khyllah-sngi ka ban dang wan jia, bad shen-shen ka jingfakhih syier mynsiem har ka la pdiang sngewbha ia ka jingwanpoi jong ka kynhún ki nongialehkai, ki samla ba la riam ha ka jingphong Phareng, bad namarkata, sha ki Khasi hi, ka pynpaw kaei-kaei kaba la i-thamula palat. Uwei na ka kynhún u la jied ia lade hi ban long u shongknor, uba la khot ia ki nongbud jong u ban kren ia u paidbah kylliang-kylliang; man la ka shikyntien ka jingkren jong kiba bún ki nongkren la rkhié kynshaid bad khywin shar shi shar. Don katto katne na ki jingkren kynthoh kiba la long ia kaba ym lah khlem da rkhié, wat ynda baba la pynkylla sha ka ktien jong ngi, bad ki la ai ka jingmut ia ngi katto katne ia ka biria danda Khasi, ka jinglong kaba ki don ka bam kai shuh. Ka khar duh ha ki jingfananglaid sha khmat ka jingialang ka

la poi ha kaba U "Kpa Khristmas" ba i-donburota, katba hagdeng jong ka jingkren jong u, u la wallam la u ñiuh-moh bajrong jong u ban leit latyngkhuh bad ka sharak kaba ha ka mlej, bad u la kem ding shisyndon, bad u la phet kulmar ruma rutit hagdeng ki jingialynñiar jong ka jingiakmen sngewbha. U Sahep Jerman Jones u la pynlong katto katne ki jingkren kynthoh basngewdanda bad ba ha mat, hadien jong kata ngi la iakwah ia ki baroh ka "Khristmas basngewbha mynsiem" bad ngi la iamihnoh hagdeng ka jingiarisa. Ka la long kaba sngewbha ban peit ha ki khmat phuh samrkhie jong ki khynnah rit, kiba la iamuja katta-katta bad ka jingleit khmihkai, bad ban shahshkor sha ki jingiapyrta kmen ki jong ki.

SNGI THOHDIEG, *Nai Nohprah* 26.—Hadien ka jingpynlat por kumba ju long ha kaba pynbeit pynryntih ia ki jingkit jingbah na ka bynta ki nongkit, ngi la iamih ban leit sha Shillong kumba shiphew baje. Ka kynthun jong ngi ka la kynthup ia u Sahep bad ka Mem Jerman Jones, u Sahep bad ka Mem Stephens, u Doktor bad ka Mem Griffiths lang bad ki khun, ma ngi, san tylli ki kulai, bad laiphew ngut kiba bud barap-ka jingiaid lain kaba ishongshit. Ka la long biang ka step ba ithiang, bad ngi la iaiaid lynti sngewbha baroh shilynter; u Sahep bad ka Mem Stephens bad ki khynnah ki iashong ha ki kholi-kitbriew, bad kiba sah na ka kynthun ngi la shu iaiaid iaiaid bad iashong-iashong kulai kyliang-kyliang. Ngil la lasangeh ha kawei ka wahrit ban iabam jasngi, ia kaba ngi la iapynsngewmuja ha ka rukom bamja-khana lum. Nangta ngi la nang taleit shaphrang, teng teng da kaba shongkulai, teng-teng pat da kaba shu iaiaid, bad ka la kem iongrein ha ka por ba ngi poi ha Mawryngkneng, ha kaba ngi la lasah shimiet ha ka lynti jong ngi sha Jowai, mynshitaw mynshuwa. Ia u nongshet jong ngi la lah phah sha khmat, kumta ba ki ding ki baheh katta-katta la pynmeh, bad baroh ki jingpynkreh la pynlong ha ka Dak

Bangla, ha ka por ba ngi poi. 'Ngi la iapynleit ka janmiet basngewbha nadong shadong, ngi da iarah ia ki miej bad ki jynghthiah kylleng-kylleng bad da ialeh bún kam ban pynlongkam ia lade-lade. Hadien jong ka jingbám jamiet ngi baroh ngi la iashong tawiar ia ka ding haduh ban da dei ka por ban leit thiah, nangta la don biang ka por jong ka jinglehsmat, bad la dang shai ka jingjarjar jong ka miet ka la par ha ka Dak Bangla Mawryngkneng. Da kaba bha bok, nga la leit ioh ka jaka thiah ka ban ngiam ia nga bad ngam shym shah shitom hadien na ki jing-pynsaja jong ka bneng kaba mynshuwa ha kane ka jaka; ki khnái, ruh, ki la iashong kynjah tipsngi.

SNGI SAITJAIN, *Nai Nohprah* 27.—Katno ka jingialeh búnkam ka don ha man la ka step ba mih! u Sahep Jerman Jones u la long u nongialam rangbah, u da bthah shane shatai ia ki nongkit nongbah, u da ai rai ki jingkit aü bad kiba kumno kita-k ta ki dei ban kit—ha ka jingshisha u da korbar kam ia kawei pa kawei. Ka jingleit lynti ka la long thik kumjuh kum ha ka sngi bamynshuwa, hynrei uwei na ki kulai jong ngi u la pynmong la ka ingdong jong u, kumta ba ngi la donkam ban kham iaid palat na kata ka daw. Ngi la iaid lait ia ki katto katne ki jaka ba-itynnat, kawei na ki ka la long ka iew barim bajah jong ka shnong ba la pynjot la slem; ha ka rud lynti la don uwei u maw lyngknep baheh ha kaba u nongkhrong khajna u ju shong, bad halor jong u la don kawei ka thliew ba la khlong pyllun bha sha kaba ka khrong iew la pynháp da kito kiba ialeit thied leit die. Kumba san baje ngi la iapoi ha Shiliong, bad ka jingiaiaid khmih pyrthei basngewtynnat jong ngi ka la kut la wai ia kato ka taiew; ka ling Mrshon ka la long kaba sngew syaid mynsiem bad ba sngewsuk kynjai ban pdiang sngewbha ia ngi, bad ka janmiet ka la iaid lait noh ha ka rukom kaba sngewbha eh.

SNGI U BLEI, *Nai Nohprah* 28.—Ka Sngi u Blei jong ngi ha Shillong ka la shlei da ki jingshem basngewbha bad ba pynshlur mynsiem. Ha ka por hynñiew baje mynstep ka baje ñingmane ka la tied na ka bynta ka jingiaseng dwai mynstep, bad ngi la shem ba ka ñingmane ka la shlei mam, ka dak ka babha ha ka jingsdang ia ka Sngi Shongthait. Kine ki jingiaseng dwai kim long ki baslem, ki neh tang kumba shiteng kynta; ar ngut ki ñashim bynta ha kaba dwai, bad ki jingiaseng ki la long barobor kiba sngew shongkhia mynsiem. Hadien kane u Sahep Jerman Jones u la ñalam ia ngi ban ñaid kai sawdong ka Shillong, Ka la long ka step ba idonburom, ka sngi ka da tyngshain bha khrek, bad baroh ka i-jaijai bad kynjah. Don khyndiat eh, ym tang ha Shillong, hynrei ha ka Ri Khasi, ia kiba u Sahep Jerman Jones um ithuh, bad ñiar ba un ñaid lait ia u trai-ri khlem pynlong kano-kano ka kynja jinghren kynthoh. búnsien eh da kaba ñarkhie. Ba u ñohi ia ka kynthei ba ka shong ha khmat jyangkhang, un pyrtá sha ka, “Phi pleng hangto?” bad ka jubab kan wan kylla, “Hooïd, nga don hangne.” Sha ngi kane kan paw kum ki jingia kylliáng ktien ki bam i donkam satia, hynrei sha u Khasi ka da pher eh, bad ka ñawan bad ka “khublei ha kane ka step babha ia phi,” ne kaba kum kata ka rukom kren khublei. Ban ap-thuh ia “u Sahep Jerman,”—kumba la tip ia u ha Ri Khasi—hapdeng ki trai-ri, bad ka rukom ba u ñadei kam bad ki, ka pyni kaba katno ka bor ring ba u don halor jong ki. Haba bad ki trai-ri u Sahep Jerman Jones u la kylla long Sahep Jerman,” u Khasi ym tang ha ka ktien khot hynrei ruh ha ka pyrkhat pyrdain; bad dei kane ka jingpynsngew Khasi ia lade nadong shadong ha ka longbriew manbriew kaba batai shikatdei ia ka bor jong u hi bad ia ka jong-kiwei-kiwei de ki mishoneri halor ki trai-ri. Imat kumba u sngewthuh ia man la ka khongwiang lynti ba don ha ka jingpyrkhat jingsngew Khasi, bad u lah ban ñiewkor. bad ñasngewlem. bad ki jingdupa. jong ki, ki.

jingartatien bad ki jingeh. U Khasi u long uba phrak-phrak shibún, bad lada u la leh bakla ha kano-kano ka rukom, um ju pyrkhat ka ban buhrieh net la ka pop jong u na ka balang, bad u wan sha u mishoneri shisyndon, bad u pynpaw ia ka. Ia kane bad shibún kiwei-kiwei pat ki jinglong pher jong ki Khasi ngi iaoh jingtip hamar kane ka jingiaiaid kai step lyngba ka Shillong. Ka Skul Pynpaw ka la sdang ha ka por shiphew baje, bad ngi la iasngewbha shikatdei bad kaei kaba ngi la iohi. Ka iingmane ka la shlei phok; ki khynnah rit ki la iariam iabeit itynnat eh baroh, bad ki khmat ba la sait la bta bha, baroh ki da i phyrnai bad suk. Bad ka la long ka Skul Pynpaw Welsh, naba ym don tang ki khynnah rit, hynrei ki riewstad shiteng-rta bad ki tymmen ki kro shynrang bad kynthei bad la u shñiuh rong rupa, baroh ki la ialum ban ioh jinghikai shuh-shuh ei-ei shaphang u Nongpynim jong ki, ki da don ki Testament ba la shon heh ki dak ba la plied halor ki khohsiew jong ki. Hadien ka jingiaseng lam khmat, ba la pyniaid da u Khasi, ka skul ka la sdang shitrhem mynsiem, bad la don ka jingiapli jaka shong ba iadei lang ia ka ban thaw ki klas kyrpang. Ngi la ialeit lut baroh sawdong jong ki, bad la kyntu ia ngi ban kylli jingkylli katto katne. Ngi la ialeit jngoh nyngkong eh ia ka klas rangbah, ia kabí la pynlong hapoh ka "Jaka shong rangbah" ha kaba baroh ki la dang iashong halor madan bad la ki Testament ha la ki khohsiew, bad ki dang iapule ia ka lynnong ka balai sha ki Hebru. Ki jubab ba ki la ai sha u nonghikai, ia kiba la kylla ktien sha ngi, ki pyni ba kine ki rangsamla ki iohkem bha ia ka jingmut jong ki dkhot ha kiba ki dang iatáinia. Nangeta ngi la ialeit sha ka klas jong ki khynnah samla, kiba la dang pule ia ki Kam ki Apostol, bad ki de ki la jubab ia ki jingkylli jong ngi stet bad beit. Nga la kylli ia ki, mano ba thoh ia ki Kam ki Apostol bad uwei u khynnah baphyrnai ki khmat ba dang khatsaw soem shisyndon u la jubab, "U Lukas." "Kiei ki nie phi

don ban ong kumta ?" la long kawei pat ka jingkylli ka babud, bad uta ujuh u khynnah kumne-kumhe u la iathuh ia ki jingiasriem ba shem hapdeng ka gospel u Lukas bad ki Kam ki Apostol, kumba shu shim rukom noh, ka jinglamphrang, ka rukom faid sur ha kaba thoh, bad kumta ter-ter. Nga shu iathuh ia kane ban pyni ia ka jingtip lyngba-lyngba ia ka jinghikai Baibl ba ha ki Skul Pynpaw ri Khasi. Ha ka jyngkhang jong ka iingmane la don ka klas kaba sngewtynn timer hi kein, kawei kaba plie ryngkhang sha kat uba faid najan, bad kaba thmu na ka bynta ki Khasi riewpyrthei kiba leit jia don ba Shillong na ki shnong rit ba sha-jngai bah. Ha kata ka klas la don katto katne ki riewkhlaw kiba da i shisha kumta, ki rangbah kiba i-khlaw ka rukom peit, ryngkat bad ki la shong uwei u nonghikai Khasi, u da iathuh ia ki ia ka jinglathuhkhana baphylla shaphang u Jisu bad ia ka Jingieit baphylla jong U. Ki la iashah shkor bha dngiang, bad mano ba lah ban iathuh ba ha kata hi ka step Sngi u Blei ka jingshai kam shym la wan tuid nyngkong eh sha ki mynsiem ba la pyndum jong kito ki briew ba i-khlaw ba na ki Lum! Ha kane ka rukom nei la faleit jngoh ia baroh ki klas. Ka Mem Jerman Jones ka la bunkam ha kaba hikai ka kynhun baheh jong ki khynnah kynthai Khasi barit, bad ngi la shem bun na ki kiba lah ban pule bha bad ka la long ka jingiohi kaba itynn timer hi khynnah kynthai Khasi barit ba ki iakren sur khunlung ia ki ktien bakhraw jong ka Testament Bathymmai. Tang shu ai dak baroh ki tap ki kot, bad ki khynnah rit ki la iaifeng joit ban spel lang ia ki bynta na ka kot Tikir ("Rhodd Mam"); nangta baroh ki la iaspel lang shibynta na ki bynta jong ka Nongialam ("Hyfforddwr"), hadien kata u nong-pynfaid ka jingiaseng u la wallam ka rejistor, u da pyni ka jingwan kaba 229 ngut—ka jingwan kaba faid ryntih jan barobor, la iathuh ia ngi. Ka jingdwai bad ka jingrwai ki la pynwai ia ka skul bad nga

sngewthikna ba, shaphang ka jingtip ia ka histori ka Baibl bad ia ki mat ki pung ba dei paidbah jong ka thioloji, kane ka Skul Pynpaw ha Shillong kam shym duna wat shi dana ruh em na ka skul haba shu kren ryntih ha ri Wales. Ha ka shibaje ka baje ka la khot ia ngi sha ka jingiaseng ryntih banyngkong eh jong kata ka sngi. Ka iingmane ka la shlei biang, don hangta hagdeng saw bad san spah kiba iawan. ~~U Doktor Griffiths, ba na Mawphlang,~~ u la iathuh ia ka jingiauhkhana kaba donbor eh, ka jingrwai ka da long kaba sngewrhem mynsiem baroh shilynter. Ka jingialang janmiet ka la sdang ha ka por saw baje, ha kaba u Sahep Stephens ba na Shella u la ialap khia mynsiem ha ka jingialang kaba heh, bün na kita ki la long ki Bengali, kiba la wan ban ioh khmih ia ki "nongwei". Ki mishoneri da kaba sbun mynsiem eh ki la leh kum ki nongbatai ktien jong ngi hamar ka por iathuhkhana, ki da kylla ktien lajan ktien pa ktien ha ngi. Ka jingialang bakhatduh eh jong kata ka sngi ka la long ha ka por hynriew shiteng, bad kane ka la long na ka bynta ka jingmyntoi jong ngi. Ki Khristan ki la kwah ban pdiang khublei paidbah ia ngi; bad, namar ba kane ka la long ka miet khatduh jong ngi ha Shillong, ka jingialang ka la donkam ban long ha kata ka janmiet, bad ka la nang poi sha ka jingialum lang ba sngewmuja eh. Ia kawei pa kawei la iehnoh ha ki kti jong ki Khasi, u Rangbah A. Soonroy, u Inspektor jong ki skul, u la don ha ka shuki, bad u Rangbah Mohonroy, u Inspektor ki Pulit ha Shillong, u samla uba shalak bha eh, u la kren bün ki ktien kiba sbun, bad hadien kata la bud da kiwei-kiwei ha kajuh ka sur. Ngilajan kren sngewnguh ia la ki lok Khasi jong ngi na ka bynta ka jingpdiang sngewbha bad ki ktien sbun jong ki, ha kaba uwei u Babu Bengali, u briew uba la ioh jingnang jingtip bad ba don katto katne ka kyrdan briew, u la pán ba yn shah ia u ba un kren shikyntien ar kyntien. U la kyrpad ia ngi ban shim

lem bad ngi sha la ka ri sha ki Dairektor jone ka mishon jong ngi ia ki jingsngewnguh jong u bad jong kito kiwei pat ki Bengali, kiba la kitram ia ka jing-pynnang pynstad ia ki da ka mishon jong ngi ha Sylhet; la lah hikai ia u da u Sahep Price, ha kaba ia ka mishon jong ngi la seng hangto, bad u la kren shaphang une u Sahep ha ki ktien kiba shitrhem mynsiem shibún U la pynpaw ha ngi ba ngin pynpaw ia ka jingkwah bajur jong ki trai-ri ba na Sylhet, ba ia ka mishon dei ban seng biang hangto, bad u la nang ia id shaphrang ha ka jingkren jong u ha ki ktien bakordor tam shaphang ka jingtrei ka mishon ha ri India, u da pynháp ba baroh ka jingsan jingkiew jong kata ka ri bakhraw ka la long sha ka bor pynbha jong ki mishoneri Khristan. Shuh shuh, u la pynbna ba ym don ka bor kaba lah ban wallam lut lang ia ki jaitbynriew ba iapher bak-ly-bak jong ka ri India, bad ban pyntylli lang ia ki kawei, lait na ka jingieit u Khrist Ngí la sngew-phylla shikatdei eh ban iohsngew ba une u Bengali um shym long satia uba la phla Khristan, hynrei u Sahep Jerman Jones u la don ki jingkyrmen ba shen shen un sa pynbna ia lade kumta. Ka la i phylla ba ia kiba kum kita ki ktien yn kren da u Hindu. U Sahep Jerman Jones u la kren shitrhem bha shaphang ka Sylhet, bad ngi la iakular ban leh katba shong ka bor ha ngi na ka bynta jong ki ha la ka ri. Ynda la iapyrshang ban pynpaw la ki jingsngew jong ka jingsngewnguh jong ngi na ka bynta ka jingpdiang sngewbha bad ki jingai khublei jong ka Balang Shillong, ka jingpyniaid ia ka jingiaseng ka la wai. Nangta ia ngi la pynithuh ithaw sha baroh ki tymmen basan, ki ebanjelis bad bún bún kiwei pat, bad ngi la iadon ka jingiakren iakhana kaba sngewbha bad ki. U Sahep Jerman Jones u la pynbeit riang ia ki sawdong, bad, da kaba ieng bad ngi hpdeng, u la ai jingbatai ia uwei pa uwei ha ngi, u da kren lyngkot ia ka jingtbit jong uwei pa uwei. Ngí la iashong lang shipor, ngi da iakren shaphang ka kam jong ki, ka jingialap, bad ka jingseisoh

kaba la búd ia ka jingtrei shí:om jong ki. Ka jingíalap ha ka balang Shillong, kam kut tang ha ki ebanjelis, namar ki tymmen basan bad lajan baroh ki donkam ban kiew ia ka pulpít kylliang kylliang, ka jingpynbeit kaba u Sahep Jerman Jones u hiew ba pei ban sarong ia kaba lah ban íamáp. Hynrei ka jingdonkam ba ha khlieh eh jong uwei pa uwei u Khristan Khasi ban lah ban íalap ia ka gospel hapteng ki para-ri, ki parakhér paramér riewpyrthei jong ki ka long kaba shai kdar Ynda la íarwai ka jingrwai ba íabang lang kawei, bad ynda la ainguh ka jingdwai íakhlad, ngi la íaleit sha íing Mishon, ba la synrán da katto katne na ki samla rangbah, ki da sngew ba la íapyn-dait lang ha ka jingíalanglok ha kata ka miet. Ha kata ka janmiet, ha kaba íatuklar shaphang ki jingjia jong kata ka sngi, ka Sylhet ka la shim kynti ía ka jingmut jingpyrkhat jong nei, bad hangne long ki jingshisha ba lam khmat kiba íadei ía kata ka jingíakren. Ka Sylhet ka don u paid nongshongshnong uba lajan kot arphew lak, khlem uwei u mishoneri hapteng ki trai-ri. Kawei na ki steshon Mishon jong ngi ka la don ha kata ka distrik ía katto katne snem, bad ka kam jong ngi hangto ka la sangeh hapteng ki púd ba pynpang dohnúd. Hynrei ka ding, ba la tbeh ha kane ka por, kam pat shym lip duh, namar don arphew hyníiew ki Khristan kiba sah rim na ki jingtrei ba mynshuwa jong ngi, kiba dang íai íaksaid, bad ki kyrpad ía ngi ban buh biang uwei u mishoneri sa shisien pat hapteng jong ki. Shuh shuh ka ri basawdong tawiar ki ri Lúm Khasi ka la shah bat kynti ípa da kiwei kiwei pat ki mishoneri, ka Sylhet ba ka long tang ma ka ka thairí bahéh, hajan ri Khasi, ka plie ía ngi ka lynti. Ki trai-shnong ka Sylhet, ruh, ki khmih ha ngi nyngkong ía ka jingiarap, namar ka Mishon jong ngi ka la seng ha ki por bamynshuwa ha ka distrik jong ki. Da shisha, ka lah ban long ka jingkylli la mynta ka long ka por ban pyníar ía ka lyngkha jong ki jingtrei mishon jong ngi shabar ki Lúm, bad lah ban don ki jingeh ía íba ym pat lah íohi mynta kumne ha ka lynti bau seng mishon ha Sylbet. Kumta la kut ka Sngi u Blei ba sah jingkynmaw

jong ngi ha Shillong, bad ngi don dāw ban sngewhun bad
 kiei ba ngi la iohi. Ka rukom ha kaba ki Khasi ki
 pynīaid ia lade hi ha ki jingiaseng ka ai burom ka
 bakhraw ha kito kiba la seng ia kata ka nongrim mane
 hapdeng jong ki ; ka jingiaseng ka la long barobor thik
 thik ha ka por ba la buh, bad baroh shi lynter jong
 kawei pa kawei ka jingiaseng la don kaba kum kata ka
 jnejarjar ba lajan kat ban lah ban iohsngew lada jia ba
 hap u pin : ki rangbah ki la shong ha kawei ka liang jong
 ka iingmane, ki kynthei ha kawei pat, baroh ha ki ben
 balyngkot, bad ia ki khynnah rit la pynbeit ha khmat
 Baroh naduh i khúnlung ba dang rit tam haduh uba
 tymmen tam ha ka jingiaseng, imat, kumba ki sngewkhia
 bad ka jingsngew shongkhia jorg ka jingmane, bad ki
 pynpaw ka jingsngewburom ka bakhraw na ka bynta ka
 iing u Blei. Nga la iathuh tenghangno re hangno-katno ba
 ki Khasi ki rwai bha. Kane ka la long ruh kylleng ki Lúm,
 bad haba kynmaw ba ki Khasi kim don kot jingkynd,
 kane ka la nang kham pynīoh jingiaroh shuh shuh. Ba
 kim don kot jingkynd, ia ka iarwai bún sur ym lah ban
 pynrung bha, hynrei ba ka jingrwai jong ki ka long ha ka
 shisur, ka nang kham win shuh shuh na kata ka daw. Ka
 kot jingrwai jong ki ka don arspah sanphew lai tylli ki
 jingrwai, kiba la shu kylla Khasi na ki katto katne na ki
 jingrwai Welsh bam lah iakob jong ngi, ryngkat lang bad
 khyndiat khynsoit na ki jingrwai Sankey na ka bynta
 ki khynnah rit. Ha kaba wai jong kawei pa kawei
 ka jingiaseng ka jingiaseng ka ieng katba la nargkren
 ia ka jingdwai jingaiei ; nangta baroh ki iadem ki
 khlieh shiphang ha ka jingdwai jarjar. Ki kynthei
 baroh ki mih shuwa, bad ki rangbah ynda ki la pyn-
 skhem la ki jynspong ha la ki khlieh jong ki ki sa ia
 bud. Ki Khasi ki long ki riew-leit jingiaseng ba
 iabún, lajan kham bún shuh shuh ban ia ki briew babha
 ba ha la ka ri ; ka long tang ma ka kaba ai jingsngewbha,
 lada lah ban ong kumta. Baroh ki Khristan Khasi ki
 shah dkhat na ki lok riewpyrthei bamynshuwa jong ki bad
 na la ki jingsngewbha ba ki ju mlien ban brai, bad haba

ka jingialong para Khristan ka dang rit haba ianujor bad ka pyrtthei riewpyrtthei baroh sawdong jong ki, ka jing-sngewdonkam ban ialong kawei ha kaba iamane lang ka kham jur ban ia haba ka jingialang Khristan ka long kaba heh. Kumta ki Khasi, bün na kita ki long tang kiba dang kylla niam thymmai, kiba la dang shu iehnoh ia la ki lok riewpyrtthei jong ki bad ia ki jingmane riewpyrtthei, ki ialum lang ha ka ling u Blei, ha kaba ki lah ban mane bad la ki lok Khristan, bad ki ioh bor ban ialeh ia ka thma bajur jong ka jingngait thymmai jong ki. Ki jingia-seng miet poh-ia ki long barobor kiba iawan bün bah, bad man ka step bad janmiet ha iing ha sem jong man la ki Khristan Khasi la ialum lang ha ka duwan jong ka jingiadwai iing. Don katto katne na ki jingmih soh bapynphylla kiba la bud ia ki jingtrei shitoi jong ki mishoneri jong ngi ha ki ri Lüm Khasi.



LYNNONG XXII.

KA MAWPHLANG BAD KA KHATSAWP'HRA

LAH SNGI U BLEI, *Nai Nohprah 29.*—Ngi la iapynbeit ban mih na Shillong ha kata ka step ban leit sha Mawphlang, kumba khatphra mail ei-ei, hynrei bün ki kynta ki la iaid lait shuwa ba ngin lah ban dkhat ia lade na ka ling Mishon bad na ki lok basbun jong ngi hangto. Ngi la iamih shabar shuwa ka jingbám step ban leit khmih ia ki Skul Mishon, bad ngi la iasngewbha shikatdei eh bad kaei ba ngi la leit iohi hangto. Don ar tylli ki skul ba la tei paka, kiba don hapoh kajuh ka kut jong ka iingmane, kawei na kita ka dei ka jong ki khynnah shynrang, bad kawei pat ka jong ki khynnah kynthei. Ngi la ialeit jngoh huwa ia ka skul-shynrang. Ia kane la pynkhlad ha ki ar bynta, ka Skul heh, ha kaba kiba la kham san bad kham sha khmat ki pule, bad ka bynta ia kiba dang sdang. Ngi tang shu iarung ha ka skul rit, shi-pah sanphew ngut ki khynnah shynrang ba la pynriam itynnat bha, kiba phyrnai ki khmat ki la iaeng joit ban khublei ia ngi da ka jingong "Khublei Sahep," bad nangta ngi la iaiaid lynti lyngba ki klas baroh. Don kiba dang iahikai ia ka ktien Phareng, kiwei ia ka Jingkhein, ki kot lyngkdop ha kawei pa kawei ka bynta ba la thoh ha ka Khasi da u Sahep Jerman Jones ; ki nonghikai lait sa tang uwei, ki la long ki Khasi, u nonghikai rangbah duh u da dei u Bengali. Bün na ki khynnah shynrang ki la long kiba nep shibün eh bad ia ka kam imat ba la pyniaid bha nadong shadong. Shuwa ba ngin mih na ka kamra ki la iarwai ka jingwai khublei ia ngi da ka jin shitrhem bakhraw. Nangta ngi la ialeit sha ka kamra kaba iamar-khap, lane ka Skul heh, ha kaba ki nongshongskul ba kham heh ki dang iatrei-kam, bad ia kine la pynkhlad ha ki san tylli ki klas. Ar ne lai ngut na ki nongpule ki la dang iakhreh ban ialeh ia ka Matrik kaba ha ka luni-barsiti jong ka Calcutta, bad ki la dang loh jinghikai ha ka Latin na u Sahep Jerman Jones. Haba la ia eksamin

Ia ka kam jong ki bad la takynjut-kti bad ki baroh, ngi la
 iabud ia u Sahep Jerman Jones sha ka jyngei ba-
 markhap, bad la pdiang ia ngi da kumba sanphew
 ngut ki khynnah kynthei, kiba dang iahikai baroh ia ki
 lai tylli ki subjek, ka pule, ka thoh bad ka khein, bad
 la pyniaid da ki nonghikai kynthei. Ngi la ia eksamin
 ia bún ki sleit, bad shem ba ka jingthoh dak jong ki
 khynnah kynthei kaba la bha sha ba lyngngoh. Tang
 shu ai dak na u Sahep Jerman Jones ki baroh ki la iaeng
 lain riang, ki la iadem khohsiew, bad la iadwai ia ka Jing-
 dwai u Trai ha ka ktien Phareng, bad hadien kata ki la
 rwai sngewthiang eh ia kawei ka jingrwai Phareng. Ka
 rukom ha kaba ia kine ki skul la sumar bad la pyniaid ka
 wallam ka jingtoh iaroh kaba khraw tam ha u Sahep
 Jerman Jones, uba la shimti tylli ia ka jingpyniaid la bún
 bún snem, bad uba ki jingtrei shitom jong u ki la pynlong
 ia ki ia kaei ba ki long. Don ka Skul Sorkar ruh ha
 Shillong, hynrei ia kata la leit shong skul tang khyndiat eh
 ba ka myntoi tang khyndiat khyensoit eh, Kumta, haba
 shu kren beit ka jingpynnang pynstad ia ka pateng ba
 dang khie ha Shillong ka háp ha ki kti jong ka Mishon
 jong ngi, bad kan long kaba eh ban khein antad ia ka bor
 pynbha da kaba kine ki skul ki don, bad kin iai don, la
 ka jinenang kiew nang san jong ka jinglong Khristan ha
 kane ka thain. Ia ka jingshaha jong kane la pynngam
 bha haba ngi pyrkhat ia ka jingnangsang nangheh jong ka
 jingdonkam ha Shillong, kaba long ka jaka shong jaka sah
 jong ka Sorkar Assam. Hangne, ha ka jingiasnoh bad ka
 Sorkar, shong u paid ki nongtrei ophis, bún na kita ki
 long ki Khasi, bad kiba kham bún nangta, ki Khristan
 Khasi, bad nangta shuh shuh, ki nongkyrshán baradbah
 jong ka Mishon ha ka distrik. Ban da ym shym la don
 skul Mishon, ki khynnah kiba bat mynta ia ki kyrdan
 baheh ha ki ophis ha ka Sorkar Assam kin jin da la ioh
 jingnang jingtip ha ka Skul Sorkar ha kaba ia ka jinghikai
 niam la bád noh da kaba leh pyrkhing, bad lehse ha kane
 ka sngi kin dang long hi ki riewpyrthei bad ki nongshún
 pynban ha ka jaka ki lok bapynsyaid mynsiom jong ka

Mishon. Ka jinglong jong ka Skul Mishon ka ai ka nuksa ha ka rukom ka bam lah ban bakla in ka jingdonkam bakhraw jong ka jingpynnang pynstad kum kawei na ki atiar ha baroh ka jingtrei mishoneri. Tang dep ka jing-iahmih skul, la don kiwei kiei-kiei pat ia ka ban khmih, bad bün ka jingwan khublei leit khublei donkam ban pynlong. hynrei khatduh iawai ngi la pynlong ka jing-iamih. (U Doktor Griffiths u la long u nonglam lynti jong ngi, bad ngi la iadon ar tylli ki kulai ia kiba ngi la iapyndonkam mar mar kyliang ; u Sahep Jerman Jones u la wan on ia ngi kumba shimail ar mail, bad ngi la shem ba kaba eh ban iakhlad, hynrei khatduh khatwai ngi la ia kynjut-kti khatduh iawai halor ka jingkieng kaba tda ia kawei ka wah kaba la tadkoit : shikyntien ruh ym shym la kren dano-dano, hynrei katba ngi la nang iashongkulai suki jai artet u lum bad iehnoh ia u Sahep Jerman Jones shadien jong ngi, ngi la sngew ba ngi la dang iakhlad na u mishoneri ba khraw burom, uba ka jingialang lok bad u wat tang ha kito ki khyndiat sngi la hap phaidien kum ka jingioh kabu ka bakhraw. Katba ngi dang don ha ri Khasi ngi la ialong lynter ha ka lyer jong ka kam mishon. Kumba dei ban long, ka long ka subjek barobor ha ki jingmut jingpyrkhat jong ki mishoneri ; shaphang kane ki iai kren iai khana, bad ia ka ban pynlaid ia kane ka kam bakhraw burom ki bor met bor mynsiem jong ki baroh la pynleit lut. Ka jingshongkulai jong ngi kata ka por noh-phai-sngi ka la long beit-beit lyngba ka lyngkha mishon. Ka jingiohi ka la long hangne hangtai kaba iphieng palat, ki jingbteng ter-ter jong ki lum bah, ki phud um jong ki wah bah badum ngiw-ngiw bad ba i-ngiew, ka jingsep sngi bariewspah ha ka jingairong ; (hynrei dei i kynhün barit jong ki ling ki sem ha kaba ka kynhün Khristan ka iaksaid radbah hagdeng ka jinglong riew-pyrthei ba pynynjar jingmut sawdong jong ki, ka iingmane rit ha kaba ki mane, ka iingskul halor u lum, ka iingshong iingsah jong kawei ka kynthei Khasi bariewblei—dei kum kita kiei-kiei ba la kdew ha ngi, bad kiba la ring ia ka jingmut jingpyrkhat jong ngi. Ka rukom ba ki Khristan Khasi ki pyni la la ka jingsngew niewkor jong ki ia la ki

lok jong ki ka long da kaba wan mih' kynhún ban wan shaw ía ki bad ban íaleit-on lynti ía ki katto katne ka jingngai, nangta kin sa íaleit noh. (Baroh ki Mawphlang Khristan, bad samla bad tymmen, ki la íawan mih bún mail ban wan shaw ía ngi, hynrei namar ba ngim shym lah poi tad haduh lajan miet, ka jingkhriat tasam ka la pynher krad bún-bún na ki sha la ki íing ki íing. (U ebanjelis Kpa ka Hen, ki tymmen basan Job bad Ishon, bad kiwei-kiwei la kumno-kumno ki la íasah shadien, bad ki la pdiang ía ngi da kaba kmen. Bad ki ngi la íadon ka jingíalaid basngewbha shaduh ka tduh jong ka jingleit lynti jong ngi, ngi da íakren shaphang ki babún jait ki kam, khamtam shaphang ka Palestain (sha kaba u para ba íawan lynti bad nga u la leit íaid lynti), ha kaba ki pynpaw ka jingsngewkwah tip bakhraw eh. (Da kaba sngewbha eh ngi la lah ban íohi ía ki sharak jong ka shnong Mawphlang, bad la ki jaka shong jaka sah-ba-itynnat jong ki Khristan, ka Aspata ba khuid khlem jingthoh-dak bad, ha klier duh eh na baroh, ía ka íing Mishon. Katba ngi la nang íaid lyngba ía ka shnong kawei ka rynieng briew bajrong bha jwain ka la wan jam ki kjat na kawei na ki íing bad la íakhublei bad ngi. Une u la long u Borsing Syiem, u Syiem ba la pynhiar khet jong ka Sohra, u riewshlur Khasi bapawnám, uba la kyntait ía ka hima na ka bynta u Khrist, bad nga la sngew ba ka la long ka burom ía ka ban íakynjut-kti bad u da la ka kti. U la don ha ka lynti jong u sha Shillong ban leit hajir ha ka kam mukotdúma ba pynjynjar sat sha ba palat ba shisten ka la wallam ía u shaduh ka tmier jong ka jingíot thiaw; ngi la ía íehnoh ía u hadien kaba pynkular ía u ba un wankai sha ngi ha kawei ka step. Ba la tyrsain da ka jingdaít-thah bad ba ía kham íathait ha ka íaid, ka jingsyaid bad ka jingpynsuk jong ka íing Mishon ki la long kiba pynhún mynsiem, bad ka jingleh sbun jong ka Mem Griffiths bad u Doktor barobor "ba la pynleit jingmút ha ki jingpyrkhat khot íingbasa," ka long ka bam lah ban palat. Bad ki, u Sahep bad ka Mem Stephens, u Sahep bad ka Mem Thomas, ngi la íapynlút ía ka janmiet ha kaba suk. Shen-shen ngi la shem ba u Doktor

Griffiths u la long ba la ieit kyrpang eh ha Mawphlang, bad u ioh bat kynri ka bor bakhray halor ki briew. Tang shu tip ba u la poi, man iwei pa iwei ki la lamareh ban pdiang sngewbha ia u sha la shnong la thaw bad man iwei pa iwei na ngi ki la shah pdiang kmen dohnud. U long uba pynleit lut la ka jingmut ha la ka kam, bad u la jop thiaw ha kaba pynsynrap lang ia ki ar tylli ki jinglong briew manbriew jong u kum u doktor bad u mishoneri.

SNGI HAT MAJAI, *Nai Nohprah* 30.—Ha kawei na ki jingialang jong ka Presbiteri Shangpung ka balang ha Nongrmai (ha ka distrik jong ka hima Khatsawphra) ka la dawa ei-ei ka jingwankhmih. Ki Khristan hangto ki la ioh bor ban tei ia lade hi ka iingmane thymmai, hynrei da ka jingshitthem mynsiem ba lah ia ka ban lamap, ki la sdang ban pynfeng kawei kaba la heh than na ka bynta ki jingdonkam jong ki kaba mynta. Ki deliked, kiba la wan phai na ka bynta ka Nongrmai ha kata ka Presbiteri, ki la pan ka jingkynshew paidbah (ia kaba la ju pynlong ban iakit ia ki jinglut jingsep ha kaba tei ia ka iingmane thymmai la ha kano-kano ka distrik); hynrei shuwa ban mynjur ia kane ka Presbiteri ka la rai ban thung ka komiti ban tohkit ia ka bor paisa tyngka jong ka Balang Nongrmai bad ban riport ia kata la ka long kaba dei rukom ban shu pynrit noh ia ka jingheh ka iingmane. Ka komiti ka la ai kyrteng ia u Doktor Griffiths, u Sahep John Thomas, u Rangbah Jura na Mairang, u Rangbah Dorkha na Shillong bad u Kpa ka Hen na Mawphlang; bad ia ka jingleit jngoh jong ki sha Khatsawphra la pynbeit ha kata ka rukom ba ngi lah ban lasynran lem bad ki. Kumta ngi la iohi kumno ia ka kam babha la pyniaid ha kato ka distrik hapoh ki jingpynjia ba bha pyrtnei eh, ba iadon ha ka kynhun jong kitei ba la jer kyrteng haneng ha kaba bun na ka por. La dang step nga la leit shem ia u Syiem ba la pynhiar khet jong ka Sohra, u Borsing Syiem, ba u da shong shaniah lyngngeh ha ka shuki pynjem met ba ha ka kamra shongkai. U la riam la beit ha ka rukom kum u Phareng, tangba bad ka jynspong ha ka khlich jong u bad ka khor ba la tawah ha ki tyrpeng

jong u ; u la long uba raikhoh bad u i-pawtlot, ka khmat
 jong u ka pyni ki dak kiba shai ia ka jingshah shitom ba u
 la laid lyngba. Ia ka jingiathuhkhana ba dei shaphang
 jong u la tip bha ia ka mynta ha ri Wales, bad ka jing-
 sngewlem bajur la sngew na ka bynta jong u da baroh ki
 brierw, namar u la kylla duk da ka mukotduma ba sniew-
 bok sat kaba bad u Syiem uba mynta jong ka Sohra ha ka
 jingladei shaphang kawei ka lyngkhot khyndew (ka bam
 laidei bad ka jinglong Syiem), ia kaba u Borsing Syiem u
 ngeit skhem ka dei ka jong u da ka hok, bad u kut jing-
 mut ban laleh haduh bakut. U la shah ia lade ban shah
 pynbieij da ki ricwsaid Bengali, ha ki kti jong ki ba u la
 buh la ka mukotduma jong u, bad haba ngi la iadon ha ri
 Khasi ka la long ka jingthmu skhem jong u Borsing
 Syiem ban appiel na ka jingkashari ba ha khleh duh jong
 ka Calcutta, sha ka Dorbar Rieh u Syiem Bilat ba ha ri
 Bilat, ka kam kaba lutphut eh, kumba ngi la iamaham ia
 u. Shuwa ban mih u la ainguh ia ngi ba iawan ban
 khmih ia u, bad u la kyrpad ia ngi ban ai khublei sngew-
 nguh sha baroh ki lok jong u ha ri Wales ; palat na ki
 jingsngewnguh, u la kren pynban da kaba leh sngewsih
 eh, um lah ban ai tam shuh. Nangta u la leit noh ha ka
 rukom ba i-bakhraw. Shen-shen hadien ka jingbam
 jingbam step baroh ka la long khum-khum-kham-kham
 bad ba bun kam. Mutdur ia ka iing Mishon Mawphlang,
kawei ka iing ba shimala, bad ia ka baranda kumba ju
long, ka kynhun ki nongkit kiba la pynkhreh ia ka ban
kit la Ki jingkit jingbah jong ki, bad ia u doktor babha ba
la ker tawiar da ki nongpang jong u kiba thrang ia u,
baroh ki da ia ap syier mynsiem har har ia
ka ban shah eksamin. Ia ki baroh la tba, bad ia
ka jingpynkoit la thoh kot dawai, hamar kita baroh
ki jingleh bun kam ka jingarkhie patied la
ohsngew, ba la pynlong da ki jingken danda phanda
ong u nongpynkoit. Ki nonghikai, ki samla kynthei bad
ihynrang, ki tymmen basan, ki khynnah rit, bad u paid
chleh bam don ktien ban ong ki dei kiei kiba la ia ieng
harud, bad kaba sngewbha eh ka la long ban laid shane

shatai hapdeng jong ki, ban lakren kai teng-teng bad noe
 teng-teng bad utai ; lada kim nang Phareng ei-ei, ia ka
 lakren lakhana la donkam ban shu lakdew da ki kti pe
 pet da ki khmat bad da ka jinglarap de jong katto katne
 ki jingpyrshang lum ia ki ktien Khasi lut kat kiba ia loh
 ei. Ka la long thik shiteng ngi haba la ai ktien ia ka ban
 mih leit noh sha Khatsawphra. Ia u Sahep Thomas la
 kyntiew ha ka khoh-kit-briew, bad ia kane la pynskhem
 ha ka ingdong u nongkit ; ngi shen ngi la nang iaiaid sha
 khmat, ba la synran da katto katne na ki Khristan, kaba
 kynthup ia u Rangbah Kormuni Singh, u khun nyngkong
 eh jong u Borsing Syiem, bad kiwei-kiwei de, kiba la iawan
 ryngkat bad ngi ban iaiaid pynshngaiñ bad ngi. Hadien
 kaba iaiaid bad ngi bun mail, ki lok jong ngi ki la lakren
 khublei leit noh bad ki la iaieit phai kylla noh. Shiteng
 na ka jingjngai lehse la lah iaiaid ha kaba la iashem bad
 ngi da ki kulai jong u Kinesing, u Syiem Khatsawphra,
 bad u Myntri Rangbah jong u, ia kiba la phah kyrpang
 khnang bad ki sei-kulai jong ki ban wan shaw ia ngi bad
 ban pynpoi ia ngi. Kim shym la long ki kulai radbah
 bajwain rynteng, bad la ki ryndang khun khilon bad ka
 jingjam kjat ba-iwandur, hynrei ki kulai rit ba ksah tylli
 ka met ka phad. U jong u Syiem, la kumno-kumno, u la
 long na ka rong syiem beit balieh malai, bad nga la sngew
 ka burom shisha ban loh shong halor jong u. Kumta de
 ngi la nang iaieit, bad ka la dier por prem miet ha kaba
 ngi la shur shajan ka jaka ba ngi thmu leit, ka Mairang.
 Katto katne ha ka jingjngai na ka shnong rit la iakynduh
 ia ngi da u Rangbah Jura bad kiwei-kiwei de ki Khristan
 Khatsawphra. U Rangbah Jura u long u ebanjelis uba
 la shai bad bapnah ktien, bad la jer kyrteng ia u "U John
 Jones, ka Talsarn, jong ka Ri Khasi" ; u long uba met-rit,
 bad ka khmat kaba shoh itynnat, ki pyllew khn at baiong,
 bangam bad banep, u da phuh niuhmoh, kaba long phylla
 ia u Khasi. Ka lah ban long ba la iashem ia ngi da u
 riewdonburom surom Phareng bajlih akor, uba don-akor
 katta-katta ha ka akor briew ka jong u, bad uba kren
 Phareng kumba pah u sim bad tuid ka um. Ma u bad

ki lok jong u ki la ialong ka kynhún phrang lynti jong kawei pat ka kynhún Khristan ba kham khraw shuh-shuh kaba dang ia ap ban pdiang ia ngi, bad da kaba phai ia kawei ka khongdong, ngi la leit lap ia ki ba ki dang ieng ha ka ranab lúm. Uwei u samla brierw ba i-khia thew bad babhabrierw u la jam sha khmat, bad la pdiang sngew-bha ia ngi, kum u Syiem ka Khatsawphra. U la phong ka jyngriam Phareng, bad la ka jainspong bad ka jain tawah, bad u da i nadong shadong u Syiem shisha-shisha; hynrei um man lah kren shikyntien da ka Phareng. Ki khynnah skul bad ka kynhún bah jong ki Khristan ki la wan iatur sha khmat bad iakynjut-kti bad ngi, uwei pa uwei u da ong, "Khublei Sahep," ka rukom kren khublei Khasi; nangta ngi la iaiaid shaphrang, ba la tawiar ia ngi sawdong-sawdong da ka kynhún bah ki lok ki jor jong ngi kiba la peit-khmat sngewtynnat ia ngi na "khlieh ha kjat". Ka surok ka la dei kiew artet, bad hangtai ha shuwa jong ngi la ieng ka shnong Mairang, ki dak kiba paw khmat shynna ha ka la long ka iingmane, ka jingtei ba-ithiang sat bad ba la tei itynnat bha, ka iing u Syiem kaba ieng hajrong lúm joit, bad ka jaka shong jaka sah jong u Rangbah Jura, u ebanjelis. Ka kynhún baiasynrán ia ngi ka la ia iehnoh ia ngi tang shu poi hapoh shnong, bad ngi la ialeit beit noh sha iing Dak Bangla, ka jaka sah jong ngi ha kata ka miet, ba la synrán da u Rangbah Jura bad u Syiem, bad hangne ngi la lap ia ka ding barhem ha dpei ding, bad bún kiwei-kiwei de ki jingpynsuk pynsain ia ngi. Ngil la iasdang trei ban pynkhreh la ka bám miet jong ngi, da kaba iabuh beit ka miej, bad kumta ter-ter, ha kaba leh kumta la iarap ia ngi da u Rangbah Jura oad da u Syiem ka Khatsawphra, ki bam shym la lah leh palat than ia ngi. Hadien kaba peit biang-pa-biang sa aiu-aiu ngi dang donkam ki la ia iehnoh ia ngi ban pynlut lut ia ka janmiet ha kaba sngewtynnat.

SNGI BALANG, *Nai Nohprah* 31.—Kane ka la long ka sngi khatduh jong ka snem bad kawei ia kaba ngan nym lah klet da kaba jem. Ngil la iamih la dang step ngir

da kaba shu laid kjat ban leit sha Nongrmai, ka jaka sangeh mishon bakynsai jong ka Khatsawphra, ha kaba u Sahep John Thomas u la dei sah ha ki jingsah ba khyndiat por jong u ha ki Ri Lúm. Ka la long kaba tang kumba hynriew mail ei-ei, bad ka la long kaba da sngewmuja shisha-shisha eh ha kata ka step tlang ba-idon-burom bad ki lok synrán ba kum u Rangbah Jura bad u Kpa ka Hén ha krung ha krung jong ngi. Ngí la ía íohi ía ka shnong Nongrmai hapoh ar kynfa, bad la íashem ía ngi da u "Rangbah shnong" bad ka kynhún ki Khristan kiba imat kumba ki da sngewbha eh ban íohi ía la u mishoneri jong ki, u Sahep Thomas, biang sa shisien. Ka komiti shisyndon ka la laid beit sha ka íingmane kaba hapdeng ka jingtei, kaba ki kynroh ngi lap ki long antad hynriew phut ka kynjang. Khlem artatien ka la long kaba heh than na ka bynta ka balang (la kumno-kumno ha ka jinglong kaba mynta), hynrei ngam banse khlem peit íaroh ía ka jingngait bad jingangnud jong kane ka kynhún Khristan barit ha kaba tei ía ka íing u Blei kaba heh katta-katta bad kaba iphuh iphieng kat kaba ki lah ei. Ka jinglut baroh ha kaba tei ía ka kan long kumba £100 lane £110 (£1=kumba 15T); £80 la lah lum lypa, bad kan paw pynlehnohei ban pynlut tam shuh-shuh ha kaba pynkhyllem ía ki kynroh khnang ban pynrit ía ka jingheh ka íingmane. La kumno-kumno, ía ki jingkhein antad ía baroh ki jinglut la shim, bad yn sa riport ha kawei pat ka Presbiteri ka babud. Nangta ngi la íaleit jngoh ía ka íingmane rim, i jingtei, ba i-duk eh bad ba da ka dieng ba i kum ban kyllon; nangta ngi la íaleit jngoh ía katto-katne na ki Khristan ba pawkhmat, kiba la pdiang sngewbha ía ngi da kaba pynsngew syaid mynsiem, bad ngi la íaíaid lyngba ki kamra ba la íeh kynjah jong ka íing Mishon, ía kaba la tei kumjuh hi halor uwei u lúm. Ka kynhún paidbah ka la wan ban kren khublei leit noh ía ngi, bad shibún la don ka jinglehdiaw leh babe ba la pynpaw ba ki la dei íohi khatduh khatwai ía ka khmas u mishoneri jong ki, u Sahep Thomas. Ki la íakren khroh ía ngi ban don da uwei pat ban btin lynti bad hikai ía ki.

Hato uwei na ngi, ki da kdew sha u Sahep Lewis bad sha nga u ban sngew synei ia ki, bad ban iasah bad ki ; bad ngi sngewkwah ngin lah ban leh kumta, haduh katta ka jur ka jingkwah bad jingsngewdonkam jong kine ki Khristan bapli ia ka kti ban iarap lem, iano-iano ban kren kyrpad ia ka ban ialam lynti ia ki ha kiba bún ki jingsngew shaiong bad jingtynjuh ki jong ki. A1 ba ia ka jingkwah jong ki yn ai shen-shen noh ! Ngi la dorkam ban phet kyrkieh biang sha Mairang, namar ka jingshongkurim syiem kan long hangto ha kata hi ka janmiet ha ka iingmane Methodist bad Calvin jong ki Khasi. Katba ngi la nang iashongkulai kylla dien biang (sha Mairang) halor ki kulai u Syiem, ngi la iaiaid lait bún ka pyrton kaba la riam ha ki rong ki rup baphyrnai eh bad kiba thaba da ki paila ki kpieng ki ksah, bad don napdeng jong ki kiba dei na ka iingsyiem, ha ka lynti jong ki ban iapoi ha ka jingpyndep niam pyndep rukom jong ka jingshongkurim kupai. Ngi la iapoi ha ka jaka ba ngi thmu ha ka por shiteng sngi ; hynrei shuwa ka jingshongkurim ka la jia long ka jingiaseng kaba sngewkhia mynsiem hapoh iingmane—kata ka la long ka Jingkhawai u Trai. Ka la long kaba sngewdiaw shibún ba kaba kum kata ka jingiaseng ka dei ban lam kumta-kumta hi ha shuwa ka jingpyniathoh kurim, hynrei namar ka jingdon jong u mishoneri ba la pynbit ia kata ka kam ka long kaba donkam eh la ha kano-kano na kita, bad namar ba u mishoneri u lah ban pynlut por tang shisngi ha Mairang, ym lah shuh ia ka ban kiar. Hangne la don ka sabut kaba shai ia ka jingdonkam bakyrkieh ia ka ban thung noh da ki ebanjelis trai-ri. Ia ka sakrament ym shym la ioh ai ha Mairang da ki bún-bún bnai ; u Rangbah Jura, u ebanjelis badonbor, uba dei shimti ia ka balang, um shym la lah pyndep kam. Ka baje ka la tied, bad ngi la iarung shapoh iingmane, ka jingtei rit ba-itynnat, kaba khuid bha phir-phir, bad ka don ka sharak iingmane kaba itynnat ka jingai sngewbha jong u Syiem ka Khatsawphra, ka da sdien nalar sad. La don arphew khyndai ngut ki riewdkhot nalar jong ngi, bad ka jingia-

seng ka la long baroh shilynter ka basngewkhia shibún eh. Ka jingsngewkhia jong kata ka jingjia ka paw shai ha ki jingpeit khmat ha ka rukom basngewshongdur jong kito kiba iadon. Nangta la wan ka jingpyllait por shiphang, hadien jong kata, tang shu ai dak, la ki baje kyntiew kurim la pynriew, bad ka pyrton kynhún iingsyiem ka la wan mih na iingsyiem, bad ka la lapynlang bad ka jong ngi ha ka khyrdop iingmane. Ha kane ka jingtuid hin shi hin jong kiba shah khot bám jong ka jingkhawai shongkurim la iaid ka nongleitkurim basuk bad u nongleitkurim. Ka kynthei ka la long ka Shinrai, ka pyrta u Syiem Kinesing, ka samla kynthei Khasi ba khathynriew snem ka rta, ba la riam bha ha ki khor ki khriam ha ka rukom riam Khasi, da ki kjat bad pungkijat lymbiang, khlem juti khlem muja. U nongleitkurim u la long u Rohin Roy, u samla babhabriew kumba arphewsan ka rta, ha kata ka por u nonghikai uba lai ha ka Skul Normal ba ha Sohra. Ka iingmane shen-shen ka la shlei da ki nongfakhmihkai bakwah lohi; ka Syiem bad u Rohin Roy ki iashong ha ki shuki ba ha khmat jong ka "kyrdon jingkiew" ba ha iingmane, bad u Doktor Griffiths bad u Sahep John Thomas ki la lapyniaid ia ka jingiaseng. Ia ka sati la bsuh, bad ia ka jinglakyntiew kurim la pyndep rukom khlem kano kano ka jingwit jingwa, bad nangta ngi la ialeit sha iingsyiem ban iashim bynta ha ka bám khawai shongkurim. Hadien ka jingshongkurim bakhraw burom ka long rukom ha Ri Khasi ban pynbiang ka khawai dawai bapahuh-hai na ka bynta kiba shah khot bám; ia ki sniang la pyniap bad la pynlong kiwei-kiwei de ki jingpynkhreh ban pynpuh pynphieng la kata ka jingjia. Ha kane ka kynti, la kumno-kumno, u Syiem Kinesing um shym la leh ia kane, bad u la khawai dawai la ki nongshah khot-bám jong u da ka sha, u ruti bad makhon. Te ym don ba mut-dur ba ia kaba kum kane ka jingleh khyllah yn khein ba ka bam pynhún pynsngewtynnat satia. Hynrei kam long kumta. Ia ka jingdih sha la dang shu wallam thymmai ha ki Ri Lúm, bad la khein ia kata ba ka long ka jingaibám aidih
8

kaba kordor tam Ka iingsyiem ka long ka jingtei maw ka-ba don lai ne saw ki kamra, ba la pynbiang tiar pynbiang tar pynriam pynbeit ha ka rukom iing Phareng. Sha kawei na kine la ngi la pynrung, bad la pynsngewbha la ngi katto katne por da u Syiem hi. U Myntri Rangbah ruh u la ap lang, u briew uba la tymmen, ym i kum u myntri rangbah, uba la shu shong sngap bad peit shain ha ngi baroh shilynter. Ia ka sha la sám sha ka kynhún bám ha ki boll tama, ryngkat bad u ruti ka makhon, bad ki la lamuja shibún eh. Bún na ki kiba la lohmad la ka jingdih kaba nyngkong eh ha kata ka janmiet, da ka jinglehphylla bad sngewbha. Ynda la iakynjut-kti bad ka Syiem bad ia u tnga jong ka, kiba la pynpaw ka khmat kaba i-sngewsuk paka bha, ngi la ialeit phai sha ka ling Dak Bangla. Kane ka la long ka janmiet khatduh jong ka Snem thymmai : bad kiba kham bún shuh, la kumno-kumno ngan dang lah im ia ka ban iohi, te yn nym lah don ka ban sah jingkyngmaw palat ban ia kane kawei ba ngi la iapynlut ha Mairang bad ki lok Khasi jong ngi. Ka jingtied iing ha ka jynghang, bad kluk la rung ki nongwan shongkai jong ngi, u Syiem, uba i-khaiñ bad ba i-khia mynsiem, u Rangbah Jura, u Kpa ka Hen, u tymmen basan bad u ebanjelis basngewieit u Mohon Roy, u Inspektor Pulit, bad u para jong u, u 'Sun Roy, u Inspektor ki skul, baroh ar ngut na Shillong, bad bún kiwei-kiwei de. Hadien kaba iabám jingbám ngi la iashong tawiar riang sawdong kawei ka ding kaba heh da ki dienglyngngong, ngi da iashong halor ki miej, halor jynghiah, la hangno-hangno kat haba ioh jaka ban shong, namar ym dap shuki. Nyngkong nyngshab eh, ngi la iapynbyrngia ia lade hi da ki katto katne ki jingkyntip ia kiba la pynkylla sha ka ktien Khasi. Ki Khasi ki lasngew muja bha ha kine, bad la don bún ki jingkyntip kiba ki lok jong ngi ki buh ha khmat jong ngi, don napdeng kita kiba sngewthamula bad kiba stad. Nangta u lok Lewis u la ai ia ka kynhún katto katne na ki jingsngewkynmaw ieit jong ka jingiaid lynti jong u ba ha Palestain; la kylli ki jingkylli, bad u la jubab lut phar ia ki baroh. Hadien kane, la wan ki jingiatuhkhana shaphang

katto katne na ki nongtathuhkhana Welsh bakhraw jong ngi bad ki jingtathuh, katto katne shaphang ki Ribaibal, ha kiba ki lok jong ngi ki da don ka jingkwah-tip ba kham pher shuh-shuh, namar ki tip ia ki nongkren pulpit badonbor jong ngi, kiba la iaid lait bad kiba dang sah mynta, kumjuh hi, lada ym palat, ban ia ka pateng ba dang khie dang san ba ha Ri Wales. Ka Ri Khasi, ruh, la ka dang lud, kumba ka long ha ka kynthun Khristan, ka don hi la ki nuksa ia ki jingpynipaw ba sha palat ia ka Jingpyniaid pyn'eng naneng, bad ki lok jong ngi kim long kiba suki ban iathuh ia ngi ia kita,—kumno ba ki khla ki rynsied napoh khlaw, bad ki iada ia u tymmen Khristan babha haba u shah kynrup da ki riewdakaid riewkhlaw ba ha ka lynti jong u na ka Presbiteri, bad bun kiwei-kiwei de ki jingtathuhkhana basngewphylla. Ka snem mynta ka la nang jan sha ka por ban kut noh ; la pule shibynta na ka Jingthoh Bakhuid, nangta ngi iadem khohsiew baroh, bad u Rangbah Jura u la dwai sngew-tynnat eh, u da aiti ia ngi baroh sha ka jingsumar na Bneng bad u da kyrpad ka jingiada bad ka jingialam ha ka Snem Thymmai kaba lajan sdang. Kiwei-kiwei pat ki la iapynbud. Ka la long mynta shiteng synnia ; ka ding ka la nang meh rit ; ka pyrthei shabar ka sngap kynjah bad jarjar, bad u thah lieh u la shat phyrnai ha ka jingshai bnai bakhuid bha kdiar-kdiar ; bad kumta ba la pynsawa ym da kano-kano ka jingriew baje basngewbha lane da ka jingiaid surok ba iajam iakieh, hynrei da ki jingsawa jong ka jingdwai ba sngewshongkhia, ka snem thymmai ka la sdang ia la ka lynti iaid jong ka ; bad katba nga la nang feng ha jyngkhang, da kaba kren khublei ha kaba iakhlad mynmiet bad ki lok iashongkai jong ngi ki ban sa leit noh, nga la sngew ba kito ki khyllipmat bapynwai jong ka snem rim bad jingpne jong ka snem thymmai kan fai sah junom ba la ot bad pruid dak ha ka jingsah jingkynmaw jong nga.

SNGI PALFI, *Nai Kyllalyngkot* 1, 1885 :—Ka step ka la wan, bad ngi la sdang ban leit phai kylla biang sha

Mawphlang. U Syiem bad kiba bún ki lok ki jor ki la lawan synrán la ngi jngai katto katne, bad la pynkit la ngi da ki jingai sngewbha kiba da ki sohñiamtra katba ngi la nang khublei iakhlad bad ki. Kumba dei de ia ka ban long, u Syiem Khristan jong ka Khatsawphra, uba la pyni shibún ka jinglehsbun la ngi, u la pynsngewtynnat la ngi ym kai shuh, bad ka jingsngewtynnat jong ngi ka la kylla sha ka jingsngew ai jingiaroh ba naduh ka dohnud haba ngi la íatip ía ka jingíathuh ba dei shaphang ka jingim jong u, ía kaba la dei ban tip bha ha Ri Wales—kumno, na kaba long u riewpyrthei bahok bad batip-blei tip-briew, u la kylla long u Khristan baphalang bad ba íai-neh beit ; kumno ba ka hima jong u ka la íeng íaleh pyrshah ía u na ka bynta ka niam jong u, bad kumno u la shah ía ka jingkhíh íaleh pyrshah ban nang san nang heh bad ban kylla radbah da kaba um shym la khang lynti biang por kat kaba donkam ía ka ban leh bad ban pynshitom ía ki riewpynkhíh paidbah, u da ngeit ba kam long mynsiem Khristan ban pynhiar kput ha la ki nongshún la-jong, bad u da sngewshaniah skhem ba u Blei un pynphai biang ía u sha ka bor, lada kata ka long ka Mon jong U ; kumno ba la pynhiarkhet ía u, bad la mudui da kaba sngew-lehraíñ eh ha khmat u Ship Komishnor ka Assam ía ka jingbamsynshar hok, la pyllait na ka jingmudui bad la jied syiem biang ía u da kaba jop risa ; kumno ba u la mab ía u nongíalehpyrshah bakynsai jong u ha ki surok ka sor Shillong, kumta ba ka pynlah sa shisien pat ía u nongíaleh pyrshah ban pynkhíh jingkulmar biang ; bad khatduh khatwai, kumno ba mynta u synshar ía u khún u hajar uba sngewhun, u da íoh ot ía ka nong ne kheit ía u soh ka jingleh don-akor bapynpyrto briew. U Syiem Kinesing u long uwei na ki khnong ki rijied jong ka Balang Mairang ; u paw khmat ha ki jingshim bynta jong u ha ki jingíaseng, bad da ka nuksa jong u u leh bún-bún ka ban rah ía ka jinglong Khristan ha khmat jong ki khún ki hajar jong u. Ngí la íapoi ha Mawphlang ynda lajan poi por prem-miet, bad shén-shén la pynkynmaw ía ngi ba ka la dei ka por ía ka ban íeit “Jingíaseng, Balang” da ka

jingsawa jam jong ka baje. Ba la lam lynti da u Doktor
 lein bad ka lynten, ngi la lapnykyrkieh ban leit sha ka
 kamra skul, kam long ka kamra kaba da heh eh, ba la p...
 shai byrngut byrngut da ki mompati, bad lang bad ka ding
 ba klang ha kawei ka dong jong ka kaba pashat syrngiew
 jngai-jngai sharud shakiar. La don ka jinglawan jinglaseng
 kaba itynnat bha, ki khynnah ki da lashong ha khmat. U
 Doktor u la pule bad dwai, nangta ki khynnah ki la taspel
 dkhot bad kiba kham san pat la ki bynta lyngkhot-lyngkhot
 jong ki jinglathuhkhana jong ka Sngi u Blei ba la lah—ka
 “Jinglaseng Balang” kumba ha la ka ri sa shisien pat. U
 Kpa ka Hen, u ebanjelis, nangta u la ieng ban kren
 shaphang ka jingwan jngoh jong ngi la ki, bad u la ong
 bun kiei-kiei ba kan bha ia ngi ban kynmaw. Ha
 kaba kut jong kane ka jinglaseng basngew iing bad ba
 shida beit la pynithuh ia ngi sha kito baroh kiba ladon
 katba ki la nang iamih shabar na jyngkhang, u Doktor u
 da ai jingtip ia ki jinglongpher ba ha la ka jong ka jong,
 jong ki katba ki la nang laid lait. Ki jingkyrmen shadien
 shaphang kane ka balang rit ba ha Mawphlang ki long
 kiba ai jingkyrmen kyrpang. Ka la nang roi phylla eh ha
 kine khyndiat por, bad ka la ianoh ha ka rukom kaba loh
 jingiaroh ia ka ban tei ia ka iingmane thymmai, ia kaba la
 sngew donkam da kaba pyndiaw mynsiem eh. Bad uba
 kum une u briew uba shimti ia ka kam kum u Doktor
 Griffiths, ba la tarap da u ebanjelis, u Kpa ka Hen, nga
 tharai lah ban kren lypa ba ka Mawphlang shen-shen kan
 sa long ka pdeng bah bakhlain bor na ka bynta ban
 pynkylla Khristan ia ka ri kaba ker tawiar.

SGI THOHDIEING, *Kyllalyngkot 2*.—Ngi la
 pynlut ia ka sngi ha Mawphlang. Nyngkong nyingshab
 eh, ngi la laleit khmih ia ka Aspata kaba hapoh ka jine-
 sumar u Dr. Griffiths. Kane ka la long ka jingtei ka
 baheh bashimala, bad ka baranda batar, kaba khuid bha
 phir-phir shapoh bad shabar; ia ki kamra la pynbeit
 itynnat bha, kiba heh bha bad kiba jrong ka kyniang; ki
 dur ki dar bad ki jingthoh dkhot ba na ka Babil la pyn-
 dien ha ki kynroh, bad ia ka jingpynsngewsuk ia ki nong-

thiah pang la da taleh ban pynbiang biang pa biang. Ngi
la lakhmih bniab ia ka kamra-puid bad la ka synduk
jingbuh tiar tar ba pynsngew ngiew bad la ka miei-puid,
bad u Doktor u iathuh ia ngi ba ki Khasi ki long ki nong-
thiah pang kiba shlur mynsiem, bad ki la shah ia ka jing-
pang khlem khñium khlem úd. Ka kamra kylli pyrthew
 barieh ka la long ka Kamra nt ba-ikyntiak, bad markhap
 ia ka la don ka kamra-ap jong ki nongpang ba na shabar,
 ka kamra heh kaba pynggad bha bad ki jaka shong kiba
 pynsngewsuk mynsiem. Hangto, bad kumba shíteng
 dorjon ki nongpang kiba dang ap ia ka ban eksamin, la
 shong u ebanjelis, u Kpa ka Hen, uba la dang iakren
 shitrhem mynsiem bad ki. U long uwei na ki briew ba
don ka longbriew manbriew ba itynnat tam ha ki Lúm,
bad u don ka dur khmat baroh kaba pruid-dak da ki
jingwiat samrkhie, u briew, uba don ka shab jong ka
jingngait jong u ha ka dur ka khmat jong u, bad u im ruh
katta. U long u kti kamon jong u Doktor Griffiths ha
 kata ka distrik, bad u leh shibún bah ka kam babha ha ka
 kamra-ap jong ka Aspata ha kaba ngi la iohi la u ha kata
 ka step. Ha ka por lyiur, ha ka por slap, don haduh
laiphew ne sawpew ki nongpang ha ka kamra-ap man
ka step, ki da ia ap ia ka ban shah eksamin; bad la sha
u Khasi ka por kam da don dor eh shibún, pynban ka
long ka jingpyntngen kaba khraw ban don man-man la
ka ban iakren lakhana. U ebanjelis u iadei bha ia kane
 ka kam, namar u long u riewsaidtuma Khasi basngew-
 tynnat, u don khlem kut trai shuh ka jingkyshew jong ki
 jingiathuhkai khutia mutia, ba u lah, ha ka shikyntien, ban
 iakren sngewtynnat ha kano-kano ka sobjek bad slem
 katno katno. Shibún bah na ki nongpang ki dei ban long
ki riewpyrthei, bad ryngkat bad kine u Kpa ka Hen ha
kaba nyngkong, u iakren lakhana shaphang kiei-kiei kiba
shait jia man ka sngi; nangta, haba u la ioh bat la ka
jingsngew shaniah bad la ka jingpynleit jingmut jong ki,
un lam ia ki jingmut jingpyrkhat jong ki sha ka niam bad
sha ki jingmih bakhraw jong ka jingim. U Dr. Griffiths u
 la kren pynthikna ha ngi ba ka kam bakhraw la leh ha

kane ka rukom, la ka paw jem, bad ba búp, lada jia ba kylli la ki mynno ki la lohi nyngkong eh la ka Jingshai, kin jubab, "Ha ka kamra-ap bad u Kpa ka Hen." Hadien-hadien ngi la lohpdang shibún ka jingwankai na ki Khristan ba na Mawphlang bad na ka shnong rit bamarjan. La don uwei u nonghikai basngewtynnát jong ka skul mishon, na ka shnong rit ba ha Mawreng, uba la wallam la ka rejistor skul ban pyni ha ngi. Ka kyrteng jòng u ka la long u Khrav, bad ngan lai kynmaw, barobor la u na ka bynta ka jingstet jubab ba muk-mak bad ba sngewthiang jong u ba u pynlong ha ka jingkylli ka jòng ngi. Ba u iathuh la ngi ba u la don ar ngut ki khún shynrang kiba kyrteng u Wellington bad u Washington, ngi la iakylli la u kaei kaba la pynlong la u ban ai la ki kiba kum kita ki kyrteng. Shisyndon u la jubab, "Namar nga kwah la ki ban long ki shipai babha jong u Jisu Khrist." Ha ka por noh-phai-sngi la íalam la ngi lyngba ka shnong rit jong ka Mawphlang da uwei u nonghikai, u Wan, uba la um lah kren Phareng shibún, u la pyrsang katba kot ka bor ban pynsngewbha la ngi, bad u la pynpaw u lok uba sngewtynnát. Ka rukom da kaba u la pyrsang ban ai jingbatai la la ka jingieit jong u la ngi ka la long kaba ktah mynsiem. "Ka jingdon jòng phi," u la ong, "kum ka jingphohsniew basngewtynnát la nga"; nangta pat, "Nga kyrtmen-yn ri pynim la phi na ki jing-khie-dew jong ka duriaw bah Atlantik baiar bad ki jing-atphyllung jong ka Mediterranean ba khie erlong bad ba yn pynpoi shen khlem lei-lei biang pat sha la ka ri ha kaba la kha la phi." Kane ka la long ka jingong kaba khlem artatien ka la pynlut por katto katne kynta la u lok samla jong ngi la ka ban khreh; hynrei ka la shu pyni la ka jingrhem mynsiem ka jong u. Ka tew ka la dang long hapoh shnong, bad sha kane ka jaka ngi la íalaíd shiphang hapdeng u paid íadie íathied ba íabún ktien, kiba la íadie íathied ha man la ka jait jingthied jingdie. La don ruh ym jngai nangta ka jingiasiat thong. Ha kine ki jingiasiat thong kawei ka shnong ka íamadbor bad kawei ka shnong, ba kumta ka mynsiem kynhún íaleh ka kiew bha ha ka.

jinglashongshit ; shuh-shuh ki iadon de khah-khah bad ka iadit iabam bad ka iahalla bulla, bad bunsien eh ka kut ha ka iashoh iadat, bad na ka bynta kine ki daw, ia ki Khristan ym shah ban iashim bynta ne ban iadon ha kine ki jingialeh. U paid bashongshit u iatawiar sawdung ki nongsiat, bad haba leit dei ha ka sohpdung kito kiba na ka iiang u nongsiat khnam uba jop ki ju iakynjih ki kjat, bad shad ha ka rukom ba-ithamula, ki da kyrdem ki kjat ha ka khyndew, ki da iarwai phawar la kumba iajlew ka jingrwai risa jop. Ka jingsawa basngewngiew jong ki ka lai sawa haduh ban da miet thlip. La pynbeit ba u Rangbah Jura, "u John Jones, ka Talsarn jong ka Ri Khasi," un ialap ha Mawphlang ha kala ka janmiet, bad ka la dum ngain haba u la wan poi da ka kjat na Mairang, ka jingjngai kaba khatsan mail. Ia ka baje iingmane la tied, bad shata ngi la iapynbeit la ka lynti jong ngi ban leit sngap ia u ebanjeli badonbor. Ka iingmane kaba mynta ka long tang ka iing rim ba la weng noh baroh ia ki jinker bapynkhlad kamra ; la shu tbeh pynshai bangut banget da ki khyndiat ki mombati, bad ka la kham sngew daithah. Ia ki jaka shong baroh shen-shen la pyndap, bad katto katne na ki riwpyrthei ki la iawan jngoh ban sngap ia u nongkren Khasi bapnah ktien: U Rangbah Jura u la rung, u la leit kiew ban leit shong ha la ka jaka jong u kaba hajan kawer ka miej rit, ba la klum bha slait da ka janikup jong u, bad u la sdang ia ka jingiaseng. Ka jingsawa jong u ka long kaba kynyid sngewtynnat bad shai bha kdiar, ka jingnang ban pyndonkam ia ka ktien ka long sha bapynlyngngoh, bad u long uba la bam bha kaba pyndonkam ia ki jingong ktien Khasi bad la ki ktien Kynnoh ba shoh sngewtynnat ha ki shkor. Ka dkhaj jong u ka la long "Naba ka lvingkor jong nga ka long kaba jem, bad ka jingkit jong nga kaba sting." Ka jingiatuhkhana jong u kaba pynkhih mynsiem ka kham thew eh sha ki riwpyrthei, kiba ia i-khih mynsiem jur, ka paw : u la pyn ia ki da ka jingseima ba shai bad ba dung ha doh kumno ba ki la long kiba shah ban don ka lyngkor ka pop ha ki jingim pyrthei jong ki bad ha ka jinglong mynsiem, u da ring ia.

ki nuksa jong u na ki jingjia jong ki kiba jia man ka sngi. Ha ka pyrtnei mihngi kiba ki shait iohi khah-khah eh ki long ki shi hár ki masi dab ba ki lúr shitom ba la pynkit khia ia ki nadien, bad ia ki nongkit jingkit kiba dem shitom hapoh ka jingban ka jingkit jong ki. "Khmiha kitai ki masi-dab ba shah jynjar," la pyrtia u nonglathuhkhana, "bad ia ki ryndang ba la mong bad ba la mih snám jong ki hapoh ka lyngkor ba i-runar bad iohi *ia lade hi*." Da kaba wallam ia kane ka mat ban kham ngam shuh shuh, u la pyrtia, "Balei te ba na kawei ka sngi sha kawei pat ka sngi phi donkam ban khiih dai shi dai hapoh ki jingkit jong phi, kiba pynjngem snám ia ki ingdong jong phi bad kiba ot pynpáw dak ia ki khlieh ki jong phi da u star uba pár lyngba jong ki, bad búnsien búnsien eh ba da thait lwait bad thap duh mynsiem harúd lynti ? Phim iohi ba dei u Soitan uba dang tyndung ia phi da ka kti ba khlem jingisnei ; dei ma u uba la shim ia ka tyngka paisa jong phi ha kaba dii bad ai jingknia na ka bynta kiba la iap, bad phi long ki mraw jong u." Kane ka la long ka jingai lyngkot ia ka jingkiew badonbor kaba la pynkut ia ka bynta banyngkong jong ka jinglathuhkhana jong u. Nangta pat u la iaid pat bad ka lyngkor bakynja mynsiem jong ka pop, ka jingdum ba i-shyrkhei jong ka mynsiem, ki raibi ba i-triem had ki jingngeit bieij ba teh mráw kiba long ka jingteh lyngkor jong u Soitan U la pyni dur ha ki ktien ba pynipáw bha khrek ia ka jinglong ba diaw mynsiem bad ba khlem jingkyrmen jong ka mynsiem hapoh ka jingsynshar jong ka pop, bad u la sangeh ; nangta kynsan kynsan, da ka jingbthei jong ka jingkren badonbor, u la thér halor hangta ia ka jingai jingshai badonburom jong ka Gospel da kaba sei dkhoh, kito ki ktien basngewthiang jong u Khrist, u da tyrwa ia ka lyngkor bajem jong u bad ia ka jingkit basting sha kito baroh kiba shim ia ka. U Dr. Griffiths u la pasiaw stet ia ka jingpynkylla ia ki ktien katba ka la nanglaid sha ngi, hynrei ngi ha ka jingshisha, ngi la sngew da shi-sha ka kabu ia ka ban leit iohsngew da la ki shkor ia u

syiem jong ki nonglathuhkhana Khasi, bad ngan da
 sngewkwah ban iohi ia u ba u leng ban pynbna ia ka
 Gospel ha kawei na ki iingmane heh jong ngi ha ri Wales.
 Ka jingsah jong ngi ha Mawphlang ka lajan kut, naba
 ngi la dei mih ban leit sha Sobra la dang step ha kawei
 pat ka step.



LYNNONG XXIII

KA SOHRA BAD KA SHELLA.

SNGI SAITJAIN, *Kyllalyngkot* 3.—Kito kiba la la-búd lem bad ngi baroh shikatta ha ki jinglaid jong ngi ha ki Ri Lúm kim donkam ba yn lathuh ia ki ba ia ki jing-pynkhreh pynkhrum baheh la donkam ban pynkhreh na ka bynta ka jingleit lynti jong ngi na Mawphlang sha Sohra, ka jingjingai kaba kumba san la arphew mail, bad khamtam eh haba ka kynhún jong ngi ka kynthup ia u Dr. Griffiths, ka mem Griffiths bad ka ling ka sem jong u, ia u Sahep bad ka Mem Thomas, kiba dei leit ha ka lynti jong ki sha Calcutta. U Dr. Griffiths u la long u nongpynlaid ia ki kam ki dam, bad um shym la shem khyndiat shuh ka jingshitom ha kaba pynloh laipheh ngut nongkit ia kiba la donkam ban kit ki jingkit ki jingbah, ki jaiñ thiah jaiñ dem bad ki jingbám jingdih na ka bynta kaba katta ngut ki nongleit lynti. Donkam ka jingpyn-thikna kaba kham phér ba dei ban leh khnang ban pyn-thikna ia ka jingwan pynpaw khmat jong ki ha ka ban famih ha ka jingleit lynti jong ngi. U Doktor u la fakut ktien bad ki katto katne sngi lypa sha khmat, bad u la pynloh na uwei pa uwei na ki ia la u star (da uba ia ka jingkit la pynskhem ha ka ingdong jong ki), ia kiba u la buhrieh ha ka ling Mishon. Katba u dang bat ia kine, kine ki nongkit kin nym lah phet—kan long ka jingpyn-kheñ burom ia ki lada ki leh kumta—kumta haba la pynmih ia ki star da u Doktor, ki nongkit khlem lait uwei ruh na ki ki la iawan tur sha khmat ban kam la u jong u jong. Katba ngi la nang sdang ia ka ban famih noh, la iohsngew ia ka jingkynúd jingrwai ; mánō rē mánō ba la sdang ia ka jingrwai iakhlad ba da ka Khasi, bad ka jingkynúd jingrwai ha nangkiew nangkiew ha ka jingsawa jam katba la nangkem jingrwai lut da baroh. Ym don ba lah khlem da sngewktah mynsiem jur ha kaba kum kata ka jinglohi ; bad ryngkat bad ki jinglaisawa jong kang ka jingrwai iakhlad ha ki shkor jong ngi, ka ling Mishon, ka

~~shnong Mawphlang~~ bad ki lok ki jor bashisha bad ba
 ai jingsyaid mynsiem la ngi hangto ki laid lait noh na ka
 jingtohi jong ngi. Ka la long ka step ba-itynnat,
 bad ngim pat shym la laid jngai ba ka jingiohi ka
 la kem la ka jingmut jingpyrkhat jong ngi la kaba
 ngin lai kynmaw kyndiang barobor. Ka jingsawa
 thnum khñi-lám, ba kum ka rukom tim-kñia u pong-
 kñia ka wan sawa ha ki shkor jong ngi ; ngi la
 nang laid khyndiat sha khmat, bad ngi la iohi, ba jalang
 lymbung ha kawei ka iing, ka kynhún 'ki trāi-ri hapdeng
 ka jinglakñia lakhriam bad ka jingialympat pylleng, bad
 ki jingsawa ki la mih na ka shyntur uwei u tymmen
 briew uba la shong kynrong hapdeng jong kata ka lym-
 bung briew. ~~Kaba phylla ban ong,~~ ka jingleit jong ngi
 shāta sha jan kam shym pynwit ne pynsangeh la kata ka
 jingtehulam tehrukóm, bad ngi la Taleng tawiar ban khmih
 la ka, u ~~Dr. Griffiths~~ u da ~~batar~~ ta ki jingleh ha kaba
 khñi kynriah shane:hatai bún rukom. Ym ju la don
 mynno mynno mynshuwa, la ngi la ta:tyngkhuh búnsien
 bad kaba kum kane ka kynhún, ba la shah la ngi ban
 khmih la ki ba ki kñia, ki da sangeh noh ha kata ka
 khyllipmat ba ki iohi la nei, bad ki da ym treh shuh ban
 nang laid shaphrang. Hangto la shong dem khohsiew u
 nongkñia, u tymmen briew uba la i-jakhlia sat jatmat,
 bad ka dur khmat ba ran syrti bad ba i-saitmet ban peit,
 u da ~~ksah~~ bat ha kawei ka kti la ka syiar lúd bapli ba
 kynthab bad ha kawei pat ka kti la ka 'tari ba la shut
 phyrnai ; ha khmat jong u la don ka boll snám ba la
 milai lang bad ki pylleng pat, ka jingtohi kaba i-kynsha,
 bad tawtar sawdong jong u la ieng ki nongiajngoh ba
 lapynleit jingmut, kiba sngap jar bad ba i-lekhia myn-
 siem. Ka jingtim-kñia, basngewjew mynsiem bad ba
 pynmut ngiew, ka la nang laid shaphrang, bad ka la long
 ka jingdwal ha kata ka rukom ba ki ksuid kin pynkhie
 bieij la kito baroh kat kiba u jakynduh, kumta ba un ioh
 pynthylli la ka tyngka jong ka khlem ka jingtip jong ki.
 Ka jingdwal atu de kum kata ! Hateng hateng ka jing-
 kynúd khñi-lám kán phai sha ka jingiléw leh khie-bieij,
 cumba u bitar shla bad ki ksuid bad ka byrngem byrsit,

ka kynshî ka kynphuit. U sangeh, bad nangta un dem
 khup ha khyndew ha ka jinglehpang mynsiem jong ka
 jingsgewkhuslai sat ; nangla da kaba ksoh bat skhem la
 ka syiar, u pynngam jrup la ka khlieh jong ka hapoh ka
 boll snâm, bad u syhfeit la ka bûnsien bûnsien ; ryngkat
 bad ka jingdwai patung pateng u pynpâr la ka tari lyngba
 ka ryndang ka jingthaw ba ang la-lap hob-hob, bad suki
 suki u patar la ka lyngkhot lyngkhot. Ban lei ban-da
 iathuh bniab ? Ki dak kim long kiba bha ; u tymmen
 jynjâr ba la shah pynbieij um lap la baroh ba u takynduh
 kiba bierj ; da kaba thnum bitar aiu re aiu, u pashat sha-
 rûd la ka syiar ba la ot tukra ; ki nonglapeit ki lapeit
 sngewsih iwei la iwei pat, bad ki takynriah poh, bad kum-
 juft ruh ma ngi, kiba i-thait bad i-saitmet bad kaei ba ngi
 la teit iohi. Baroh sawdong ka la long kaba shai phyrnai,
 kata ka step ba-itynnat : ka sngi bân-idonburom nalor ki
 khlieh, ki dieng, ka lyér bad ki lyoh bapér—baroh ka
 mariang—imat kumba ka iamane ia u Nongthaw Ba-
 khraw ; hynrei hangne la don kine ki brierw, ki jingthaw
 ba hajrong tam jong U Blei, kiba iadem thiah ia lade ha
 ka jingdum tliw-tliw jong ki mynsiem jong ki ha ka jing-
 dwai pynpang mynsiem ha khamat ki ksuid ba shu mut-
 dur ; ka jingthaw la jong jong ki jingiatiplem ba kit-pap
 jong ki. Ym ju la don mynno mynno mynshuwa ba ka
 kam jong ka Mishon kan pâw kham donburom ban la ha
 kata ka step katba nga la nang ichnoh shadien ia kata ka
 jingiohi ba sngewsih bad lada lah ba yn pyni ba leh ha la
 ka ri jong ngi hi ba la ioh katu ia ka niam, nga sngew
 thikna ba ngin nang kham sngew shirhem shuh shuh
 bad rhem jingmut ha kaba kyrshân ia ka kam ka Mishon
 ha Ri Khasi. Ka lynti jong ngi ka la dei laid lyngba ka
 thain kaba la pynpeit lyngngoh ; lyngba ka jingiabteng
 ter ter jong ki krem ki kroh ba thliw bha jhak ba la tap
 rben da ki khlâw, ka laid lyngba ki riat ki ram bajrong
 baleng rashéng bad najrong ki wahbah ba mareh stet.
 Ka jingsawa kynûd jingrwai ka wan hér baroh shi lynter
 kata ka them ; bad, sa-teng khyndiat por, ka kynshôn jong
 ki khynnah skul, ba la pynlaid da u nonghikâi jong ki, la
 lap ba ki iaieng harûd surok. Kine ki la long na ka

shnong Máwbeh, jneai halor ki lúm bah. Ngi la iakynjut-kti bad ki baroh, bad la iakren sngewnguh ia ki ba ki iawan jngai katta katta ban iakynduh ia ngi. Ki lok ba iasynrán jong nga slem slem ki la long ki ar ngut ki ebanjelis, kiba ia ka jinglakren iakhana bad ki nga la da sngewmuja than. Shen shen ngi la ia kylla long ki lok bakhrav eh, bad ka jinglakren iakhana ba ka phai sha ka subjek jong ka jinglalap, nga la kylli ia ki kaba kum kano ka rukom kren ba ki pyndonkam, ha kaba ki shait lalap, bad bún kiwei kiwei de ki jingkylli, bad khatduh khatwai nga la shem ba ki la don la ki kot iathuhkhana jong ki ha ki pla jong ki. Khlem pynslem tang shikhylipmat ruh ki la pynkhamti ia ki ha nga ia ka ban pule. Ia ki tnat bad mat jingkren la da thoh shai itynnat bha eh da ka sia, bad don ki bynta ba la thoh kawei pa kawei ka ktien. Kawei ka jingiatuhkhana, ia kaba u Kormuni Sing (u khún jong u Borsing) u pyni ha nga, ha "ka tnga u Lot" ka don ka jingtbit shikatdei. Nga la kylli ia ki slem katno ka por ba ki ju lalap, bad ki la jubab, kumba imat ki sngewlehraiñ ia lade hi ba kin pyrsang ban leh kham bha hadien habúd, "O, kumba shikynta shiteng." Ki Khasi, kum ki nongsngap ha ki jingiaseng, kim pat poi ha kata ka púd ha kaba iai khmih baje bad ju phai luk-liak sha ki baje heh tang shu la palat ka jingkren ia ka jingbuhpúd pyrkhing kaba lai pawa kynta. Markhongpong ia kata, katba nga lah ban lum jingmut na ki nongiathuhkhana samla ba ha krung jong nga, ba ki kheiñ ia ka jingbang jong ka jingiatuhkhana shibún eh da ka jingjrang jong ka. Ngi la ialeit kumba shiteng lynti ha kaba la iashem ia ngi da ki lai tylli ki kulai, ba la phah na Sohra da u Saheb Griffiths Hughes; ar tylli na kita ki dei ki jong u Syiem Sohra, u briew uba la knieh ia ka khet Syiem u Borsing, bad u nongshún iap nongshún im ia ka Niam Khristan. U Saheb Hughes, la kumno kumno, u iakren bha iakren miat bad u, bad haba la pán kylliang kulai ban iarap ia ki katto katne ki lok samla jong u ba ha ka lynti na Mawphlang, u (kata, u Syiem) u la ban ba un phah ar tylli ki kulai Arab ba-itynnat, u da bñh ia ki ha ka jingsngewbit jong. ngi ha

kano kano ka por ba ngi sngewdonkam biang ia ki. Ngì la iakiew ban shong, bad ngi la iaoh ka jingiashongkulai basngewtynnat ia kaba sah jong ka lynti jong ngi, bad shibún bah ki lok ki jor, naba ki kynhún Khristan Sohra ki lashem ia ngi hajan man la ka khongdong bad khong-wiang lynti bad ki jingwiat samrkhie ba pdiang sngewbha. Katto katne mail na ka jaka ba ngi thew ia ka ban poi, uwei u mot rim ba da u maw u la feng halor iwei i lúm kyntoit, bad sawdong ia une la don u paidbah bakhraw jong ki briew, kiba, haba ngi la poi ha kaba ki iohi, ki la ias dang ban kaweh kti bad ban risa jam bha, nangta ki la pynsawa ka jingrwai pdiang sngewbha kaba la neh haduh ba ngin da poi haduh ha ki. La don u Saheb Hughes hagdeng jong ki, ba la riam ha ka sut sarot bakhawrew bad u da phong ka tupia kyrdeb, u da rwai bad risa jam na baroh phar, bad ryngkat bad u la don ki khún rit jong u. Kaba iakynjut-kti bad ki "Khublei shibún" ka la neh katto katne minit, nangta ngi la ias dang biang la ka jingiaid jong ngi sha shnong Sohra hagdeng jong u paid lymbung bakhraw, kiba la ia id mareh baroh shilynter, ki da iakren kai biria bad ka iarkhie, ki ar ngut "ki nongwei" ki da long shai ka daw baluilui jong kane baroh. Ha krung jong ngi la ia id u Rangbah Khnong, u nonghikai ba ar ha ka skul Sohra, u ebanjelis samla ba la toh jinghikai bha bad ba khlaiñ bor, uwei na ki khlúr ba dang sdang mih jong ki Ri Lúm, bad u Rangbah Amir, u riewshongskul ba sianti eh bad u ebanjelis ba ai jinglaroh. Nangta, kine ki samla ki kren Phareng beit bha bad kumba túid ka um, bad ka shai ba ki la pule shikatdei, bad ka la long kaba sngewbha shisha ban iaiaid ryngkat bad ki bad ban iakren bad ki. U Saheb Hughes u la kiew ha uwei na ki kulai, bad u la pynkodom noh ban leit iathuh ia ka Mem Hughes ba ngi la nang lawan. Ka Sohra ka don ka jaka tei ba pyn-sngewrngai shibún eh. Ngì la dang iaiaid lynti baroh shilynter ka lynti riat bakhim bajrong joit; shen shen kumne kumne ha baroh ar liang jong ngi la ang ki jing-ang riat-bah bajylliew, bad jngai jngai sha jngai bak-ly-

bak la piar ki them ki kroh ba i-khlaw ban khmih. Ka
 jingktah jur jong kane ka jingiohi ia ka riat ka ram ba
 i-phieng ka la nang kham pynjur shuh shuh da ka jingi-
 ngut-ngut ha baroh sawdong—ki lúm rit ki páw kham
 heh ha ka jingdum, bad ki jingpdang ba ang ryntheng
 bad ki krem ki kroh batong synña ki kham páw i-ngiew
 shuh ha ka jingshai ngut-ngut bam i-thikna. Ha tmier
 jong kane ka riat la ieng ka shnong Sohra, ba pawnám
 kum kaba nyngkong eh na ki jaka Shong Mishon jong ngi
 bad ka *Bula* jong ki Ri Lúm Khasi. Shen shen shuwa ba
 ngin poi ha shnong, ngi la ia iohsngew ia ki jingsawa jong
 ka jingtem jingput basngewkynsha, ki jingput sharati, ka
 jingtied ki ksing, ka jingsiat suloi, ki la iamilai lang bad
 ki jingléw ba shongshit kaba la kiew shajrong jong ba-
 roh ka jingkhynwin ba pynsngewkwah tip. Katba ngi la
 nang iajan ki jingawa, da shisha, ki la nang kham shai
 kham shai; bad, ba la iasngewshohbieij, ngi la iakylli ia
 la ki lok samla jong ngi ki dei kiei. “O” ki la ong, “u
 Syiem u dang shna ka jyngtep ia ka kmie jong u, bad u
 dang pyntrei ia la ki khún ki hajar jong u na ka bynta
 jong u” Hynrei shaphang u Syiem bad la ki khún ki
 hajar jong u shadien biang. Ngí la iafaid na ki rúd ka
 shnong Sohra, bad khatduh khatwai ngi iapoi ha Nong-
 sawlia, lane ka kyntoit ha kaba baroh ki Khristan ki
 shong iing shong sem, bad ha kaba don ka ling Mishon,
 ka iingmane bad ki skul. Ngí la iakyrda ban kiew artet
 u lúm rit, nangta lyngba ki dieng katto katne, bad ha
 khmat jong ngi la shat phyrnai khriak ki sharak jong ka
 ling Mishon. Hangne ha ka jynghang la iadon u Sahep
 bad ka Mem Hughes, kiba la iamareh mih shabár ban
 pdiang ia ngi, bad ki la iañiat ia ngi sha ki shuki pynjem
 met ba ha khmat ka ding kaba klang. Kawei pa kawei
 ka pynidak ia ka jingpdiang sngewbha, bad kiba sngew-
 bha, bad kiba sngewsuk eh ngi la sngew hapdeng kiba
 kum kita ki lok, kiba ki jingialeh iap ban khot lingbasa
 jong ki ki lajan pynsaw kyrang ia ngi da ka jingsngewleh-
 raifi briew. U Sahep Hughes u la long u nongkhot lingbasa
 ba radbah, bad ka janmiet ka la shu iaid lait stet than eh.

SNGI U BLEI, *Kyllalyngkot* 4.—Ka Sngi u Blei ka shat jingshai step ha Nongsawlia hynrei ym ha Sohra. Hangto ka tied-ksing, ka put sharati, bad ka jinglynñiar kyang ki la nang laid naduh dang step ngaid. Ka jingdwai jingiaseng step ka la long, kumba ju long, ha ka por hynñiew baje. Ka iingmane ka la long kaba heh bha (kaba ar ha ka jingheh ha ki Ri Lúm), kaba ngiam san-spah ngut briew ; ka la don ka jingpynipaw jong ka jingpynsngewsuk baroh sawdong jong ka, bad ka pulpit bad ka jaka shong ki tymmen basan ki la long thik ha ka rukom Welsh riewhyndai ; ka la long, nalar kata, kaba la khuid sat, bad ka sharak iingmane ba-itynnat, ba la pynsdien na sad, ka jingai sngewbha jong u Rangbah Borsing. Ngi la lap katto katne ha kane ka jingiaseng dwai step. La don kawei kaei kaei kaba long phér kyrpang ha ki jingiaseng ba ha Nongsawlia, bad kata ka la long ki jingsawa bajam jong ka jinglong riewpyrthai shabár. Hapdeng kaba iärwai, kaba iädwai, bad kaba ialap ki jinglynñiar kyang ba la dih buaid bad ki jingsawa jong ki sharati bad ki ksing jong u lyngbung paid ha ka kpep thang briew ki la bthai jam ha ngi katha ngi dang don hapoh iingmane, bad ki la ngam jylliew ban pynshai ia ka jinglong bashisha ba eh-rang jong ka jingialeh ba dang iai ialeh pyrshah ia ki bor ka jingdum. Hooïd, ka jingiohi ba i-donburom, kata ka jingialang jingiaseng jong ki Khasi, ba la pyllait im na ka jingkhúm jingteh mráw ba-ishyrkhei jong ka pop bad na ka jingngeit bieij ba iaid kyrthom palat tam, kiba iamane bad ngi ha kata ka step Sngi shongthait bajaijai ; hynrei ha ka shikhyllipmat ar khyllipmat kawei pat ka liang badum jong ka jingiohi ka wan shai ha khmat jong ngi ba ngim dei ban shong hun mynsiem bad kaei ba la leh, naba dang don hajár-hajár ha ka Ri Khasi kiba long ki mráw sha ka jingkwah brai bad jingkwah jakhlia jong man la ka jait jinglong ; don da ki spah ha Sohra, kiba bajan eh ngong, naba sngap ha kita ki jingiléw ba kum ban khie-bieij ki jong ki, ba, la pynlamwir kumta da ka dih, ki pynkhreh la ka jaka shongthait iakut iawai na ka bynta ka kmie u

Syiem. Ngam ju la don mynno-mynno hapoh ka iingmane mynshuwa ha kaba kum kine ki jingjia, bad, lada uno-uno un sngew khiih mynsiem ha kano-kano ka por, uta un sngew ka jingsngew shitrhem mynsiem ia ka kam mishon hangto. Mynno-mynno ruh ém mynshuwa ngam ju la tip ia ka jinglong riewpyrthei ha ka dur ba kham iatur pyrshah, kum kaba ka bthei shapoh ka iingmane ha ki sur rwai ba sngew khar-khar, bad kaba la pynwit pynkulmar ia ka jingkynúd jingrwai jong ka jingmane Blei — ba la pynwit pynkulmar, O, ém ym tang katta hynrei kaba la nang pynlang shuh-shuh ia ka jingsngewshit mynsiem ha kata, kaba kum kata ba ngam pat ju la ioh mad mynshuwa. Katno kaba shisha ka jingdwai ban pán jingiarap na Uba hajrong ban mih shabár bad ban pynphriang ia ki khubor babha ka páw mynta ; katno kaba sngewshitrhem ki ktien jong u nongiathuhkhana, katno kaba sngew ai mynsiem la long ki jingrwai basngewtynnat, katno kaba ai jingtngen long ka kular ka Baibl bad u Blei ba Un lai don ryngkat barobor bad la ki brierw ki jong U : ba ha ka bor ka jong U yn risa jop khatduh khatwai halor uwei pa uwei u nongshún bad ban teh kynjri ia u Syiem ka Dujok ! Haduh katta ka *Jingsngewshisha* ka long ka jingiaseng, ba uno-uno u sngew kum ban mareh shabar, haba ka la dep, shapdeng jong kito ki riewjynjar bapli ba la shah pynbieij ban iathuh ha ki shaphang ka pop jong ki bad ka jingbieij. Ka Skul pynpaw ka la sdang ha ka por shiphew baje, bad man la ka jaka shong ka la dap mam. Ngi la iaiaid lyngba ki klas baroh, ngi da kylli jingkylli, bad la ioh ki jubab kiba pynhun mynsiem shibún eh. Ki khynnah rit ki la pyni ia ka jingtip kaba bniah shaphang ka histori ka Baibl, bad ki nongpule batbit kiba kham san ngi shem ki long kiba la báw bha ha ka thiioloji shaphang ki Shithi u Paul Bakhuid. Ka rukom da kaba katto katne na ki dkhot la batai ha ngi ka la long kaba shai sha ba lyngngoh bad kaba dap biang pura, ka da pyni ba ki riewpule ki la long “ba la suh-thied bad ba la pynshong nongrim ha ka jingngeit” bad ba ym lah da kumno-kumno ba yu pynphai ia ki na ka jingkyrmen jong ka

Gospel. Ka jingiaseng sngi ka la long ha ka por shibaje, bad u paid wan jingiaseng uba la itynnai. Haden jong ka jingiaseng lam khmat, la pynbaptis ia i khunlung, ka jinglehniam kaba pynsngewtynnat eh; nangta u Doktor Griffiths u la iathuh ka jingiatuhkhana kaba sngew shirhem, bad ha kaba kut la ai jingkhawai u Trai sha ki babun, la iadon lang hangta ka kynhun Khristan na ki nongrit ba shajan-shajan de. Bad kaba katno ka bor ki la dei ban ring bor na kane kaba sngew-shongkhia tam na ki jingiaseng, ha kaba iadon ka jingiasyllok bad u Trai bad u Kynrad jong ki—ka bor na ka bynta ka jingiaid jong ki ba ha la ka sngi ha ka ri ki riewpyrthei! Ki da shisha ki donkam ia ka jingkieng atiar baroh jong u Blei, ban phong ha ka jingda shadem jong ka hok bad ka stieh jong ka jingneit; ban don ka tupia jong ka jingpynim ba lai shat phyrnai ha ki shyllangmat jong ki, bad ka waitlam jong u Mynsiem ba ka thaba ha ki kti jong ki. Ka jingiaseng janmiet ka la sdang ha ka por saw baje, kumta ba kito kiba la wan na ki jaka kiba jngai kin ioh leit iing ha ka por kaba biang. U Sahep John Thomas u la dei ban iathuhkhana, hynrei u la pan map ia lade na ka daw ba um shym pat pynkhreh ban iathuhkhana ha ka ktien Khasi. Ia ka jingiaseng, namarkata, la pynkylla sha ka jingiaseng rwai, ia kaba baroh ki iamuja shikatdei eh. U Sahep Thomas u la long u nongpyniaid, bad ngi la laieng ha krung jong u ban iarap ia u katba ialah synei. Ki Khasi ki nang ia ka sur basngewtynnat “Moab,” hynrei barobor ki shait bakla ha kawei ka jaka; ngi la iakdew ia kane ha ki, bad shen-shen ki la pynbeit ia ka jingbakla. Ngil la iarwai sa rwai, kawei ka jingrwai hadien kawei pat, haduh ba ym imat shuh. Ka kynhun leit jingiaseng imat kumba ka la lasngewbha eh bad ka jingiaseng, bad, la iathuh ia nga, kin jin da la mon ban sah kumta baroh shimiet hapoh iingmane, lada ngi la kwah ia ki kumta. Ngil la iarwai ha ka iing Mishon haduh ynda la miet thlip.

LAH SNGI U BLEI, *Kyllalyngkot* 5.—Ngi la iakhie dang step ngir ha ka step ka babud, bad la lamih kai

shabár bad u Sahep Hughes ban faleit khmih katto katne ia ka Sohra. Ka la ju long ka jaka sah jong ka Sorkar Assam, bad kumta ba ka lah ban sngew kob sarong ia la ki jingtei badei paidbah ba-ishongkhia, bad shibún ki jaka shong jaka sah ba i-khia jong ki riewsorkar baheh bahaiñ. Ia kine, ha ka jingshisha la iehnoh tingjah mynba pynkynriah ia ka Sohra sha Shillong, bad kine ki jingtei mynta ki la nang twa nang jot, khlem tnúm, bad don na ki kiba long tang ki kynton lyngruh lynggram ba la jot. Ngi la íalaíd laít na syndah u mot baheh, u máw-sáwdong ba nep shluin, ba la pynfeng ban buh jingkyn-máv ia u Daniel Scott, u nongjop ba nyngkong eh jong ki Lúm Ri Khasi bad Jaintia ; ruh ia ka jyngtep jong u Sahep Daniel Jones, uwei na ki mishoneri jong ngi, uba la thiah-íap na ka lyíur India ba u la leít mih shabár, bún bún bnai, ka jingíohi kaba isynei khop. Haba ngi la íapoi ha ka ling Mishon, ki lyngbung lyoh barben ki la dang kiew artet na ki them bah ba harum jong ngi, bad shen-shen ia ngi la tap khlup ha u lyoh khyndew uba la neh baroh shisngi. (Ia ka shnong Sohra la tei phér kyrpang ha uwei na ki kti lúm ba íabteng ter-ter jong u Lúmbah Mangkushang, bad ka sngewmuja ha kata ka nám basngew-sarong ba ka don u lapbah bajur tam laít noh kawer ha ka pyrthei). Ngi la íapynlut ia ka step ha ka rukom kaba sngewtynnat eh, ngi da faleit khmih ia ka skul, naduh ki klas ba ha khlieh duh haduh kiba rit tam. U Sahep Hughes u shimti ia ka klas kaba nyngkong, kaba ha ka por ba ngi íadon ha Nongsawlia ka don hynriew ngut ki nongshongskul, man ka step naduh hynriew haduh khyndai baje. Ngi lap ia ki ba ki íashong halor baranda, bad ka kynton ki kot bad katto katne ki sleit ha khmat jong ki. Ki rta jong ki kin long naduh khathynñiew haduh arphew snem, bad uwei pa uwei u don ka khmat peit ba i-nep bha. Ngi la íasdang bad ka histori, badei shaphang ka ri India bad England, ngi da kylli jingkylli ia ki na ki kot pule jong ki, bad ki la íajubab bha. Shu pyrkhát kai ia u samla Khasi ba un ai ía phi ía ki jingim patung pateng jong u William Pitt bad ka jinghiarthma u

Clive. La búd sa ka Euclid, bad ki la pyni ia lade hi kiba pynhun mynsiem ha ki lai tylli ki kitab banyngkong eh sha khmat. Hadien katto katne sa ia ka jingkheĩ ba la kham sha khmat, ngi la ai khein ia ki ki jingkheĩ ha ka Aljebra bad kawei ar ki jingkheĩ ikweshon, ia kita baroh ki la kheĩ khúid itynnát bad dei thik. Ki pyni ba ki la bámbha ia ki kot pule jong ki, bad ki phalang ka jingai burom ka bakhráw ha kiba pynnang ia ki. Da kaba iehnoh ia kane ka klas, ngi la íaleit kylli tohkit ia ki skul kynthei, ba la hikai da ki kynthei Khasi hi, bad hangne ngi la sdang na trai, ngi da ia ai ki dikteshon kiba jem ia ki khynnah rit, ia kaba búnb na ki ki la íathoh khlem bakla ; ka jingthoh-dak ka la long khlem lait iwei ruh, kaba la bha sat. Nangta ki la íapule beit thik ia ka poitri Phareng, bad khnang ban tynjuh ia ka jingtip jong ki ia ka Phareng, ngi la íakylli ia ki ban ai ka jingiathuh lyngkot jong kawei pa kawei ka dkhot ha ka ktien Khasi, u Sahep Hughes u da long u nongbishar. Ki la íaleh kumta, bad ka jingkylla jong ki sha ka Khasi la ong ba kaba beit, kaba la pyni ba ka jingtip jong ki ia ka Phareng kam kut noh tang ha kaba shu nang ban pule ia ka. Ha ki klas kiba kham haneng ngi la ai ki jingkylli kiba khia ha ka Grammar Phareng, ha kaba ngi la shem ba ki lok Khasi ba dang rit jong ngi, ha kaba shu kren noh ha kat kaba ngi leh kumta, ki la kham íaid shaphrang wat ban ia la ki nong-eksamin jong ki hi. Nangta la íaleit khmih sa ia ki skul pdeng bad ba kham harum jong ki khynnah shynrang. Ia ki ba shongskul la hikai lang ha kawei ka kamra heh, ia kaba la pynshlei phok. U nonghikai rangbah u la long u Bengali, bad la don u Rangbah Khnong, u nonghikai ba ar, bad u Rangbah Amir, u nonghikai basaw. Ngi la íasdang bad ki barit duh ha kiba la don ki khynnah shynrang kiba kumba shiphew snem ka rta, kiba la pyni ia lade hi kiba la pyntbit bha ha ki lai tylli ki R (ka pule, ka thoh bad ka kheĩ), bad baroh ki la íapule bha eh hi keĩ. Da kaba íaleit sha kiba kham shaneng, ngi la kylli ia ki klas ha ka históri (ba dei ia ka ri India) bad katto katne de ki

kot pule ba ha ka jingkoit jingkhiah bad ha ka rukom tei ling tei sem, ka tnat jingtip ba donkam eh ia ki Khasi la ka ban pule minot. Ngi la sngewbha shibún eh bad ka rukom da kaba ka skul ka la jubat, bad la kut ka jingeksamin, ngi la donkam ban ai ia ki bashongskul ka "Jingkren kynphám" (Gair O Gvnghor), ba kata ka liang jong ka jinglaiaid shaphrang ngam shym da sngew tynnat mynsiem eh satia. Katba ngi la nang iamih, ka skul ka la lateng, bad ka la ai ia ngi lai sien ki jingiarisa kmen sngewbha. Ka jinglakren shaphang ka jingpynngang pynstad ha Ri Khasi ka long kaba iar than eh ia ka ban kren hangne, hynrei nga sngew thikna ba kito kiba la loh pule ia kane ka jingthoh pharuh phareh shaphang ka skul Normal Nongsawlia bad ia ki nongshongskul jong ka kim banse ban sngewhun mynsiem bad ki rukom laid janai da kaba la dang pynlaiaid mynta ia ka kam. Ha ka por noh-phaisngi ngi la taleit mih noh bad u Sahep Hughes bad u Doktor Griffiths ban leit khmih ia ka jaka thang Syiem, ha kaba la wan mih kito baroh ki jinglaiajam iakieh kiba la pynsawa ha ki shkor jong ngi naduh ba ngi la nang jan ia ka shnong Sohra. Ia ka jaka puta baheh bah jong ka khyndew ka shyiap, kaba kynthup ruh ia ka ranab lúm, la buh kyntang kum ka jaka buh syiem ia ka iingsyiem Sohra, had hangto da ki bún pateng la thep shyieng. Ka kpep Khasi ka long tang ka kynton kynroh máw basawdong ba i-sada, kumba arphew phut sawdong la saw phut ka kynjang, bad ka la long ha kawei na kine ba u Syiem, kum u nongsynshar donbor, u la dang pynbor ia la ki khún ki hajár jong u ban tei na ka bynta ka met jong ka kmie ba dang shu lap shen jong u. Man u ralot u donkam ban trei ei katto katne sngi, ba la pyndap, pynbiang, la kumno-kumno, da ka shisien bám bad khyndiat khynsoit ka bathikna jong ka kiad ha la ka sngi. Kane hadien, la kumno-kumno, ka biang kat ban pynlong ia ka kynhún nongbylla baroh kawei ban buaid jabhor, bad ka lad kaba bit ban pynkylla bam-tip-briew ha ka jinghiar kyrdan briew ka jong ki. Ia ki maw la pynloh na ki pár máw ba hangta harúd, bad la pynkit sha ka kpep, uwei-uwei, ha ka kynja syrdeng thala thalein.

Baroh ki nongtrei ki lashim bynta ha kaba pynkynriah ia uwei pa uwei u maw, ki da iaring patan lang ia u da u tyllai bakhlain, ba la pynbud bad ka jingput tangmuri ba pah jam ngiang bad ka jingtied ksing, katba baroh sawdong jong ki la ryngkang ryngkoh u paid buaid kiad, uba iajlew bad kaweh lamwir ia ki lama ba la ai-rong itynnat jong ki. Ka jingriew ka tup bapynkyllut shkor ka pynbna ba u maw u la sdang la ka lynti jong u na far-maw, bad shata de tur riap-riap u paidbhur riwpyrthei, u da kad ia ka lyer suiñ da ka jingkyang lynñiar ki jong ki bad ba la shop ia ki shata kumta da ki jingsawa jingput jingtem ba la iamilai lang bad ki jingsawa patied kylla jong ki tup ki man; ki lama ki kaweh, ki shah-pynbor ki rynsied ki kynjih ithawnang eh, katba, ba la pynbud da u lyoh pui-pui barben, ia u maw la ring padai sha la ka jaka ba thmu ia u; sa kawei pat ka jingkyrhuh bajam jong ki tup, bad ia u la buh halor ka kpep. Don ka jingsngap kynjah, bad baroh ki iaphai suki jai ban leit tan sa ia uwei u maw, bad ban iaid lyngba kaba kum kajuh ka jingleh. Ki Khristan, kiba long ki raiot jong u Syiem, ki shah khot ban trei ha kine ki bynta; hynrei la shah ia ki ban phah nongmihpli, ia kaba kim pynlehnohei. Katba ngi la nang iakhmih shain ha kane ka jingfohi ba i-sngewsih, u Syiem hi, u rangbah briew ba-itynnat khmat ba la riam bha jweit, ba la pyndeng kpieng phar rynjaiñ bad ba deng ki shohshkor ki bahch, u la wan kiew artet sha ngi, bad kwah ba yn pyniathuh ia u sha ngi. Ngil la iakren sngewnguh ia u na ka bynta ka jingai kylliang kulai jong u, ha kaba u la iai ban ba ngin dang pyndonkam ia ki ha ka sngi ka babud ha ka lynti leit ka jong ngi sha Shella. U la kren shaphang la u hynmen u para jong u u Rangbah Borsing (baroh ki shibakha kiba shipara ar-kmie lai kmie na ka liang kynthai la khein hi kum shipara ha Ri Khasi), u la kren iam-briew ia ki jingshem pap jong uba shipara bad u, bad u la pynthikna ia ngi ba un iabynta ia baroh ki jingmih jingmyntoi jong ka hima bad u—tang ki ktien nga sheptieng. Ngil la iehnoh ia u ban pyniaid ia ki jingtrei jingktah ba ha ka kpep, bad ngi la iailaid kham

pajih khyndiat ha ka lynti kaba lam sha Shillong ban fakynduh ia u paralok ba la laid sakma slem-slem jong ngi, u D (u Sahep H. R. Davies), ia uba la khmih lynti ha kata ka por nohpaisngi ba un poi ha Sohra. Hadien jong ngi la túid ki khynnah skul bad ka kynhún Khristan ban pdiang sngewbha ia u ; hynrei shuwa ba ngin loh por ban pynlaid beit ia ki u la wan jarjar da kaba shongkulai sawdong kawēi ka khongdong da ka jingpynkyndit bakhráw ia ngi, naba ngim pat shym la khmih lynti kloi ia u dang katta por. Ka la long ka jingiashem basngewtynnat hadien ka jingiaxhlad kaba palat ar bnai. Ha kata ka janmiet la long ka jingiaseng ai khublei ia ngi, bad ka la long kaba sngewtynnat kyrpang haba ka long kaba nyingkong ha kaba ngi baroh lai ngut ngi la iawan mih-páw lang. Ngi la larung shapoh tingmane, bad lap ka la tynñian da ki briew ; ban leh burom ia ngi ka tnga u Rangbah Borsing ka la hukum ban pynmeh ia ka sharak tingmane, bad ka la i-thaba bha khrek. Ka jingiaseng lamphrang balyngkot ka tang shu kut, u Rangbah Khnong u la tur sha khmat ban pule na ka liang ka balang ka jingkren kaba la thoh bha palat-palat, bad ka jingkylla sha ka Phareng bad ia kane la pynbúd da katto katne ki jingkren, ki nongkren ki da iakob iwei ia iwei pat ha kaba pdiang sngewbha ia ngi bad ha kaba ainguh ia ngi ba iawan jngoh ia ki Ri Lúm. U Khási ym imat ba un don jingeh tang shisohkhaw ruh ha kaba kren ha ka jingialang ; kaba kren paidbah ka imat ha u kaba jem jajai bad kaba shu mih la ka mih hi hin-hin kumba iakren iakhana para marwei. Hapdeng ki nongkren la don uwei u Khristan Sohra ba la tymmen, uba donnám eh na ka bynta ka jingstád ha kaba pyndonkam ki ktien tymmen, bad namarkata u nongiarap bakordor katta-katta ia kito kiba kylla Khasi ia ki Jingthoh Bakhuid sha ka ktien tynrai jong u hí. U long uba matlah thlip-thlap, bad ka la long kaba ktah mynsiem ban iohi ia une u tymmen babha, ba u ieng shaniah ha la u diengshánduh jong u bad u da peit pyrkhing la ki pyllew khmat ba khlem lah iohi jong u katba u pynphai ia ki sha ngi bad theh ki ktien ka jing-

pdjang sngewbha. Ngi baròh ngi la lakren sngewnguh ia ki katba ngi lah, bad da kaba sngewdiaw mynsiem ngi la lakren khublei ia ki ; nangta ngi la iarwai lang, rwai sa rwai, "Haba ngin sa Iashem ban ym khlád shuh," ba kane ka por lajan kum ban tyllap da ki jingsngewlung mynsiem jong ngi. Bam sngewkwah iakhlád, ngi la ialeng ha ka jingkhlang iingmane, bad la iakynjut-kti lut bad ki baroh katba ki la nang mih shabar. Ia kane bad ia baroh ki jingialang ai khublei ia ngi ha Ri Khasi yn tai kymáw kyndiang barobor. Ban ai jingbatai ia ki jingsngewthiang jong ki la kumno kumno, kam long ha ka bor jong nga. Ka jingkren jong ki Khristan Khasi, kiba shlei katta katta da ki jingsngewsbun mynsiem, bad ba la pynmih ha kata ka rukom ba ktah mynsiem. ki ktien jong ka jingpdjang sngewbha basngewshithem jong ki bad ka jingiapyndei lok ba naduh ka dohnúd jong ki ki la ngam jylliew ha ngi, bad ki la pynthrang ia ngi ban leh katba shong ka bor ha ngi ban ai jingiarap ia ka Mishon hapdeng ki lok ki jor jong ngi ba ha la ka ri.

SNGI HAT MAJAI, *Kyllalyngkot* 6.—Sa shisien pat don ka jingpynwankhmih ba ha khmat ka ling Mishon. Hangta la ieng baroh ki khynnah skul rit bad la ki nonghikai jong ki, ki nongkit ban kit ia ki jingkit jingbah jong ngi, ki kulai u Syiem bad la ki nongbúd nongrap jong ki, ha ka jingshisha, lajan baroh ka Sohra ka la wan mih lut ban wan khmih ia ngi ba ngi iamih noh. Ngi kyntiew ia ki mem ha la ki khoh-kit-briew jong ki, ngi kiew ha la ki kulai jong ngi, bad pynlong ka jingmih hapdeng u paid synrán uba jrong lajan shiteng mail, u Sahep Hughes u da iabúd synrap synrap bad ngi ia katto katne ka jing-jngai. Ka lynti iaid ka long kaba khohruh-khohram, bad ha ki jaka jaka la háp ryngkang ia ki her-her ktieh ; hynrei, bam tip tieng, u paid synrán u la iai iaid ryngkat bad ngi, bad ha kumba shikynta ngi la iapoi ha ka shnong rit jong ka Máwmluh, ba kaba don ka skul mishon ba la pyniaid da uwei u samla banylla ka long-briew manbriew, u Rangbah Rabon Singh, uba la iehnoh ia ka kam baheh tulop bad kyrdan ha ka kam sorkar

khngang ban long u nonghikai Khristan ha ka tulop kaba kham rit shibún—ka nuksa jong ka jinglen lade kaba pynpynnggad mynsiem ha kine ki sngi. Katba ngi la nang íaid lyngba ka shngong, ía uwei u smiang la kñia ha ki ksuid, ka jingíohi ba i-jew mynsiem. Ngí la íasangeh khyndiat minit ha ka kamra skul, bad la pynithuh ía ngi sha u Rangbah Rabon Singh bad ka tnga jong u, kaba íarap ía u ha kaba hikai. U pyníaid ía ka skul ha ki sngi poh-ía bad ía ka jingíaseng pat ha ki Sngi u Blei. Bún na ki khyannah rit ki leit jingíaseng, bad ki pynkohnguh ía ki kmie ki kpa jong ki ban íawan bad ki; ha kane ka rukom shibún ka kam babhá la leh, bad don ka jingai jingkyrmen baroh ba yn lah seng balang ha Máwmluh. Ka shngong rit ka íeng ha tmier jong ka khlieh riat, bad hangne ngi la íakhlád noh. Ngí la dang íaíeng halor iwei i kynton lúm barit, lem bad baroh ki Khristan ba tawiar sawdong jong ngi, kiba la íarwai kawei ka jingrwai kat kum ka rukom jong ki; nangta ngi la íakynjut-kti lut bad ki baroh bad la ía ong ía ki ktien “khublei” khatduh jong ngi. Arsut u lúm ngi la íahiar, ba la pynbúd da ki jingkynúd jingrwai, teng-teng ngi da íaphai war shi war ban jngoh ha ka kynhún balieh ba ha klier lúm, kiba la dang shu íakaweh ka jingkaweh khatduh ía ngi. Sa shi-sien phai ha ka lynti jong ngi, bad ngi jah jar kaba íohi ía ki bad la u Mishoneri ba la mlien bha jong ki. Ngí la íasngewmuja shikatdei kaba íadon lang bad u Sahep Griffiths Hughes, “u kpa-tymmen” jong ki Ri Lúm, uba hadien arphew snem kynthih ka jingíaim lang sah lang bad ki Khasi u la kylla ithuh ía ki la kumba u ithuh ía la ki jong ki para-ri. Ka sngi ba i-donburom, bad ka jing-leit íohi ba i-donburom. Ngí la íapoi ha tduh jong ka jing-íabteng ter-ter jong ki lúm bah; hadien jong ngi la don ka duriaw bakhie-dew jong ki lúm kyntoit, ki them bah, ki jingang, ki jingpdang bad ki máwsiang; ha khmat jong ngi, hynrei hájár phut shapoh, ka pynthor bah ba madan kaba píar jngai jngai katba ka khmat ka lah ía ka ban kot. Na baroh kiei kiei ba nga la leit íohi ha ka liang ka jingitynnat ki lúm ki wah ki at ki them ha ka jingshang leit peit pyrtnei jong nga sawdong ka pyrtnei, ka them Yosemite,

ba ha Amerika, ka la long lehse kaba itynnat tam ; hynrei ka lah ban pynsngewlyngngoh ia shibún ban lohsngew ba kane ka jingtohi ha ki Ri Lúm Khasi ka lajan Iaryngkat ia ka them bapáwnám shityllup pyrthei. Nga buh jingthoh ia kane, ba ki lok ki jor ha la ka ri kin loh tip ba ka jingleit jngoh ia ka Ri Khasi ka kynthup ym tang ia ki jingshem bapynsngewhun mynsiem tam hynrei ia kiba ithiang tam ki jinglehphylla ka mariang. Ngi la lahiar arsut ka jur ba ngam jylliew bad la Iakyrda ka kiew artet ba ha kawei ka liang, ngi da ia pyntngen ia lade hi da ki sohñiamtra, ia kiba ngi la Iakheit da la ki jong ki kti jong ngi hi na ki diengsoh ba harúd lynti. Ia ka tдем la Iohi ba ka kiew katto katne kynjat na ka lynti Iaid jong ngi, bad hangta ngi la Ialap ia ka kynthún traishnong ba ki Iap jarjar kaba thang ia ka met-Iap, ia kaba la thep ha ka krong dieng ba la shu shna malu-mala. Sawdong jong kata la don ki sohñiamtra, ki kait bad kiwei kiwei de ki jait jinghám, ba la buh hangta ban bsa ia ka mynsiem jong ka khynrah kynthei ba la Iap ; sa katto katne kham ha pajih, la shong ka kmie bapli, kaba da Iám sngewsih sok-shi-sok, katba ka la dang khmih shaiñ ha ka khún ba dang shah thang jong ka. Ka shiteng sngi ka la Iaid lait la kham slem ha kaba ngi la Iapoi ha Laitkynsew, i shnong iba rit ba la tei ha kliar jong u lúm beit beit haneng She'la. Hangne u Sahep bad ka Mem Stephens ki wan hér hamar ki bnai lytur, haba ka jinglong ka suiñbneng ha Shella ka kylla long ka bam lah shah ia ki nong-Europe. Don i ling Mishon barit bad ka lingmane, namar don katto katne ki Khristan ha kane ka jaka sangeh jong u lúm-bah. Ka jingpynsangeh la pynlong hangne na ka bynta ka jinghám ja-sngi, bad la pynsngewtynnat ia ngi da uwei na ki badonnám ha ka longbriew manbriew Khasi, u Rangbah Sorjamin. Une u long u tymmen uba la ju long nongkña bapáwnám eh sha ki ksuid ki khrei, hynrei uba la lai long la bún snem u Khristan bashitrhem. U long uba shitrhem eh shaphang kaba Ialap, bad ym don kawei ruh ka Sngi u Blei ka ban Iaid lait noh khlem ka jingleit Ialap ("Cyhoeddiad")

jong u ha kano re kano ka shnong rit, ha kaba da ka jingthér kum ban meh ding, u pynsngap ía ki nongsngap jong u. Kane ka long kaba kham íoh jingiároh shuh shuh ía u, haba íohi ba um lah pule shi kyntien ruh, hynrei u la íoh ka jingshemphang ía ka Baibl da kaba shu pynpule ía u ha ki khep baroh ba u lah ban íoh. Ha ka miet Sngi Saitjain, khmih ía u tymmen ba u dang shong harúd ding bad ía ka Testament halor khohsiew jong u ; hajan jong u íeng u lok, kham búnsien eh lehse u nonghikai ba ha skul mishon, ba u pule ha u ía kaei ba u Barnes lane ía kano kano kawei pat ka kot komentari ba ki don ban ong ha kaba kum kata ka dkhot ; kumta haba ka step Sngi u Blei ka wan, u mih ía ka ban leit sha ka jaka jong ka jingpynsawa khubor jong u, bad katba u nangíaid baroh shilynter ki lynti íaid lúm, u tháw ka jingiathuhkhaná ha kata ka dkhot, ba ía batai ha u ha ka janmiet ba dang shu lah, bad hadien kata u kren ía ka da ka bor bakhráw. Ka long kaba shisha teng-teng u klet nangno u íoh ía ka dkhot, hynrei kata kam da phér eh ía u. Ha ka íing jong une u Khristan tymmen ba khráw mynsiem ngi ía íashong ban íabám ja-sngi ha ka jingsngewtngen ka bakhráw, naba u la pynbiang ka miej ki shuki shibún bah, bad haba ngi ía kren sngewnguh ía u na ka bynta ki jingkhót íingbasa jong u, u la ai sngewbha ía ngi uwei pa uwei da u dieng shánduh ba eh ban kiew thieb ne hiar jur, kum ka jingpynsah jing kymáw ía ka jingleit jngoh jong ngi ía ka Laitkynsew. Ka jingleit hiar arsut ía ka Laitkynsew ka ía long kaba slem bad kaba eh, ka thóíñ ka da lam ía ngi arsut ía ki riat ki ram ba hiar kynsan da ki máw lynti khohruh khohram kiba ía pynlong ía ngi ban da sumar bha kaba buh ka kjat ban jám. Ka jingiákhun kyrshán ki nongkit kiba kit ía ki mem ha ki khoh-kit-briew ka ía long kaba tyngéh, bad ki ía donkam ban pynskhem ía ki kjat jong ki da ki dieng-shánduh bajrong. Khatduh khatwai ngi ía íapoi ha ka jinghiar jur bakhatduh eh jong ngi lyngba ka khláw India ba tap rben ki sla sha ka wahbah kaba tuid narúd Shella. Ka ía kem íongreiñ ha kane ka

por. Shaphrang ngi la nang iakyrdá ban laid, ngi da phrung lynti lyngba ki sañium jong ka jingrben sla ba sañiup, ngi la laiaid lynti ia ki krem ki kroh ba itynnat jong ka mariang, ba la khie lapeh da ki tyrkhang bad ki ñuit-máw, bad najrong ki jingtúid kshaid batúid shaid-shaid. Ba ki bakit ki duh jingkyrmen kaba lah ban lai kit shuh ia la ki jingkit jong ki, kumta ki mem bad ki khún rit ki la háp shah pynhiar noh na ki khoh-kit-briew jong ki. Ka jingkem-long-reiñ ka la pynpoi sha ka jingdum ka miet, kaba la pynlong ia kawei pa kawei ka jingjám kjat ka bam lah thikna, bad na ka jinglong khohruh khohram ka lynti ; jingbtuit in pynpoi sha ki jingjia kiba má. Shaphrang ngi la nang iapár, ngi da iapar bad kti bad kjat arsut ka lynti laid ba khongwiang da ka jingeh ka bakhráw, ngi da iabtín lang ia ki mem bad ia ki khún rit. Teng-teng ka kynhún nongbuaid jong kiba wan-iéw kin laid buaid shen-shen narúd jong ngi, hynreingim man lah ioh jingtbeh ding ei-ei na ki. Ngí la iapynlong noh da ka dorbár thma, ka jingmih nangta ka longba ia u Dr. Griffiths bad ia nga yn nang phah sha shuwa sha ka wah ban ioh jingtbeh ding, katba kiwei pat ki rangbah kin nangtaap sharái ia ki mem. Ka jingshimti-kam jong ngi kam long kaba jem, hynrei hadien shibún kaba iabtuit, syntúid bad tyllun shane shatai ngi la iapoi ha um, bad la iapyrta ban wanrah jingtbeh ding. Ka jingsawa ktien jong u Sahep Stephens ka la wan pynsawa pat bad ka khubor babha ba ki lieng bad ki jingtbeh ding ki la ha lynti, bad ha ka shiteng kynta ka kynhún ba la shong dum ha ka ranab lúm ka la shah pyllait im bad la pynkit khlem lei-lei ha ki lieng lyngba ka wah. Ha ka jyngkhang jong ka Iing Mishon la ieng ka Mem Stephens, kiba la pdiang sngewbha naduh la ka dohnúd ia ki nongiaid lynti ba la thait lwait, bad ki la pynsngew im mynsiem ia ki da ka jait babha lut baroh. Ka Iing Mishon Shella ka la long kaba heh tam ha ki Ri Lúm bad ka nomuna bapaka jong ka iing dak bangla India ; ki kamra ki la long kiba beh bad sawang ka kynjang, ka jinglongphér kaba da donkam eh ha ka jinglong ka suiñbneug ba kum hangto.

Ym don ei-ei kaba lah ban palat ia ka jinglehsbun jong u nongpdiang bad ka nongpdiang iingbasa jong ngi.

SNGI BALANG, *Kyllalyngkot 7.*—Ka jingiohi ia ka Shella mynmiet bad mynsngi ka la long mar iabám ha ka jingithiang. Mynmiet ka long ka shihajár tylli ki jingshai ba shat phyrnai kiba dap bad syrtap ia ka rúd jong u lúm basharing bad ba la shat syrngiew hapoh um jong ka wah kaba tyllun suki jai, katba ryngkat bad ki jingshat sharak ba bá lieb-lieb don ka jingiápah ba khlem kut shuh jong ki jakoid, kiba pah krok-shi-krok baroh baroh shimiet. Ki jingshai step ki la pyni páw ka jingiohi kaba kham iphylla shuh shuh—u lúm uba sharing bha, ba la syrtap lin da ki iing ba la tei ha kaba kum kata ka jingsharing ba uno uno uba dei leit poi hangto u peit lyngngoh kumno ba kim thung khongpong; kawei pa kawei ka iing ka don la ka baranda, kaba iashongkai hangta imat ka long kaba ki Nong-Shella ki pynlut kaba khambún ka por jong ki; baroh sawdong la don ki jingthung jyngtep ba la jyllei, bad arsut harum la túid jaituh ka wah, halor jong kata la pynpér man la ka jait lieng trai ri, ba la pynkit kham bún eh da ki sohñiamtra bad ba la king da ki riewlieng ba khlaiñ ba ksah bha mlan kiba da iapyrta uwei ia uwei pat katba ki nang iaiaid. Ia ka jingiohi la pynthabá da ki rong ba shat thabá jong ki riam Shella katba ki iakhih leit shane shatai ha ka jingshat sngi mynstep. Ha ka jaka jong ka jingpah krok-shi-krok ba khlem kut shuh jong ki jakoid la pynset kyllut ia ngi da ki jingiajam iakieh ba khywinwin kiba la sdang ha ka por shat jingshai sngi bad kaba la neh haduh prem-miet, bad kaba la pynkynmáw ia ngi shaphang kaei ba ngi la iohsngew ha ka jaka thang ha Sohra, naba ym don san minit kaba la iaiaid lait noh khlem ka jingkyrhuh kynúd thum-shi-thum jong ki jingsiat tup, ka jingiakynih sur jong ki sharati ba pynkhywinwin shkor, bad kaba tem kaba tied ia ki ksing ki nakra. La batai ia ngi ba ka pyrtthei riewpyrtthei Shella ka kheiñ ka kam ka bakhráw ba donkam ia ki jinglehniám lehrukom ha ka thang ka tep. Man ba jia jingiap briew, kiba ha iing ha

sem jong u mynlap ki pynbna briew la kata da kaba pynmih la kane ka jinglakhywin ba la iamilai lang ha ki katto katne ngi, bad katba nang kham pynslem katta la nang kheiñ ba la kham pyndonnám pyndonburom shuh shuh la ka mynsiem u mynlap.—Ka jingpyrkhat ba-sngewphylla. Ngi la laieng ha khmat jong ka ling Mishon shuwa ka jingbám step, ngi da lakhmih ha ka Shella balajam ba pynsngewphylla ; ka jinglong ka bneng ka la long kaba shithop ba khleh bad ka jingsngem, bad ka da phér eh na ka lyér pyngngád jong ki Ri Lúm. Ym tang ba ka jaka tei bad ka jinglong ka bneng jong ka Shella ba ki phér na kita kiba ha kiwei pat ki jaka shong Mishon, hynrei ka rukom long briew bad ki jingjia saw-dong kér jong ki briew ha ki bún ki bynta kim long satia kum kito kiba ha ki Khasi paka. U Shella khlem da donkam ong ba u long uba loh ba kot ba em, u da loh ka jingloh ba wan ryntih na ki bri sohñiamtra jong u, bad, ba u im ka rukom im kaba lam jaituh khapnap kumno re, tang khyndiat eh u pyrkhat shaphang kiwei pat. Wat ki Khristan kim lait war na kine ki jingdum jingmut, bad ka long kaba eh ban kyrsiew la ki sha ka jingshitthem mynsiem ha ka kam mishon lane ban pynkohnguh la ki (la ki lah bha ban kyrshán) ban ai kyllúid kum ki dkhot ka balang. Ka kam jong ka mishon ka la sdang lai faleh shitom hapoh ki jingwit jingwa basngewkhia mynsiem, kum ka jinglong ka bneng bashit bam koit bam khiah, kaba pynbor la ka jingleit kynriah jong u Mishoneri sha Laitkynsew hamar ki bnai lytur, bad ki jinglong leh lwait jong ki briew ; hynrei don sa kiwei kiwei de ki jingpynwit, bam dei tói ban don, bad kiba dawa mynta ban pynleit jingmut khia mynsiem. Ka jingdon hi jong u Mishoneri bad ka ling Mishon ha kawei ka liang jong ka wah bad ka kynhún Khristan ha kawei pat ka liang ka long shai ka jingkynrum kynram ha ka jaka sangeh mishon. Shuh shuh, na ka liang ka Shella, ka nang pynlang shuh ka jingsniew ba ka ling Mishon ka kylla long ka bam koit bam khiah. Haba ki Khristan Shella ki pán Mishoneri, la ka jingpán jong ki la ai ha kata ka púd ba ki baroh ki dei ban leit kynriah

sha kawei ka liangjong ka wah sha ka jaka Mishon, ha
 kaba la tei la ka ling Mishon. Ki la lakut ban leh la
 kane, hynrei lait noh tang ar, kito ki jong u Rangbah
 Ksan, u ebanjelis bad uwei pat, la kata ka jingkular ym
 shym la pyndep. U Sahep Stephens namarkata u don-
 kam ban ryngkang ia ka wah (kaba shim ia ka por katto
 katne) man ba u kwah ban leit khot ia ki Khristan, ban
 leit sha ki skul pule, lane ban shim klas. Ha ki Sngi u
 Blei u pynlut ia la ka sngi ha kawei pat ka liang rud
 wah, ym don por ban wanphai sha la ka ling Mishon ha
 ka por shiteng sngi, bad haba ka bneng ka khie érlong ka
 long teng-teng ka bam lah satia ban ryngkang sha shi-
 liang um. Ruh putet, namar ka jaka Mishon ka long
 bam shong briew, ym don jingpyrshang ei-ei ia ka ban
 pynlong ban khang ia ka lawbah ba kan tawiar sawdong
 jong ka, bad ka jingmih nangta ka long ba ka la nang
 wan tap man ka snem, ka da wallam lem bad ka ia ki
 symbai jingpang, kumta ba ka jingim ba ha ka ling
 Mishon ka long ha ka jingshong syier kaba jur. Kum
 ban ban halor kane u Sahep bad ka Mem Stephens kim
 long daleilei ruh kiba shait ba khiah krat ha ka met, bad
 ba u sahep u la shah shitom shibún na ka jingja ba-
 ngewsih jong u ha ka jingiatyngkhuh jong u bad uwei u
 masi kyr tong—da ki bnai um man lah ban ia id ban ieng
 —bad katto katne de kum ka jingai jingmut lah ban ioh
 shaphang ki jingpynwit ba ka kam mishon ka donkam ia
 ka ban ia leh pyrshali. La jar katta ruh, u Sahep Stephens
 u trei shlur shaphrang, u da sah ha Shella ha ka lyiur
 kham slem ban ia kaba u dei ia ka ban leh, bad u da
 trei palat ia la ka bor jong u ha kaba ia i trei ia la ka
 kam babha. Ka Shella ka long ka jaka synshár paidbah,
 ba la synshár da ki saw ngut ki nongsynshár, ba la khot
 Wadár, ia kiba la jied da u paidbah ha ki por ba la
 labuh pateng pateng, bad ha kine ki jingiajied paidbah,
 la pyndonkam shibún ka jingpynbám tyngka. Kane ka
 long ka pop balaikyrtom ia ka Shella, bad wat ki
 Khristan ki shem ka jingeh ban iada laitluid war ia lade
 na kane. Kumba la kren kynthoh mynshuwa, ia kane
 ka jinglakren la pynmih sha khmat da kaba beh balang

la uwei u dkhót jong ka balang Shella ba u tsúhsat ha kano re kano ka rukom ha ka mukotduma íabám tyngka, bad kane ka la long ka jinglakren ban íatainia ha ka jinglalang para trai-ri jong ka Presbiteri Shangpung. Haba dang íaieng ha khmat jong ka ling Mishon bad u Sahep Stephens, ar ngut na ki nongsynshár ki la wan jagoh ía ngi (ha ka jingshisha ki riewpyrthei); ngi kumta kumta hi ngi la íawanrah ki shuki na ka bynta ki nongwan shong kai bapíwnám jong ngi, bad ngi la íalaid shaphrang ban íathuh ía ki katno ngi la íasngewbha bad ka jinglong ba-itynnat jong ka shnong baheh jong ki. Uwei na kita u la long u Wadár Sho, u brierw uba khlaif bad lyngkot rynñieng, bad ka khmat ba íhha mynsiem ba la pynñeng kynthrun bad ka jaiñspong baheh, bad u da rah u dieng barben ba la pyndait da u pyllun rupa kum ka dak jong ka iktiar. U la wan, u ong, ban íathuh ía ngi katno ba u sngewsih ba um lah pynpaw ía ka jingsngewbha jong u ha kaba íohi ía ngi ha Shella da kaba khot bám sngewbha ía ngi ha ka jingkhawai dawai, hynrei ka jinglyngkot ka por jong ka jingsah jong ngi ka la khanglád ía u na kaba pynlong ki jingpynkhreh kat kaba donkam. Ngi hadien kata ngi la shem ba uta u nongsynshár tymmen ba íasngewtynnat u la lah phah ía ngi ka jingai sngewbha ba da ki syiar bún tylli, ka makhon bad ki pylleng. Ngi la íakren sngewnguh ía u naduh la ka dohnúd na ka bynta ka jingleh mon sngewbha bad ki jingpyrkhat pynbiang bám pynbiang dih jong u. Nangta u la ai jingmut ía ngi ba ngin íaleit lem bad u arsut ka wah ha kata ka step ban leit khmih katto katne na ki bri sohñiamtra jong u, bad u Sahep Stephens ynda u la pdiang ía ka jingkhót sngewbha jong u na ka bynta jong ngi kita ki rangbah nongsynshár jong ka hima synshár paidbah ki la íaleit noh. Hadien jong ka jingbám step ka kynhún baroh kawei ka ía íamih ban leit noh sharúd ka wah. Bad ngi la íadon lem u Rangbah Ksan bad u Rangbah Timothy, ki ar ngut ki ebanjelis jong ka distrik Shella. U Rangbah Ksan u long u rangbah uba la sáwphew snem ka rta, uba la íoh jingnang jingtip bha eh, u Khristan bashitrhem mynsiem bad u uongtrei ba-

khlaifñ 'bor ; u Rangbah Timothy u long uba dang kham duna ka rta, ba la páwnám na ka bynta ka jingriewblei jong u bad ka longbriew manbriew Khristan ba khlem jingthoh bria. Baroh ar ngut ki la long ki Phareng paka bad ki lok synrán baíasngewtynnát ka ktien ka thylliej. Ha wah ngi la íalap ía u lok tymmen jong ngi, u nongsynshár, ha ka jingbat kynti ía ar tylli ki lieng. Ngi la íajám shapoh bad la íapynsyntúid arsut ka wah, ki rúdwah ki da íaid íaifñ bha riang da ki bri sohñiamtra. Ha kaba khatduh ngi la íahiar lieng, bad, ba la lam lynti da u Wadár, ngi la íaíaid lynti lyngba ka khláw kaba da ki dieng sohñiamtra, kiba ki tnat jong ki ki soh rynjup da ki soh. Ngi la íapoi nangta ha ka bri ha kaba ki sohñiamtra jong ka ki la long ka jingpynsarong bakyrpang pher ía u nongsynshár, bad hangne la íathuh ía ngi ban pynsgewbha ía lade hi, bad kumta kumta hi u soh u la háp da ki rynjup ha ki kjat jong ngi. Sa shisien pat ngi la íarung hapoh ka lieng, bad la íaking artet ka wah narúd ka shnong Shella sha ka jaka ba la khot Phali, ha kaba la pynlong ka kynja hat. Hangne ki paid trai-ri ki la wallam la ki khoh sohñiamtra jong ki sharúd ka wah, bad ki dang íapynkit ía ki da ki íieng sha Shatok, ka shnong kaba heh katto katne ka jingjingai sharum ka wah. Ki riam ki beit ba thoh thabá bún rong, ki kpieng ki ksah ba phalang jong ki kynthei traishnong harúd ka wah, ki lieng ba i-kynjai ba la pynkit da u soh stem, ki riwlieng ba pálwán, ka jingrben sla ba shoh rong itynnat bad ka jingkynshah na shadien ba i-khlaiñ jong ki lúm ka la pynlong ía kata ka jingíohi kaba itynnát sat kaba íai snoh slem slem ha ka jingmut. Ka por ka la íaid slem haba ngi wanphai pat sha ka íing Mishon. Ha ka janmiet ngi la íadon bún ki nongwankai, hapdeng kita la long u Rangbah Sorjamin, u tymmen uba la ai bám ai díh bha ía ngi katta katta ha Laitkynsew. U la wan rung shapoh, u la íakynjut-kti bad ngi, bad nangta u la sdang ban kren da ka jingleh shitrhem mynsiem bakhráw shaphang átu re átu, ki khmat jong u ki da bá íeileh da ka jingishongshit. Ngi la íakylli ía u Sahep Stephens ía kaci ba u dang íakren kumta, bad la íathuh ía ngi, ía ka

kam jong ka Mishon, ka jinglong ba jynjár sat jong ki para-ri riewpyrthei jong u, bad ia ka khubor badonbá-rom jong ka Gospel. Kine ki long ki subjek barohor ha ka jingmut jingpyrkhat jong une u tymmen Khristan bashitthem mynsiem. Hadien pat, ka tnga bad ka tnga ka sem u Rangbah Ksan, u ebanjelis, ki la iawan ban hngah ia ngi. Nyngkong nyngshab eh, ki la lapynkit ia ngi da ki jingai sngewbha ba da ki sohñiamtra bad ki kait, nangta da kaba leh pynrit don akor ki la lakynriah sha kyndong jong ka kamra, ki lashong khylliap khohsiew ha madan, bad hangta ki la lasah shipor, ki da lapait shaiñ ha ngi, bad jubab ia ki jingkylli jong ngi. Uwei na ki u la long u khynnah samla ba i-nep ka khmat ba dang khatsaw snem, ba la khot "Alik", uba stád bha ha ka *Euclid* bad algebra, bad u dang hikai ka ktien Bengali. U khynnah rit u angnúd eh ban iawan bad ngi sha Bilat. Bún kiwei kiwei ruh kiba la wan shongkai bad ngi, baroh kita ki da wanrah ki jingai sngewbha da ki tnat ba dap da ki sohñiamtra bad kiwei kiwei de ki jait soh.

SNGI PALEI, Kyllalyngkot 8.—Kane ka la long ka sngi bakhatduh eh jong ngi ha Ri Khasi, badnga kynthaw bha ia kawei pa kawei ka jingjia barat eh ha ka La dang step ngir ngi la taleit jngoh kai ia ka iing u Rangbah Ksan, kaba kum ban pynkynmaw thymmai biang, ka la long hapoh ka Jaka Mishon. Ka la long ka iing Shella paka, bad la ka baranda baheh kaba mih kyntur na ka ar mala : hapoh ka la long ka bakhuid bad thanda ; ka jaka buhkot ka dap bha da ki kot bakynsai, kiba bún na kita ki long ki kot thioloji. U ebanjelis u dei-hok ban ioh ka jingiaroh ka bakhraw ba u pynkynriah tip-briew ia la ka iing sha ka Jaka Mishon, katba baroh kiwei pat ki Khristan ki shem daw ban sah ha ka rudwab ba dei jong ki riewpyrthei. Hadien ka jingbám step la king lieng ia ngi lyngba ka wah da u Rangbah Ksan sha ka jingialang ai khublei khatduh ia ngi ha ki Ri Lúm. Ka lingmane kam shym long kaba da heh eh, hynrei ba la tei itynnat eh hapdeng ki dieng, kiba tarap pynthanda ia ka. La

pynshitom katto katne ha kaba pynitynnat ia ka, bad lyngba ka tnúm la pynsdien ka sad jong ka lingjain baheh, ha kaba ki jingiaseng Presbiteri la pynlong barobor ha Shella, ha kaba ka Presbiteri ba dang shu lah shen la dei ban pynlong ha u Naiwieng, ban nym dei ba ka jingbthei jong ka kholera ka la pynsangeh noh ia ka. Ka balang Shella ka la sngewpangnud jur ia kane, bad la don ei-ei kaba ktah mynsiem ha kaba shu dang buh ia kane ka dak ba shabár jong ka Presbiteri kumba ki sngewsih ban shah ia ngi ban ieh ia ka Shella khlem kano-kano ka jingkynmáw biang shaphang jong ka. Ka jingtei ka la shlei shen-shen, bad ka la shoh kynsan-kynsan ia ngi da ka jingwanpaw ba i-donburom surom eh jong ki briew—ki kpieng ki ksah kiba phyrnai ha ki ryndang bad ksangti jong ki khynnah rit bad ka jingphong jaiñ riewbha jong ki kynthei. Ka jingpynbeit riang jong ki shuki ki ap ia ngi, bad hangne la shong u Wadár basbun mynsiem, uba, la u la long u riewpyrthei, u la wan ban leh burom ia ngi, ia u Sahep Stephens, u Sahep Thomas, u Dr. Griffiths bad ia ngi. Hadien jong ka jinglam khmat balyngkot jong ka jingiaseng, u Sahep Stephens u la pynithuh ia ngi ha khmat ka jingiaseng bad u Rangbah Ksan nangta u la wan tur sha khmat ban pule ia ka jingkren pdiang sngewbha na ka liang jong ka balang Shella, u da kren pyntam ha ka jingshisha ba kim shym la ioh lad, kumba ki la kyrmen, ban pdiang ia ngi ha ka Presbiteri. Ngilai ngut ngi la iakren sngewnguh ia ki, bad la kren khyndiat ki ktien iakhlad, u Rangbah Timothy u da kylla Khasi ia ki jingkren jong ngi. U Rangbah Sorjamin u la ieng joit, u la buh la ki kti jong u ha ka dien jong ka shuki, bad u la ai ka jingkren pnah ktien ba shlei da ka jingsngewshitrhem mynsiem u da khmih ha ngi da ki khmat bá leilieh jong u baroh shilynter. U Rangbah Ksan bad kiwei-kiwei de ki la kren pynbúd, ki da pdiang sngewbha bad kren ai khublei ia ngi ha kajuha por. Ka jingdwai ka la pynwai ia kane ka jingiaseng bakhatduh eh jong ngi. Hangne la long ki khyllipmat bakhatduh iawai jong ngi ha Ri Khasi. Sa shisien pat la king lieng ia ngi sha shiliang ka wah, bad la ia ong khublei sha baroh kiba ha ka ling Mishon,

ngi la iajám biang ía ki jingjám jong ngi kiba khatduh khatwai sha ka rúd jong ka um ha kaba ki lieng ki dang íeng ap ban kit ía ngi arsut sha Shatok, ha kaba la íeng u Sahep bad ka Mem Stephens, u Rangbah Timothy, u Rangbah Ksan bad bún-bún kiwei-kiwei de ki Khristan Shella. Ngi la iajám shapoh ki lieng ; ki riewlîeng ki shim ía ki jaka jong ki, bad ngi khih da kaba kynriah noh na ka rúdwah, ki lok ki jor jong ngi kiba harúd ka wah ki da íabúd ía ngi lynter ka wah katba ki íalah synei, hynrei khatduh khatwai ngim íohi shuh ía ki. U Rangbah Ksan, u ebanjêlis bashîrhem, u dang íadon hí bad ngi ; shaphrang ngi la íaleit tad haduh khatduh khatwai ngi donkam ban khublei íakhlád ía u, bad u rýnsied pjóng ha kawei pat ka lieng kaba leit phai kylla sha Shella. Baroh shilynter jong ka por nohphaisngi, ki lumbah ba i-khaiñ i-bakhráw jong ka Ri Khasi ki íeng shyeng ha ka jingrúid-dak bashai na shadien jong ngi ; ka jingsep ka sngi Índia ba shoh rong itýnnat sat ka pýnsum ía ki da ka jingshai ba i-donburom ; kane ka nang kylla sha ka jingsdang dum kem-íong-reiñ, hynrei la katta ruh da ki khmat ba angnúd ngi peit shain ía ki tad haduh ba ka jingdum baíong ka miet ka pár tuh ban kah, bad da ka pyrda rben jong ka ka kah noh ía ki na ka jingíohi. Tang íai taiew ki la íaid lait haduh ka sngi ba ngi, kaba nýng-kong eh, ba ngi la leit íohi ía ki Lúm Ri Khasi, katba ngi la nang king artet ía ki um bajaijai jong ka Brahmaputra baradbah ; hynrei hamar kine ki khyndiat sngi ngi la íaíoh kiba kum kita ki jingshem, ngi la íohi, ngi la íoh-sngew bad ngi la sngew ía kiei-kiei ba kum kita ía kiba ngim pat ju la íohi mynno-mynno, ne íohsngew ne sngew mynshuwa, bad ngi la dang íehnoh ía ka lyngkha mishon, kaba khih kyndeh tek-shi-tek da ka jingtrei smat Khristan, bad ía ka kynhún badonburom jong ki nongtrei bad ka balang ba ki la pýnsan pýnrangbah hapdeng ka eríong erngit bashyrkhei jong ka jinglong riewpyrthei, bad ka rah lang bad ngi ía kita ki jingsngew shon jingmut ía kiba ka por kam lah ía ka ban pyndam noli.

Ngi la íadang íapýnpér arsut ka wah jai-shi-jai baroh

kata ka por nohphaisngi, hynrei ki nongking lieng trai-ri jong ngi ki la pynsngewthuh ia ngi ba ngin nym lah poi ha Shatok tad hadien ka shiteng synñia, kumta ba ngi la iakup ia lade da ki shol bad ki rog, bad la iapynsuk ia lade-lade ia ka ban iohthiah katto katne kynta. Da kaba lyngngoh eh ngi la leit iohsngew ia ki Bengali ba ki pyrta "Shatok" kumba hynñiew baje, bad ban iohi ia ki jingshai bathabá jong kata ka jaka ba i-trei smat ha khmat jong ngi. U Dr. Griffiths u la don u lok uba shong hangto, u riewdonburom surom uba la long u nongbishár ha ki Ri Lúm Khasi ia arphew snem, hynrei uba la shongthait noh ha ka shiteng tulop, bad ngi la dei ban sah bad u haduh ba ka jhad kaba dei leit lynti sha Calcutta ka khot ia ngi. Shen-shen la pynrung ia ngi ha ka dak bangla baheh ka jong u bad da kaba iapynmuja ia ka jingpynsngewsuk baroh, bad hadien ka jingbám janmiet bad ka jingfakren kai biria bad u nongkhot iingbasa jong ngi, u Sahep Shadwell, ngi la ialeit thiah noh kham kloi.

SNGI THOHDIENT *Kyllalyngkot* 9.—Ki jhad iaid wah ha India kim páwnám na ka bynta ka jingtista por ; ban long shisngi ar sngi hadien ne wat shuwa ka por ym ju kheif kaba daleilei ba ka long ka jingjia bapher khyllah sngi. Ngí la iakhmih lynti leh-noh-ei baroh shisngi na ka bynta ka tдем jhad ka ban shim ia ngi arsut ka wah sha Calcutta, hynrei kane kam shym ktah than ia ka jingsngew-suk jong ngi, naba ka bangla ka la long kaba sngewsuk kynjai, bad u nongkhot iingbasa jong ngi u la pynsngew-tynnai ia ngi ha ka rukom ba dei iaroh. Ngí la iaiaid bad u kylleng ka shnong, bad la shem ia ka ka jaka ba iaid bún kam, kaba shlei da ki tiar die tiar thied jong man la ka jait tiar, ia kiba la pynhiar pynkiew arsut artet ka wah Surma, ha ka lieng nongkyndong. La ki surok ki la shlei, nga leit kum peit-thuh ia ka jingbamdon ki kynthai hapdeng u paid balaid, bad nga la sngew synei ia ki jying-thaw bapli ba la shah set hapoh ling, ki shah jynjar jong ki jingpyrkhat Bengali shaphang ka kyrdan jong ki kynthai jong ki.

SNGI SAITJAIN, *Kyllalyngkot* 10.—Ha ka por 6.30 baje mynstep ka jingput wisil bajam ka la ai jingtip la ka jingnangwan jong ka jhad, bad shen-shen ngi la iadon halor ka jhad kyrteing ka *Assam*, kaba la pynpaw ka jyingdiang iaid wah bakylluid, bad ka ar mala, ka jaka bam jaka dih bad ki kamra shongkai pyngngad. Ka jingiohi ia ki at ki them, katba ngi la nang iasyntuid ter-shi-ter, ka la long ka bam i-shoh-khmat ; ym don ei-ei ka ban pynkyndit ha ki rudwah, bad ngi la shu iaiaid lait hatenghateng ka lieng kynda, hynrei kane ka jingsngewkynjah hadien ki jingshem bapynkhih mynsiem ha ki Ri Lum ka la long kaba lah ben pdiang hun sngewbha eh. Kane kaba iaid lynti ha um, la kumno-kumno, kam long kaba duna ha ka jingsngewtynn timer sha ki katto katne na ka kynthun jong ngi, namar ki khun rit u Dr. Griffiths bad ki aia kim pat la ju tohi mynno-mynno la ia ka lieng kynda ne ka jhad mynshuwa ; ki la iapeit shaii lyngngoh ha ki jingpynpadai um baheh, bad ki la kylli ia nga la ka kor pynkhih ka la long ka kor niad asteri jain, ba kata ka la long tng kawei ka kor ba ki la ju tohi myrshuwa. Katba ka sngi ka la nang ngo, ki Mahomedan halor jhad ki la iadem khohsiew halor ka madan jhad bad la iaid lyngba ka jingmane janmiet jong ki, barobor ki da dem khohsiew sha pyrshah ka bol ba dang sep. Kine ki jhad kim lah ban iaid um ha ki wah mynmiet, bad barobor ki pynsangeh noh ha ka por dum. Jlip hiar u kynjri jong ngi, bad la pynskhem skhak ia ngi sha ka rudwah.

SNGI U BLEI, *Kyllalyngkot* 11.—Ngi la iasyntuid lynter baroh shisngi, khlem kano-kano ka jingiohi at-them lait sa tang ar tylli ki rudwah ba kham kiew hajrong ha baroh ar liang krung jong ngi. Ngi la long kiba iadonbok eh ha kaba don ia u Kapten jhad jong ngi, ia uba ngi la lap ba u long uba nep palat bad bariewblei naphang shaphang. U Doktor bad ma u ki la iadon ka jingiatania ba shit mynsiem shaphang ki jingiatbuhkhana pulpit u Robertson.

LAH SNGI U BLEI, *Kyllalyngkot* 12.—Kajuh ka jingiaid wah bad ka jingiohi wah. Ngi la iapynkiew idem

um thnam suki jai lynter baroh shisngi, bad la iabret angkhor kumba ju leh ha ka por miet.

SNGI HAT MAJAI, *Kyllalyngkot* 13.—Ha - ka por 11.30 mynstep ngi la iapoi ha Marainkonj, ka jaka sangeh iaid wah ba khie bha ka khaii ka pateng, ba la tei tang khyndiat mail na Dakka, kaba donnám slem na ka bynta ka jingshna ia ki les pynpúr sopti kynthei. Hangne ngi la donkam ban ap shisngi, bad ba la iathait da kane ka rukom im ba ha ka *Assam*, ngi la ialeit kiew ryngkew, bad la iakhmih hapdeng bún kiwei-kiwei kiei-kiei ia katto katne ki jingtylliati jhut ba i-tynnat; na kiba la pyntrei da kawei ka kompani bashlan thaw pyrshang. Ngi la iawan-phai sha ka jhad ha ka por janmiet, bad katba ka miet ka la nang wan tyllep nga la sdang ban sngew bam shait tynggeh. Ngan nym da la sngew hér mynsiem ban da nga la don ha la iing, hynrei ngi la dang ialeit lynti ha ki jaka kholera, bad, da shisha, kane ka jingpang kyrthep ka la pyni ia lade hi ha ki Ri Lúm wat hamar ka por ba ngi iasah hangto; bad shuh-shuh, kaba iaid wah ha kane ka thaiñ—ki pyntha ka Bengal—ka bud bad katto katne ki jingkheñduh ha ki nongwei ki bam mlien ia ka jinglong ka bneng ri India. Katba nga nang khieshoh-rih, nga la kylla long u shah-ksam sha ki shispah tylli ki jingpyntieng, bad da shisha nga la pyrkhat ba katto la dep baroh. Ka la long kaba bhahok ba u Dr. Griffiths u la don bad nga, naba u tip ba nga la iohpang na ka khieshoh khlaw, bad u la pyndonkam ki dawai ba ju pyndonkam; ka Mem Griffiths, ruh, ka la long ka nors batbit bha eh hi kein bad kaba sbun mynsiem eh.

SNGI BALANG, *Kyllalyngkot* 14.—Ngi la donkam ban pli jhad la dang step, bad ia nga la pynkit na ka *Assam* sha ka lieng rah dak Calcutta, ba la pynkup ha ki blangket. Nga la sngew jynjar sat bad nga la thiah kynjah ha la ka kamra jong nga baroh shisngi; ha ka por hynñiew baje ngi la iapoi ha ka shnong heh jong ka Goalundo, bad hangne ngi la ia iehnoh ia ka jhad, bad shim la ki jaka shong jong ngi ha ka trein ia kaba la buh por ban poi ha Calcutta ha ka step ka babud,

La don de shisha, shibún bah ka kam ía ka ban leh, ha kaba pyníaid ía ka kynhún baheh jong ngi, kaba buh ía ki shakri trai ri hapoh trein, ía kaba kum kata ka rukom pyníaid ki khmat jong ki kim pat ía ju poi lohí mynno-mynno mynshuwa bad ki ía shu kum peit tieng kumno re, bad ki da ía pyn-en ía ki khynnah rit, kiba ha kane ka por kí'ía íathait lwait, hynrei nga ía kylla klet ía kine baroh.

SNGI PALEI, *Kyllalyngkot* 15.—Kumba hynriew baje ía pynkyndit ía ngi da ki jingkyang pyrta "Calcutta," bad ngi ía íasngewbha eh ban lap ía lade hí ha kaba kut jong ka jingleit lynti jong ngi khatduh khatwai. U Dr. Griffiths bad ka kynhún ki da íadon ki lok hangne, bad ki ía pynmareh sha ka jaka shong jaka sah jong ki, katba u L—bad ma nga ngi ía íaleit wad ía kano-kano ka jaka sah ka barit. Ki jingshem jong ngi ía ki hotel ha Calcutta ka ía pynlong ía ka ban nym íakren ía ki, bad ngi ía kut jingmut ban leit wad da ka íing ai-bám ka ban pynsuk. Nga dang kren shaphang ía lade hí, kum ban ong noh, kum uba íashim bynta ha ki jingtrei shitom ía ka íit íing; kane kam long ha ka jingshisha kumta, namar níar eh ba ngan lah khih, bad níar ba ngan peiphang kham bha ía kata ka jingkyrkhu ía "kaba don u lok ha ka shipa". U lok synrán jong nga khatduh khatwai u ía lap ki jaka sah ba pynhun mynsiem jrut ha Chowringhee, kawei na ki jaka íaid jaka íeng ba i-kyntiak jong ka Calcutta, bad shen-shen ía nga ía pynbeit ha ka jaka thiah ba loh íyer bha, ba ía ker tawiar da man ía ka jingsngew pahuh-bai bad da u nongap bakyrpang ban hajir kaba peit ía nga. Ha kine ki jingpynjia babha pyrthei, shen-shen nga ía sdang ban sngew kham shait bha pat, bad ka khieshoh mian-pa-mian ka ía íehnoh dak ía nga.


SNGI THOHDIENG, *Kyllalyngkot* 16.—Ngam don ei-ei ía ka ban buh jingthoh naba ngam shym mih na ía ka kamra, hynrei nga ía nang shait bha pat kloí-kloí hapoh ka jingsumar bad jingpeit basbun jong ki lok ki jor..

SNGI SAI TJAIN. *Kyllalyngkot 17.*—Shu dang ha ka pyrthei kamra thiah, hynrei kat ha ka janmiet nga la sngew lajan kumba ju long mynshuwa biang sa shisien pat, tangba shu tlot khyndiat hadien ka khieshoh.



**LA KUT, IA KA JINGIAID LYNTI
HA RI KHASI.**





**Ki Kot Khasi ba lah ban ioh na ki nongdie
kot Khasi ha Shillong lane na ki
nongthoh hi harum :—**

***Da i Kong Beatrice Mittra, B. A.
Jaïaw, Shillong.***

1. Ka Histori jong ka ri India (IV-VI) ... 1T. 50 nP.

***Da u Bah Frank M. Pugh,
Jaïaw, Shillong.***

2. Ka Kot Hygiene (IV-VI) 1T. 50 nP.
3. Ka Kot Geography (IV-VI) 2T.
4. Ka Drama u Shakespeare, Katba phi mon 1T.
5. Ka Dafalok Nangno u Khasi u hiarpateng 1T.
6. U Khún Syiem na ka Iing u Dabid Kitab I 1T.
7. U Khún Syiem na ka Iing u Dabid.
Kitab II & III .. 2T.
8. Ka Phawar-Rwai Khasi 1T. 50 nP.
9. Ka Shang Syntiew 1T. 50 nP.
10. Ka Kot Geometry Thymmai (IV-VI) ... 1T. 50 nP.
11. U Khún Syiem na ka Iing u Dabid.
Kitab IV & V ... 2T.
12. U Romeo bad ka Juliet 2T.
13. Ka Histori jong ka Assám (IV-VI) ... 50 nP.
14. Ka Gulabpi (Ka Khana India) ... 5T.
15. U Elija, Ka Prosodi bad Retorik ... 5T.
16. Ka Jinglarap la ki Kot B. A. Khasi
Bynta I ... 2T.
17. Ka Jinglarap la ki Kot B. A. Khasi
Bynta II ... 2T. 50 nP.
18. ~~Ka~~ Shang Khmih-Pyrthel u Lord Clwyd
... ... 2T.